

The Ohio State University



3 2435 01219 1367

BP75D316T81928

001

HAZRET-I MUHAMMED VE KUR'AN-I KERIM

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	02	15	17	8	16	016	1

LIBRARY
OHIO STATE UNIVERSITY

حضرت محمد وقرآن کریم

مؤلفی

زودہ دودہ بیروت

مترجمی

عمر رضا

مترجم طرفندن دین تدقیقاتک تاریخی حقننده بر مقدمه و متعدد
نوطلر علاوه اولونمشدر

Muhammad & the Teachings
of the Quran

ایکٹیجی طبعی

استانبول — آمدی مطبعه سی

۱۳۴۷ — ۱۹۲۸ م

BP 75.27

D383

1928

مترجمك مقدمه

تقريباً ايکي سئنه مقدم ايلک دفعه ترجمه و نشر ايتديکمز بو اثرک قارلریمزدن کوردیکی رغبت نتیجه سنده موجود نسخه سی قالمادینی ایچین ایکنجی دفعه طبعنه لزوم حس ایتدک. بو فرصتدن بالاسفاده اثرک مقدمه سی و ترجمه سی یکیدن تدقیق ایدیلشدر. بوندن دولایی قارلریمز، ایکنجی طبعک برنجی طبعدن بلکه دهها فرقلی اولدیغنی کوره جکلردر. شبهه سز بو، قارلریمزدن کوردیکمز التفات و رغبتک پک طبیعی بر نتیجه سیدر. اثریمزه کوستردکلری رغبتله نشر ایتدیکمز اثرلرک تکملنه یارديم ایدن قارلریمزه اک صمیمی شکرانله میونز. بوراده بو صمیمی بورجی ایفالايمه یی بر وظیفه عد ایدیورز.

(حضرت محمد و قرآن کریم) عنوانیله ترجمه ایتدیکمز بو اثرک مؤلفی (ژونده وه نیورت = John Davenport) انگلیز عالم تألیف و تحریرنده متعدد اثرلریله طاینمش، قیمتلی وحقشناس بر محرردر. مستر (دوه نیورت) ک حضرت محمد و قرآن کریمی موضوع بحث ایدرک غرب عالم تعصبنک دینمز و پیغمبریمز حقنده اویلدوردیغنی خرافه لری و اونلره اسناد ایتدیکی فثالقلری رد و جرح ایدن بر اثری بولوندیغنی بعض اسلام مؤلفلرینک اقتباساتندن آکلایوردم. بو اثری کورمه یی چوق آرزو ایتدیکم حالده اونک بر نسخه سنی بولق ممکن اولمامشدی. فی الحقیقه، بواثر، یاریم عصردن فضله بر زمان مقدم لوندرده طبع ایدیلشدی. بو قادار زمان مقدم طبع اولونان بر اثری بولق خصوصنده مشکلاته تصادف، پک طبیعیدر. نقط آوروپا کتبخانه لرنده اولسون بو اثرک بر ویا بر قاچ نسخه سنده تصادف ایتک ایجاب ایتزمیدی؟ اثرک معالی و حقایق اسلامییه یی افاده ایتمه سی اونک برآن اول اورتادن قالدیر یلاسنی انتاج ایتش اولاجق که وقوع بولان تحریاته رغماً اثرک بر نسخه سی بولونمامشدی. مع مافیہ مستر (دوه نیورت) ک حفره نسیانه کومولر و آنجق بعض کتابلرک کوشه لرنده بوجاقلرنده بر قاچ سطرینه تصادف اولونان اثری، غیرت دینیہ و حمیت ملیه سی مسلم اولان عزیز و فاضل وطنداشمز اسعد فواد بک افندیکنک همتیله، بعث بعدالموته مظهر اولدی. اسعد بک افندی، بو اثری بولق املیله بر چوق کتبخانه لرک فهرستلرینی تدقیق ایتش ایسه ده مثبت بر نتیجه استحصال ایده مه مش، نهایت کچن سئنه اثرک بر قاچ نسخه سنی الله

ایتمکه موفق اولارق ، اوکا تازه بر حیات ویرمشدر. اسعدبک افندی بولدیغی
نسخه لرك برینی بزه اهدا ایتمک لطفنده بولونقلرندن بزده اثری ترجمه ونشر
ایدهرك دینداشلیرمیزی استفیید ایتمه یی استهداف ایله اثرک ترجمه ونشرینی
تأمین ایتمک . [۱]

مستر (ده وه نیورت) ک اثری کوزدن کچیریلدیکی تقدیرده انکلیز
محررینک معالی و فضائل اسلامیه نفوذ ایتدیکی درحال آ کلاشیلیر. عجبا
مستر (ده وه نیورت) طرفندن خریستیانلق تعصبک فاحش اسناداتنه قارشی
یازدیغی کوزل ردیه ، منحصرأ کندی شخصی تنبعاتک و شخصاً مفطور
اولدیغی انصاف و حق شناسلغک بر اثریمی ، یوقسه دهها فضله غریبه باشلایان
مهم بر حرکتک نتیجه سی میدر ؟ .

بو نقطه یی تدقیقه لزوم کورمک لکمزک سببی ، (ده وه نیورت) ک اثرینی
فردی بر تشبثدن فضله ، آوروپاده عصرلرجه مصادمه ایدن متضادمفکوره -
لرك تولید ایتدیکی بر حرکتک ، علمی بر انکشافک محصولی عد ایتمه مزدر.
آوروپاده صنف روحانینک حاکمیت دورینه ، بو دوری تعقیب ایدن دینه
خصوصیت فترته ، دهها صوکره باشلایان علمی تدقیقات دینه حرکتنه سریع
برنظر عطف ایتدیکنز تقدیرده بو حقیقتک درحال تجلی ایده جکنه قانعر.

« قرون وسطی » تسمیه ایتدیکنز دورده خریستیانلق ، بر طرفدن
بت پرستیکی ، دیگر طرفدن یهودیلکی احایه چالیشدیغی زمانلرده ،
کندیسندن هر وجهله دهها قوتلی یکی بر دین اولان مسلمانقلقه ده قارشیللا.
شمش و بو دین ایله مجادله یه طوتوشمشدی . بالنتیجه خریستیانلق
بوتون صلاح و مسالمت مفکوردلرینی کلیاً بر طرف ایدرك دین نامنه

[۱] « بوکونکی اسلام عالمی » The Islamic world Today عنوانیله

۱۹۲۵ ده انتشار ایدوب هر فصلی آیری بر محرر طرفندن یازیلان و « بین الملل
میسونهر هیئت ریسی ژون موت » طرفندن ریاست تحریریه سی درعهده
اولوان اثرک « بوکونکی اسلام مدافعاتی » عنوانلی یکرمنجی فصلنده ، میستر
ده وه نیورت طرفندن یازیلان بو اثرک هند مسلمانلری طرفندن مکرراً طبع
اولوندیغی بیان اولونمقده در. فقط بزم المزده کی نسخه محررک حال حیاتنده طبع
و نشر اولوان نسخه در.

بوتون « كفاره »، یعنی یهودیلره، مسلمانلره واونلره برابر بوتون خریستیان اهل اعتزالنه اعلان حرب ایتشدی . (رونه سانس) نامنی آلان دورانتباه، (ره فورماسیون) تسمیه اولونان دور تجدد، خریستیانلغك ادیان سائره یه، بالخاصه مسلمانلغه قارشى دویدینی بوعداوتی تخفیف ایده مه دی . مجدد (لوتهر)، مسلمانلغه هجوم خصوصنده، اسلافی درجه سنده شدتله حرکت ایدیوردی . اونك نظرنده حضرت محمد، - حاشا - مجسم شیطاندى ! لسان عبرانی تدقیقاتك احیاسی، اوروپاده خواص ویا عوامك یهودیلری قاتی یوره کلی، انجیل محبتی ادراك ایده میه جك درجه ده حسسز بر جماعت تلقی ایتمكدن آلیقویماشدى ! اون سکزنجی عصرك اورتالرینه قدر دوام ایدن بو حسیات، خصومت و طرفگیرلیكه مستند آثار ابله بوس بوتون کوروکله نمشدى خریستیانلغك بو اعتسافكار حرکتنه قارشى بکله نن طبیعی عکس العمل، آجق اون سکزنجی عصرك اورتالرنده باشلادی . خریستیانلق کبی، محبت دینی اولدیغنی سوله یین بر دینك متمادی آقیلیج صاللامه سنده وقان دوکمه سنده کی مدهش تضاد غرب متفکرلرینی دیگر منتهایه، یعنی بوتون اعتقادات دینی دن شبهه یه سوق ایتشدی .

فی الحقیقه اون یدنجی عصرده غرب متفکرلرندن بر قانچك استقلال افکاری رهبر اتخاذ ایتمه سی، اون سکزنجی عصرده خریستیانلغه قارشى بر عصیانك انفلاقنه مؤدی اولدی . باشده فرانسه اولق اوزره مختلف مملکتلرک محررلری صنف روحانی یه هجوم خصوصنده بر برلریله مسابقه ایدیور، رهبانك دنی بر طاقم منافع اوغورنده انسانلری آلداتدقلرینی، خرافات آمیز حرکات و عقائدله خلقی ابدی اسارتیه دوچار اتمك ایسته دکلیرینی سوله یورلردی . رهبان صنفك غایت اعتسافكار بر خط حرکت تعقیب ایتمه سی، خریستیانلغه قارشى مدهش بر عداوت تولید ایتشدی . یالکیز بوعداوت خریستیانلغه منحصر قالمایارق بوتون ادیانیه تشمیل اولونمشدى . بو صورتله روحانی صنفك اعتسافکارلغنی، دینه عداوت جریانی تعقیب ایتدی . فقط، بو عداوت جریانی، اعتسافکار اراق جریانندن ده افنا و داهامصیبت انکیز نتیجه لر تولید ایتدی . چونکه انسانلر دینی عقائده ایناندقلری مدیحه بشریتك بو کسك مقدراتنه اعتماد ایدیور، بشریتك علویته، بشریتك تعالیسنه اینانیورلردی . دینه عداوت جریانك ظهوریله بشریتی استحقار فکری ده تولد ایتدی . بو جریانه کوره بشریت، یر یوزنده کچیردیکی بوتون حیات اثناسنده هپ آلدانمش، هپ آلداتیلمش، ضعیف، بیچاره، عاجز، و بو اعتبارله آنجاق استحقاره شایان بر بشریتدی .

رهبان صنفنك اعتسافكاراغيله منورلك دینه عداوتی اون طقوزنجی
عصرک حلوله قدر دوام ایتدی . هرایکی طرف ، احراز فائیت همچون ،
بربرلریله مجادله ایدیورلردی .

بو مدهش مجادله نك عرض ایتدیکی منظره شو ایدی : اوروپاده بر
طرفده روحانی صنفلر ، بسله دکلی و مدافعه ایتدکلی عقائدك عقل ومنطق
قارشیدینده کی قیمتسزلیکنی ذره قادار قاله آلمایه رق اونلری استحقار ایدنلرله
مجادله ایدیور ، دشمنلرینی عذاب ایدی به لایق و مستحق کوریورلردی .
بونلرک بو خط حرکتی دین تدقیقاتنك حقیقی تحری شکنی آلماسنه مانع
اولویوردی .

فقط بونلرک مختصرلی ده عینی نتیجه یه واریورلردی . چونکه بو مختصر
بشرک تاریخی جریاننه حاکم فکرلری تمامیه اهل ایدیور ، بشریتك فضائلنه
ذره قادار اینانمایور ، صنوف روحانیه نك فناقلرینی دینه عطف ایدیور ،
بو صورتله دینك منشأی و ماهیتی حقنده اساسلی و درست برتدقیقه اساس
تشکیل ایتکدن چوق اوزاق نظریه لرله اورتایه آتیلیورلردی . « تاریخی
تدقیق و تحقیق » فکرندن کلیاً اوزاق اولان بو آدملر آنجاق پاپاسلرک
فناقلرینی ، آنجاق روحانی صنفلرک یابدقلرینی کوریور ، دینی فکرلرک ،
دینی مفکوره لرک ، دینی تشکیلاتك بشریت اوزرنده اجرا ایتدیکی تأثیری
کلیاً اهل ایدیورلردی .

انتباه و تجدد دورلرینه تقدم ایدن زمانلرده صنوف روحانیه نك
اعتسافکارانی پك غریب کورونمزسه ده انتباه دورنده خصومت ذهیتنك بو
شکلده حکمران اولماسی پك غریبدر . چونکه او زمانده سیاحت و کشفلر
سایه سنده دنیاده کی دینلر و حرثلر حقنده کی معلومات آرمشدی ، بوندن
دولایی هیچ اولمازسه متفکر صنفك افق رؤیتنده بر آز وسعت کورولمه سی
ایجاب ایدردی . حال بوکه بونی کوستره جك هیچ بر اماره یه تصادف
ایده میورز . قرون وسطانك اعتسافکارلنی اوروپایی پنجه لرنده صیقمش ، اك
بویوك آدملر صیراسنده طاینانلر بیله بو تأثیرلردن قورتولاماشلردی . او
زمانك اعتسافکار و کور کورینه متعصب ذهیتنی هر کسدن فضله (لوتهر)
تمثیل ایدر . (لوتهر) کندی دیندن باشقا هر دینه تعرض ایتشدر .
(لوتهر) ك یازیلرینی تدقیق ایتدی کمز تقدیرده اونك مثلاً ادیانك تنوعنده کی
سر و حکمتی بر نبذه جك دوشوندیکی افاده ایده جك هیچ بر شی
بولامایز .

(لوتەر) مسلمانانقله ده مشغول اولمش ، مسلمانلق اونك خايليدن خايلي ده نظر دقتنى جلب ايتمشدى . فقط (لوتەر) بو مشغوليتنده آنجاق اعتسافكار ذهنيته تأثيرينه رام اولديغندن (۱۵۴۲) ده قرآنك بعضى پارچالرينك ترجمه لرینی نقل ايدهرك بونلری كویا رد و بحرجه اوغراشمشدى . فقط (لوتەر) ك بوتون بو تدقیقاتی ، منحصرأ تعصبك ، منحصرأ اعتسافكارلنك قويو و مستهجن بر افاده سیدر . مثلاً (لوتەر) ك قرآن علیهنده یازدیغی اثرك سر لوحه لری ، اونك نه ماهیتده بر آدام اولدیغنی کوسترمكه کفایت ایدهر . بو سر لوحه لر ایچنده شونلری کوریورز : « محمدك قرآنی وحشیانه در » ، « قرآنده کی یالانلر » (لوتەر) ك اثرنده توحید عقیده سنك اك بویوك ناشیری (شیطان) ك پرستشکاری اولارق توصیف اولونیور . (پایا) ایله « تورك » ك برلشمه لرندن دجالك حصول بولدیغنی آکلاتیلیور . چونكه ، اوکا کوره ، وحشی بر جاناوارك هم بدنی ، هم ده جانی واردر . دجالك جانی « پایا » ، آنی ده « تورك » در ! (لوتەر) بر الیهیسنده شوسوزلری سویلیور : « یارنی ! کله کله و امید کله بزى صیانت ایت ، مسلمانله پایای محوایله ! » (لوتەر) ك ماهیتنى کوسترن بو سطورلر ، اونك نه قراطده بر آدام اولدیغنی آکلاتمه کفایت ایدر . (لوتەر) ك اك صاف و اك تمیز « توحید » ی ، الوهیت حقنده اك یوکسك تلقی پرورده ایدن مسلمانلری « شیطان » ك پرستشکاری طایماسندن و اوپله طایتماسندن اونك نه قادار کور ، نه قادار وحشی بر تعصبه اسیر اولدیغنی در حال آکلاشیلیور . یوز میلیونلرجه انسانك هدایت و نجات منبى طاییدیغی بر دینی ، بو قادار جاهلانه و بو قادار متعصبانه بر کوروشله تحقیر و تزییف ایتك ، تجدد دورینك روحانی تیبلری حقنده بر فکر ویرر .

روحانی صنفلك مسلمانانغه قارشى آلدقلى بو وضعیتی کورد کدن صوکرأ بو روحانی صنفله قارشى عصیان ایدن متفکرلرک حالنه بر نظر عطف ایتك ایجاب ایدر . شبهه سز غربده دینه عداوت جریاننك اك قوتلی ممثلی (وولتەر) در . (وولتەر) حضرت محمد حقنده کی تلقیسنی (ماهومته) یعنی (محمد) یاخود (متعصب) عنوانی ویردیکی فاجعه سنده افاده ایدهر . شایان حیرت بر نقطه (وولتەر) ك حضرت محمد حقنده کی تلقیسنده (لوتەر) له برلشمه سیدر . مثلاً (وولتەر) کی حر بر متفکر ایله (لوتەر) کی بر دین مجددی حضرت محمدی - حاشاتم حاشا - ساخته کار عد ایتکده برله ش- یورلردی . فقط وولتهرك ذهنيته ، (لوتەر) ی ده حضرت محمدله برابر ساخته کارلر زمره سنه ادخال ایتدیکی کی ،

لوتھرک ذهنتی ده وولتهری حضرت محمدله برلکده کفار زمره سینه الحاق ایدییوردی ! اونلکده تصویر ایتدیکی محمد، (لوتھر) ک تصویر ایتدیکی محمد کبی - حاشاتم حاشا - حریص، حیلہ کار، خسیس مقصدلر اوغورنده هرجرمی ارتکابه آماده بر آدمدر . (وولتهر) ک کویا حضرت محمد دینه تصویر ایتدیکی شخصیتک تاریخ نقطه نظرندن اصلی یوق ، وجودی یوقدر . اساساً (وولتهر) ک منسوب اولدینی فکر مکتبی ، تاریخی تتبع و تدقیق ایتهمش، بلکه دینه عداوت سوقیله بشرک تاریخی حقه باز اوپوننه چهویرمش ، دین تاریخنه نفوذدن عاجز اولدیغنی کویسترمش، بالنتیجه بو دین دشمنی متفکرلر، رهبان صنفی قدر ، تدقیقات دینییه و حقائق دینییه نک ظهورینه مانع اولملردر .

بر طرفدن رهبان صنفی ، دیگر طرفدن دینه دشمن متفکرلر اوزون اوزادییه دوکوشدکن صوکر ا دین تدقیقاتنده « تاریخ » ی رهبر اتخاذ ایدن مکتب ظهور ایتدی . بو مکتبک عمومی بر قبوله مظهر اولماسی شرفی ، اون طقوزنجی عصره عائد ايسهده ، اونک مبادیسی دینه عداوت جریانک حاکم اولدینی اون سکزننجی عصردهدر . بو مکتبک حقیقی مؤسسی آلمان (فون هردر) در . ۱] آلمان دماغنک جدیتی . فرانسر مادیوننک دینه قارشی تولیدایتدکاری عداوته عصیان ایتمش، دیگر طرفدن اون سکزننجی عصرده ، انکلتزده دن زیاده ، آلمانیاده تأسس ایدن تحریری حریتی ، تدقیقات دینییه نک سالم بر شکلده انکشافنی تأمین ایتشد . بز بو صفحه نک یالکز بزه تعلق ایدن قسمیله علاقه دار اولدیغمز ایچین شونی سویله مکله اکتفا ایده جکیز : تدقیقات دینییه ده تاریخ و علمی رهبر اتخاذ ایدن مکتبک تأسسندن و کوک صالما سندن صوکر ا غرب عالمنده حضرت محمد 'بله مسلمانلق حقنده کی فکر وقناعتلرک دکیشمکه ویوکسلمکه باشلادیغنی کورورز . بونک اک جانلی مثالی (قارلایل) ک اثریدر . (قارلایل) ک ۱۸۴۱ ده انتشار ایدن « قهرمانلر » عنوانلی اثرینک ایکنجی فصلی « پیغمبر صفتنده قهرمان » سرلوحه سی آلتندهدر و حضرت محمددن باحشد . انکلز متفکری ، رسول اسلامک حیاتی و سچییه سنی تحلیل ایتدکن باشقا احراز ایتدیکی موفقیتلرله اونک حقیقی ماهیتنی ایضاح ایتکدهدر . (قارلایل) ه کوره اون ایکی عصر یوزلرجه میلیون انسانه حیات رهبرلکی ایدن بر انسان ، اوروپالی محررلرک دیدیکی وتلق ایتدیکی کبی ، بر

ساخته کار اولاماز . حيله کار بر متعصب ، حضرت محمدك احراز ايتديكى موفقتلری قازاناماز . آنجاك ایمان صاحبی بر انسان ، باشقالرینه ایمان نفخ ایده بیلیر . حضرت محمد ، انسانلره رهبر اولق اوزره دوغمشدر . یوقسا اوکا بر کیمسه اتباع ایتزدی . حضرت محمد مفکوره لرینه صادق دی . چونکه « ساخته کار بر آدام ، بر دین دکل آ ، کرپچدن برأو بيله وجوده کتیره من ! » قارلایل ، حضرت محمدی بو طرزده محاکمه ایدرك دورنده حضرت محمد حقنده معلوم اولان هر شیشی یازمشدر . اوزمار اوروپاده حضرت محمد حقنده وقوع بولاجق تدقیقات ایچین شایان اعتماد مأخذلر آزدی . بناءً علیه (قارلایل) چوق قوتلی اولان بصیرت تاریخیه سیله حرکت ایدرك بر چوق اساسلر زوایتلری ، ابلهفریبانه حکایه لری رد و جرح ایتشدر . بو صورتله غرب عالمنده ایلک دفعه اولق اوزره ، حضرت محمدك حیاتی تاریخی بر شکلده یازیلشدی . بر « سیرت نبویه » اولق حیثیتیه (قارلایل) ك اثری ، اوروپاده بيله بو کون حائز اهمیت ده کلدیر . چونکه ، عربجه ايله یازیلان امهات آثار آوروپا لسانلرینه ترجمه ایدیلر ك نشر ایدلمش بولونیور ، بو یوزدن غرب محررلری (قارلایل) ك یا کشلرینی کندی الاريله تصحیح ایدیورلر . فقط حضرت محمده عائد تاریخی بر تلقی اولق اعتباريله (قارلایل) ك اثری قیمتی بحافظه ایتکده در .

(لوتهر) ك قرآنه قارشى یازدینی چیرکین اثر ، (وولتهر) ك حضرت محمد حقنده یازدینی قورقونچ فاجعه ، برده (قارلایل) ك (پیغمبر صفتنده قهرمان) عنوانلی اثری یان یانه کتیریلیرسه غرب عالمنك مسلمانلغه و حضرت محمده دائر تلقیاتنده کی محولاتی قاورایه بیلیرز .

فقط پوقاریده سوله دیکمز کی (قارلایل) ك اثری یا کشلرله دولودر . (قارلایل) بالخاصه قرآن کریمی هیچ آ کلامامش ایسه ده بو نقصانلر ك مهم بر قسمی ده اونی تعقیب ایدنلر تلافی ایتشدر . نته کیم اثرینی ترجمه ایتدیکمز مستر (ده وه نیورت) سیرت محمدیه نك کوزه لاسکنی ، معالی و بدایع قرآنیه یی ، قرآنك روح اخلاقیسنی تجلی ایتدیرمکه چالیشمش و حضرت محمده قارشى وقوع بولان بهتانلری رد ایتشدر .

کورولبورکه مستر (ده وه نیورت) ك اثری مهم بر حرکت علمییه نك محصوللار ندندر . بو حرکت علمییه ، انکشاف ایتدیکجه اسلامك محاسن و فضائل ده او نسبتده تجلی ایتکده در .

بو سوزلر من یا کلاش آ کلاشیلامالیدر . مقصدیمز ، غربده ، اسلام

دشمنانك زائل اولديغنى سويله مك دكلدر . خاير ، بو عصرديده عداوت و
 بوتون بوتون زائل اولمقدن چوق اوزاقدردر . ميسيونه رلك نامى آلتندە چالیشان بر
 سور و تشكىلات هر كون افكارى تغليط و وجدانلرى تشويش ايله مشغول
 اولوبور و هر كون يكي يكي اثرلرله بووظيفه سنى ايفاده قصور ايتيور . شبهه سز
 بو اثرلر سوء تفهملرى ادامه يه خدمت ايتكده در . بزىالكلز علمى و تاريخى
 تحقيقاتك مطلقا لهمزه انكشاف ايدە جكنى سويله مك ايسيتيورز . بزم علمى
 و تاريخى تحقيقاتدن ذره قادار اندیشه من يوقدر . بزم قووقومنز ، تعصب
 وجهالتدندر . تعصب و طرفكيراكدن آزاده تدقيقات ايلريله دجه ، مسلمانلر
 حقنده بسله نن حق سز خصومتلرده قوتلى ضربه لره اوغرامقده در . هيچ شبهه سز
 حقيقت ، اطرافنى صاران اوهام و خرافات بلوطلرني تارمار ايدرك بر كون
 كوش كې دوغه جقدر .

بو كون قارئلريمزه تقديم ايتديكمز اثر ، حق و حقيقتە بوواديدە خدمت

ايدن اثرلرك بريدر .

۱۲ ايلول ۱۹۲۸

عمر رضا

مؤلفك مقدماتی

بو صحیفه لر ، سیرت محمدیه یی باطل اسنادلر و متعصبانه تجاوزلردن تجرید؛ حضرت محمدك بشریته اك خیرخواه انسانلردن بری اولدینی دعوی محقی تأیید ایچین وقوع بولان ناچیز ، فقط صمیمی بر تشبشدر .

کور بر تعصبك تأثیر آلتنده قالارق « توحید عقیده سنی » احیایدهن ذاتك صیت بلندینه تجاوز ایدهن محررلر ، حضرت مسیحك اك قوتلی و اك مؤكد صورتده تلقین ایتدیکی روح شفقته کلیاً یابانجی اولدقلرینی کوسترمکه قالمشدر ، بوندن باشقا ، محاکمه لرنده ده خطا ایتمشلردر . چونکه أدنی بر تفکر ، رسول اسلامك خریستیانی و عصری بر نقطه نظر دن ده کل ، شرقی بر نقطه نظر دن تنقید اولونماسی لازم کلدیکی کوستردر . تعبیر دیگرله حضرت محمد ، عربستانده میلادك یدنجی عصرنده ظهور ایدهن دینی بر مجدد و بر شارع اولارق دوشونولمه لی و محاکمه ایدلمه ایدر . او زمان حضرت محمد هیچ شبهه سز ، بوتون جهانده ظهور ایدهن اك نادر و اك علوی دهالردن بری ؛ هیچ اولمازسه ، آسیانك اولادلیله افتخار ایتدیکی اك بویوك انسان اولارق قبول ایدیلر .

محمدك ظهورندن مقدم عربلرك نه حالده اولدقلرینی ، ظهورندن صوکر و وضعیتلرینك نه درجه تبدل ایتدیکنی نظر دقنه آلیر ، بوندن باشقا عقائد اسلامیهنك یوزلرجه میلیون انسانك قلبنده اویاندر دینی شوق و هیجانی دوشو- نورسك بو قدر خارق العاده و بو قدر بویوك انسانه قارشى حیرانلغیزی کتم ایتمهك اك آشکار ظلم اولدیغنی طویعه مغه امکان قالماز . بعثت محمدیه یی کور تصادفه عطف ایتك ايسه قدرت الهیهك كائناتشمول حاکمیتندن شبهه ایتمکدن باشقه برشی ده کلدر .

مؤلف بر قاج نقطه ده ، بو قدر مراقلی ، بو قدر مهم بر موضوعی لایق اولدینی اهمیتله افاده خصوصنده کندى قدرت پیاننه اعتماد ایتمه دیکی زمان ، باشقا محررلرك فکر و بیانندن استمداد ایتمشدر . فرصتدن بالاستفاده بودواته صمیمی و متدارانه تشکراتی تقدیم ایدرم .
ده وه نیورت

برنجی قسم

حضرت محمدؐ کی حیات

برنجی فصل

حیات محمدیہ نیک موثوقیتی۔ محمدک زمان تولدندہ عربستانک احوالی۔ عربلرک دینی۔ موسویلکک و خریستیاناغک تردیاتی۔ حضرت محمدک زمان تولدی۔ حضرت عیسانک نہ زمان دوغدیغنک مشکوکیتی۔ حضرت محمد، نسل اسماء۔ عیلندر۔ کعبہ و حجر اسود۔ (بورقہارت) ک سوزلری۔ ختان محمدی۔ عیسانک اون ایکی غلافی (ہامش)۔ آمنہ نیک ارنحالی۔ حضرت محمدک شفقت بنوتکارانہسی۔ محمدک سوت والدہسنہ شکران منتدارانہسی۔ محمدک عمجہسیلہ برلکدہ تجاری سیاحتلری۔ چولادہ ماجرالر۔ حضرت محمدک زنکین بردول اولان حضرت خدیجہ ایلہ ازدواجی۔ شخص محمدینک ایکی تصویرى۔ حیات محمدیہ نیک حیات یسوعہ مشابہ دورى۔ محمدک مغموم و متفکر حالى۔ جبریل امینک ظہورى۔ حضرت محمدہ رسالتنک تبلیغی۔ تجلیات مثالیہ کورہ نلرہ دائر ملاحظات۔ ایلک مؤمنار۔ عدم موفقیت۔ معجزہ طلبی و بوطلبک ردی۔ حضرت محمدک وزیرى حضرت علی۔ محمدک نبشیرات علنیہسی۔ عمرک اہتداسی۔ حضرت محمد ابلہ آرقداشلرینک اوغراقلری اعتسافات۔ ایلک ہجرت۔ حبشستانک مہاجرلری حمایہسی۔

مشہور پیغمبرلرلہ فاتحلر آراسندہ، تاریخ حیاتى حضرت محمدک تاریخی کبی، اک اینجہ تفرعاتنہ قدر اک موثوق شکلدہ قید و ضبط اولونان بر کیمسہ کوستریلہ مز۔ فی الواقع حضرت محمدک تاریخی، آسیالی محررلرک مبالغہ لرندن تجرید ایتدیککیز تقدیردہ کریدہ قالان تفصیلاتک محض حقیقت اولدیغنی کورورز۔

حضرت محمدک زمان تولدندہ عربستانک بویوک برقسى، اجنبیلرک بویوندروغندہ ایکلہ یوردی۔ عربستانک شمالی اقسامى کبی، سوریه، مصر و فلسطیندہ بیزانس ایمپراطورلغنک حاکمیتنہ داخلدی۔ بصرہ کورفزینک ساحللری، دجلہ و فرات نہرلرینک اروا ایتدیکی ساحلہ ایلہ جزیرہ نیک اقسام جنوبیہسى، ایران کسرالرینک نفوذى آلتندہ ایدی۔

بحر احمر ساحلنك (مكه) نك جنوبنه قادار اوزانان بر قسمى
 حبشستانك خريستيان حكمدارلرينه تابعدى . انجق (مكه) ايله
 عربستانك يتشلمز اقسام داخلهسى استقلالنى محافظه ايديوردى .
 مملكتك سىامى مقدراتى ، اهالىنك عقائد دينهسىنى واسع
 بر مقياسده تجلى ايتديريوردى . نروده يونانيلرله حبشيليرك نفوذى
 حاكمسه اوراده خريستياناق متفوقدى . يكديكريه جدال ايدن ايكي
 اساسى قبول ايدن مجوسيلهكله مانيلك ۱ [ايرانه تابع حواليده حاكمدى .
 اوتة طرفدن ، بت پرستك بى پايان بر سطوتى حائزدى . اول امرده
 عربلر ، ىرى و كوكلرى يارادان ذات اعلايه پرستش ايديوركن
 بالآخره بو عبادتى ترك ايدرك سيارات و ثوابته مقيم وير يوزى
 اداره ايتمكده اولديغنه اعتقاد ايديلن پرلره واللهك اوغللرينه طابق
 ايچون معبدلر انشاسنه باشلامشردى . فقط الاهلر ، عربستانك
 هر طرفنده شاين پرستش كورولم يوردى . هر قبيله نك ، هر عائله نك
 كندينه مخصوص الاهلرى واردى . بونلرك اوغورنده انسانلر بيله
 قربان ايديليردى . عربلر حيات آخرته ، ياخود خلقت عالمه اعتقاد
 ايتزلر ، كائناتك ابداعنى « دهره » ، جهانك مستقبل اضمحلالنى
 « زمان » ، عطف ايدرلردى . فسق و فجور ، غضب و غارت

۱ [مانيلك (مانى) طرفدن اوچنچى عصر ميلاديه غربى آسيا
 تأسيس اولونان ديندر . تصوفى و اشانى برماهيتى حائز اولان مانيلك وجود بشر
 مسئله سنك حلى استهداف ايدر . بو مذهب ، پارسى مابعد الطبيعائيه بودياكك
 اخلاقياتندن ، بابلك اساطيرندن ، و خريستيانلغك بعض عناصرندن متشكل عد
 اولونيور . اشانيلك ، ضيا و ظلمتدر . بو دينه كوره رها ، كائناتك ماهيت
 حقيقيه سنى ا كلامقه ، ضيا و روحنك ظلمت ماده سندن آيريلماسيله قابل حصولدر .
 مانيلكه كوره حضرت مسيح ، ضيا و روحنك بررسوليدى . يالكرز حواريلر
 اونياكلش برشكلده ا كلامشردر . مانى ، انجيلده اشارت اولونان (پاراقليط) ك
 كنديسى اولديغنى سويلردى .

معممدي . أولوم ، حیانتك قطعی نہایتی تلقی ایدیلدیکندن نه فضیلتہ بر مکافات ، نہدہ رذیلته بر مجازات طاینمازدی . بوکا مماثل دینی و اخلاقی بر انحطاط برچوق زمان مقدم عربستانده یراشهن وچوق قوتلی فرقلر تشکیل ایدن موسویلرله عیسویلر آراسندهده مشہود ایدی . یہودیلر ، رومالیرك اعتسافندن قورتولمق ایچون پوپناه حریتہ التجا ایتمشلردی . خریستیانلر ، (اوتاریخ) ۱ [ك طرفدارانی اولان نسطودیلرک روا کوردکلری قتل عاملردن ، آریوس طرفداراننك جدلارندن خلاص بولمق ایچون بورایه هجرت ایتمشلردی . بودورده کی خریستیانلغك حالندن دها شایان تلہف برحاله دسترس اولمق قولای دکلدر . ۲]

آسیا و آفریقاده کی خریستیان کلیسالیرنك پریشان شعبہلری اختلاف ایچنده یوزیوردی . بونلر بررینه قارشى اك وحشى اعزاللری ، اك قورتونج خرافہلری قبول ایتمشدی . آریوس طرفدارانیلہ سابیلیانلر ونسطودیلرله (اوتاریخ) طرفدارلری آراسنده وقوع بولان دائمی مجادلات ایله خریستیانلق تارمار اولمش ، رهبان صنفی آراسنده شایع اولان معجزہ تجارتی ، افراط فجور ، عمومی باربارلق و جهالت ، خریستیانلق نامنه بویوک برزدالت تشکیل ایتمش و بوتون

۱ [بشنجی عصر میلادینك مشہور یونانی ارباب اعزالندن (اوتاریخ) مسیحك لاهوتی وناسوتی ماہیتلرنك اتحادندن صوکرہ بر ماہیت تشکیل ایدہك درجہده امتزاج ایتدکلرنی ، بر دکز برقطرہ بی ناصل نابودایدرسہ مسیحہ عائد ماہیت بشریہنك ماہیت الہیہ طرفندن اولہجه تمثیل اولوندیغی بیان ایتشد .

۲ [بروس ، سیاحتنامہ سنده دیرکہ : « فی الحقیقه آباء عیسویتك ردیسی خلقی کندیلرندن اوزاقلاشدیرمشدی ، بونلرک یالانلری ، خرافہلری ، عزیزلری ، معجزہلری ، وبالخاصہ رهبانیت آدابنه مغایر حرکاتی عربستانده بولونان خریستیان کلیسالرنی پك الیم بر وضعیتہ دوشورمشدی . »

خلقك تربیه سنی افسان ایدن بر ماهیت آلمشدی. عربستان چوللری
 جاهل و مجنون منزویلر و صومعه نشینلرله دولمشدی. منزویلر، عمرلری
 یهوده، فقط مجنونانه تخیلات ایچنده اصرارایتدکنن صوکراباشلرینه
 طوبلادقلری آفاق طاقیله برابر و اکثریا مساح اوله رق شهرلره آقین
 ایدرلر، کلیساالرده، تخیلات مجنونالرینی افاده ایدن نطقلر ایراد
 ایدرک قیلیج تهدیدیه بونلری هرکسه قبول ایتدیرمک ایستلردی.
 حضرت مسیح طرفندن تلقین اولونان حکیم و قدیر، رحمان و رحیم،
 بی نظیر و بی شریک بر اللهه عبادتی افاده ایدن ساده عقیده نك موقعی
 اك چیرکین بت پرستلك غصب ایتمشدی. اسکی عالم شرکک الاهیینه
 بدل، شهدا، عزیزان و فرشتهلردن متشکل بر جم غفیر ایله مسکون،
 یکی بر اولمپ وجوده کتیرلمشدی. اوپله بر طاقم مذاهب خریستیانیه
 توره مشدی که الهلره شایان اولان صفات و احتراماتی (یوسف نجار)ك
 زوجه سنه بخش ایدرک درجه ده حجیل حرکاتده بولونمشدی. [۱۰]
 حضرت عیسانك آنجق حی و لایموت اولان اللهه عبادت ایتملرینی
 توصیه ایتدیکی انسانلرک نظریده اك حرارتلی پرستشه لایق کورولان
 شیلر، برطاقم متروکات ایله، اویمه، یاخود رنگلی رسملر اولمشدی.
 اسکندریه ده، شام و حلبده کی کلیسالرک منظره سی بوندن عبارتدی.
 بعثت محمدیه هنکامنده بونلرک هپسی اساسات دینیهلرینی ترک ایدرک
 اهمیت تالیه نی حائر نصوص اوزرنده بیتمز توکنمز منازعه لره دوشمشلردی.
 عربستان خالق ایسه، بونلرک، هر عقیده دینی نك اك اساسلی نقطه سی
 اولان جناب حقه صاف و صمیمی عبادت اساسندن تباعد ایتدکلرینی
 کوردیور و اك چیرکین، اك وحشی خرافات پرستلك اعتباریه مشرک

[۱] مریمیلر تسمیه اولونان اهل مذهب، (روح القدس) ك یرینه
 (مریم بتول) ی ائمه ایدن یکی بر تثلیث وجوده کتیرمکه تثبیت ایتشلردی.

معاصر لريله همعیار بولونیورلردی .

حضرت محمد ، مکده تولد ایتمشدر . اک صحیح قوله کوره ،

رسول اسلام ۱۰ تشرین ثانی ۵۷۱ سنه سنده دوغمشدر . [۱] شایان

دقتدرکه حضرت عیسانک زمان تولدی اطرافنده اک درین شبهه لر

حاکمدر . آلتنجی عصر میلادینک مبادیسنه قدر ، حضرت عیسانک

تولدی ، تقویم وقایعجه مجهول قلمش ، آنجق بو صیرالرده ایمپراطور

(ژوستینیئن)ک دورنده رومالی بر راهب اولان (بوسینوس اکیسینوس)

طرفندن بو مسئله حیقاریلمشدی . بونی متعاقب ، (نوسه ییوس) ،

(تورتولیان) وباشقارلی طرفندن یاپیلان اوزون ومتناقض حسابلر ،

شومعمایی تولدا ایتمشدی : «حضرت عیسا قبل المیلاد ۳۹۹۹ سنه سنده ،

بعد المیلاد بش سنه سنده دوغمشدر .»

حضرت محمدک اجدادیله اقرباسنک ، کرک داخلی ، کرک خارجی

معاملات اعتباریله مملکتلرینک امراسی عد اولوندقلری ، درایت

واستقامتله تدویر امور ایتدکلری آکلاشیلمقدهدر . بالاآخره ، عصای

حاکمیت ، عربستانک اک نفوذلی قبیله لرندن اولوب حضرت اسماعیلک

نسلندن اولدیغی سویله نیلن واویله اولان قریشک دها کوچوک بر

فرعنه انتقال ایتمشدی . فی الحقیقه عرب مورخلری حضرت محمدله

حضرت اسماعیل آراسنده کی جدلری صایمقده اختلاف ایدیور ،

بونلرک بر قسمی ۶۰ جد صایيورسدهده هپسی اسماعیلک احفادنن

اولان عدنان ایله محمد آراسنده (۲۱) جد بولوندیغی افاده خصوصنده

برله شیورلر . اختلاف ، آنجاق ، عدنان ایله اسماعیل آراسنده کی

اجداده منحصردر .

(مکه) نک رؤسای ایله کعبه نک محافظلری بش نسل مدته

[۱] مصرلی هیئتشناس (محمود فلکی) باشانک اوزون ودقیق حسابلرینه

کوره حضرت محمدک تولدی ۵۷۱ سنه سنک ۲۰ نیسانه تصادف ایدر . مترجم

بو قریش قبيله سندن انتخاب اولونمقده ايدىلر . حضرت محمدن مقدم
 (كعبه) ، بت پرست عربلر طرفندن براى حج و براى عبادت
 زيارت اولونيوردي . و بر سنه قريه نك گونلرى عددنجه ، (۳۶۰)
 تى احتوا ايدىيوردي . كعبه ، بالخاصه حضرت ابراهيم و اسماعيل
 طرفندن انشا اولونمق ، حقى تنزيه و تجليل ايچون انسان اليه تشييد
 اولونان ايلك معبد شهرتى حائز اولمق حيثيتيله حرمته شايان كوروليوردي .
 يونانليلر (دهلفى) معبدى كې ، كعبه ده ، بوتون عرب ملتلك
 قبله كاهى ايدى . عربلر ك اك فضله قيمت ويردكلرى اك ممتاز صفت
 اولان بلاغت و شاعريته اشتهار ايدنلر بورايه كلرلر و حافظه لرده پايدار
 قالمغه لايق شعرلر كعبه نك جدارينه آصيليردي . كعبه نك پك اسكى
 زمانه عايدتى ، تاريخه كوره معبد سلیمان ۹۹۳ سنه و تاريخ ميلاديدن
 ايكي بيك سنه مقدم تأسيس اولونماسى ، حائز اولديغى حرمتى قات
 قات آرتديريوردي . معبدك جنوب غربى گوشه سنده كوموش بر
 محفظه ايچنده طوران يردن دوت قدمه يوكسكده اولان بر طاش
 واردى . مسلمانلرجه آدملاه برابر جنتدن دوشديكى واونك طرفندن
 يا صديق اولارق قولالايديغى سويله ن بو طاش ، اهل اسلام نظرنده
 بويوك بر اعتبارى حائزدر .

عرب محردلرى ، پيغمبرك زمان تولدنده وقوع بولان حادثاتى
 اك كوچوك تفرعانه قدر تصوير و تفصيل خصوصنده بربرلريله مسابقه
 ايدرلر . بونلر ك بياننه نظراً مولد نبوى اثناسنده متعدد خارقه لر
 وقوع بولمى ؛ سما ، خارق العاده بر نور ايله آيدينلامش ، ساوا كولى
 درحال قورومش ، بيك سنه دن برى هيچ سونمه دن يانان ايرانليلر ك
 مقدس آتشي درحال سونمى شدى . [۱]

[۱] « عصر سعادت » عنوانلى اثر يمزك برنجى جلد ينك (۱۸۸-۱۸۹)
 صحيفه لرده بو مناسبتلاه شو سوزلر سويله نيور : « ييقيلان سراى كسرانك

حضرت محمدك پدری عبدالله ، والدسی آمنه در .

محمدك تولدی اوزرینه آمنهك برمنجم اولان برادرى چوجوڭك طالعه باقش ، اونك يوكسك بر نفوذ مالک اولاجغنى ومعظم بر دولت قوره جغنى سويله مشدی . مولد نبوينك هفته سنده ، محمدك جدی عبدالطلب ، قبیله سنك رؤساسنه بر ضیافت ویرمش ، ضیافت اثناسنده چوجوغنى ملتک طلوع ایدن شان و شرفی عد ایدرك تیناً اسمی « محمد » قویمشدی . [چوجوق ایکی یاشنه وارمادن پدری ارتحال ایتمش ، وکندیسنه آنجاق ایکی دوه بر قاج قویون و بر سیاه جاریه میراث بیراقمشدی . آمنه ، چوجوغنى امیریوردی . فقط قادینك دوچار اولدیغی اکنار کوسنك منابعی قورومتش اولدیغدن اوغلنه بدویلر آراسنده برسوت ننه سی آرامق مجبوریتده قالمشدی . بودوی قادینلرک ایفا ایتدکلری خدمت مقابلنده بویوک اجرلر طلب ایتکده اولمالرینه مبنی ، بر سودنه بولمق مشکلدی . بدوی قادینلرک برچوغی

سرائی ده کل ، بوتون ایرانك سلطنت واحتشامی ، یزانسك سطوتی و چینك عظمتی ایدی . سونن آتش ، مجوسیلرک آتشکده لرنده یزلايان آله ولرده کل ، بوتون دنیاده کی کفر والحاد آتشی ایدی . وقورویان ساوا کولی ده کل ، بت پرستلک تحکمی ، زردشتیلک قوتی وخریستیانلک تحکمی ایدی .

[۱] بعض اسلام محررلری ، حضرت محمدك مختوناً بولد ایتدیکنی بیان ایتکده درلر . (غریبوس بیکانوس) مسیحك ختانی حقنده شایان دقت معلومات ویریور . ایلک اهل سلیب محاربه سی اثناسنده (غودفروا دو بویون) (آنتوهرپ) قادینلرینك (تهرس) نامی آلتنده (پریاوس) عبادت ایتدکلرینی خبر آلمش ، بونك اوزرینه کندیله عیسانك غلافلرندن بری کونده رك اوللری بویکی خرافاتدن قورنارمق ایسته مشهده موفق اولامامشدی . مسیحك حالا اون ایکی غلافی بولوندیغی سويله نمکده در . بونلرک بری قولومبوس راهبارینك النده ، ایکنجیسی (شارو) کلیساسنده ، اوچنجیسی هایلر شایم ، دردنچیسى روماده سن ژان ولاتران کلیساسنده ، بشنچیسى (آنتوهرپ) ده ، آلتنجیسی (بویون وهلار) ده ، نوتردام کلیساسنده وسائر .

بو كوچوك ميراث صاحبنك والدهسى طرفندن وقوع بولان تىكلىنى
رد ايدىيورلردى . نهايت سعيلىردن بر چوبانك زوجەسى ، شفقت
حسنە رام اولارق، محمدى، مكەك شىرقندە واقع اولان طائف داغنىك
كربلىرىدن بىرىدەكى اوينە آلوب كوتوردى . محمدك بو عائلە آراسىندەكى
اقامىتى اوزامامش، چونكى چوق كچمەدن اوموزلىرى آراسىندە كورولان
برخاتىمك جنلر ويا پىرىلك اثرى اولدىغى تخمىن اولونارق قورقويوزىدن
مكەدەكى والدهسىنە اعادە اولونمىشدى . ۱]

حضرت محمد آتى ياشىنى باسدىغى زمان والدهسىلە يىرىدەكى بر
اقربايى زيارىتىن عودت ايدىيوركن والدهسىنى دە ضايىع ايتىش ؛ آمنە
مدىنە ايلە مكە آراسىندە بركوى اولان (آبا) يە دفن ايدىلمىشدى .
پىغمبىرك حساسىتى ، اونك صوك دم حياتىنە قدر والدهسىنىك مزارىنى
بر طائف توقىر اتخاذا ايتەسى قدر هېچ بر شى ايضاح ايتىز . شىبە
يوق كە ، اونك ، حياتىنىك ايلك دورىدە دوچار اولدىغى بو ضىياع ،
بالا آخىرە اونىدە تظاهر ايدىن ملول ومىفكر سىجىيەيى اوكا بخش ايتىشدر .
عمرىنىك يدىجى سالنىدە ايكن حضرت محمد ، دوچار اولدىغى ضىياعك
وخامتىنى تقدير و او كسوزلىكنىك كوكلنىدە توليد ايتدىكى بىكسلىكى
حسن ايدىيورلردى . قرآن ، بو نقطەنى موضوع بحث ايدىيوركن
حضرت محمدك نائل اولدىغى الطاف اللىهيه وصىانت رحمانىيە ياد ايدىرك
« جناب حق سنى او كسوز بولوب ايوا ايتەدىمى ؟ » دىر .

[۱] محمدك سوت والدهسىلە مدت اقامتى پك قىصە اولماسىنە رغماً كندىسى
سود آناسىندن كوردىكى شفقتى دائىما منتلە ياد ايدە كلىشدر . حلیمە ، حضرت
محمدى خدیجە ايلە ازدواجىدن صوكرامكەدە زيارت ايتىشدى . اوسىنە
چوق قوراللىق اولمش ؛ حيوانلر اولمشدى . حضرت محمد خدیجە يە سود نەسىندن
بحث ايتىش ، و بالنتیجە بر تحت روانى طاشیمغە مقتدر بر دەوہ ایلە قرق
قویون ویریش ، حلیمە غموتاً عودت ایتىشدى . دىكر بر زيارتنده محمد عباسنى
يايمش وحلیمەنى اوتورمىشدى .

عمرینک دیکر بر دورنده حضرت محمد ، مدینه دن حدیبیه
 کیدیورکن آنه سنک قبرینی زیارت ایتشدی ، آمنه نك اوراده مدفون
 اولدیغنی بیلمه یں بعض اصحاب ، پیغمبرك آجی آجی آغلادیغنی کورونجه
 کندیسنه یچین آغلادیغنی ضرورولمش وشو جوابی آلمشردی : «بوراسی
 عزیز والده مك قبریدر . حق تعالی بکا اونی زیارته رخصت ویرمشدره
 جناب حق دن والده مه دعا ایچون اذن ایستهم . قبول بویورمه دی .
 والده می خاطر لایحه اولك عزیز ورقیق خاطره سی بنی مغلوب ایتدی ده
 آغلادم . »

والده سنك ارتحالی متعاقب چوجوغه باقق وظیفه سی ، دورینك
 رئیس اولان بویوك باباسی عبدالمطلبك عهدئ پدرانہ سنه دوشدی .
 ایکی سنه صوگرا عبدالمطلبك ارتحالی اوزرینه مومی الیهك اوغلی وخانی
 (ابو طالب) محمدك تربیه سنی درعهده ایتمش ، و کندی اولادلرینه
 کوستر دیکی شفقت واعتنایی ، اوکاده هر صورتله کوسترمشدی .
 دها بوسیرالرده حضرت محمد ، ذکی ومتحری برفکر صاحبی اولدیغنی
 کوسترمکه باشلادی . محمد ، انزوایه چکیلهرك دوشونمه یی او قدر
 سه ویوردی که آرقاداشلری کندیسنی اویونه دعوت ایتدکلری زمان
 اولره « انسان ، یهوده اویونلره دالمق دن دها اصیل مقصدلر ایچون
 یارادیلشدر . » دیوردی . اون اوچنچی یاشنه باصدیی زمان حضرت
 محمد ، زنکین بر تاجر اولان عمجه سنك بر کروان ایله سوریه
 حرکتك عرفه سنده کندیسنك ده برالکده کوتورولمه سنی رجا ایتمش ،
 بو سیاحت اثناسنده کندیسنه اولدجه مهم بر اعتبار قازانیران بر
 شکلده حرکت ایتشدی . ایرتسی سنه حضرت محمد قابلیت عسکریه سنی
 اظهار ایتمشدر . عربلرک نظرنده تجارت ایله عسکرلک غیر قبل
 تألیف ایکی مسلك عداولو نمقله برابر حضرت محمدك ایکی وادیده اظهار

لياقت ايتمهسى اك ممتاز قبيله لر آراسنده بو ايكي صنفك متحداً ده كلسه ده بر برى آردنجه تجلى ايدم بيله چكى تلقيسى وجوده كتميرمشدى .
 كنج محمدك سفرلرده فعلاً درعهده ايتديكى وظائف، خطابت اقتدارى و عسكرى ذكا كى ايكي يوكسك صفى انكشاف ايتديرمشدى .
 بو مزيتلرك كنديسنه تأمين ايتديكى حرمت و اعتماد ؛ سوزلرينك و حركتلرينك صميميتى ، حياتنك انتظامى و محاكه سنك اصابتى ايله قات قات يوكسلمشدى . حضرت محمدك ياشى ايلريله دجه يوكسك اقتداردن استفاده ايتمك ايسته ين ديكر تاجرلر، كنديسىنى تجارى ايشلرده استخدا مه رغبت كوسترييورلردى .

حضرت محمد ، عمجه سيله برلكده اجرا ايتديكى سفرلرك برنده ، سوريه چولنده بر مناستره مواصالت ايتديكى زمان بو مؤسسهنك رئيسى، كوزلرني كنج سياحك يوزينه ديكد كدن صوكره ابو طالى بر كناره چكه رك ، « برادر زاده كزه زياده سيله دقت ايديكز . اونى موسويلرك خيانتدن قوروييكز . چونكه محقق او ، بويوك ايشلر ايچون ياراديلمشدر . » ديمشدى . بعض محررلره كوره بو كهانتكارانه اخطار ، مستقبل پيغمبرك ، بالاخره حضرت ابراهيمك احفادنن كوره چكى مشكلات و مخالفتلرى افاده ايدبيوردى .

بو تجارى سياحتلر ائناسنده حضرت محمد ، عربستانك مختلف طرفلرنده قورولمقده اولان پنايرلرى كورمشدى . بورالرده عربلرك مفاخر مليه سنى ترم ايدمن شعرلر انشاد اولونور ، عربلرك اديان مختلفه سى ايضاح ايديلردى . پيغمبرك بوراده كى مشاهداتى بت پرستلكك و تردى آميز خرافات پرستلكك چيركىنلىكنه و فناغنه دائر پرورده ايتديكى قناعتى بوس بوتون تقويه ايتمشدى .

بو صيرالرده كعبه يانغين نتيجه سنده خراب اولديغندن تعمير

ایدیلوردی . تعمیراتی متعاقب « حجر اسود » یرینه قونولاجقدی .
قبائلک یکدیگرینه قارشى اولان رقابتندن دولایى ظهور ایدمک
منازعاتى برطرف ایتک ایچون ، « حجر » ک یرینه قونولاجنى کونک
صباحنده ایلک تصادف ایدیله جک انسانک بو مسئله یی حل ایتمسی
تقرر ایتمش ، تصادف اولونان ایلک ذات « محمد » اولدیغندن مشارالیه
هرکسک غلغله شکرانی آراسنده ، مراسم معتاده ایله حجرى یرینه
یرلشدرمشدر . بوضورتله حضرت محمد ، رسالت مستقبله سنک ، هدمنى
استهداف ایتدیکی صنم آلود بر معبدی تقدیس ایتمش صایلابیلیر .
حال بوکه حقیقت حالدہ حضرت محمد ، حجر اُسودی یرینه قویغمله بر
طاش پارچاسنى یرلشدرمش اولماپوردی . بالعکس محمد ، مبشروباشرى
اولاجنى یکى دینک تملنى آتمشدى .

حضرت محمد ، عمجه سیله برلکده چالیشمقده دوام ایتمش ، دیگر
طرفدن زوجنک وفاتیه دول قالان (خدیجه) نک ایشلرینى ده تدویره
باشلامشدى . حضرت خدیجه طرفندن درمیان اولونان شرائطک قبولی
اوزرینه حضرت محمد اوچ سنه اونک نامنه شاهه و سائر پرلره
کیتمش ، عودت ایتدیکی زمان خدیجه یی زیارت ایدرک مساعى تجار -
یه سنک نتیجه سنى کنديسنه بیلدیرمک ایسته مشدى . خدیجه ، نتیجه دن
فوق العاده خوشنود اولمش ، بوندن باشقه ، قارشیدسنده تسلیمیتکار
بر ادا ایله اخذ موقع ایدن محمدک سیاه و متفکر کوزلرنده کی فسون ،
سیاسنده کی نزاهت و اطوارنده کی نزاکت اونک نظر دقتنى جلب
ایتمشدى . بو سهویملى دول اوزمان فرقنده ایدی . ایکی دفعه اولمش ،
ایکی ارکک و برقیز طوغورمشدى . فقط بو قادار مرد بر آدامک
جاذبه سینه ، بو قدر حساس و حرارتلى بر فکرک نفوذینه مقاومت
ایده مدیکندن ، چوق کچمه دن اوکا یدازدواجنى تکلیف ایتدی .

بوصيراده حضرت محمد، كنجلاكنك اكر ارتلى دورىنى ياشايوردى .
 سياسى حاكمدى، اداسى شاهانه ايدى . خطوط وجهيه سى منتظم و معنيدار
 ايدى . كوزلى قارا و نافذدى . بورنى خفيفجه تومسكى، اغزى يچيملى
 وايچى ديشلرله مرصعدى . ياناقلى صاغلام بر صحتله قيزارمىدى .
 فطرة سياه و دوز صاحلى خفيف كستانه رنگنى آليوردى . سحر
 آميز تبسمى ، كوزل و بلند سسى، اوضاع و حرركاتك محشم ظرافتى،
 اطوارينك ساده لكى و صميميتى ، كنديسى طانيا نلر ك كاه سى طرفندن
 اك لهدار دقتله قارشىلانيوردى . حضرت محمد ، يوكسك مواهبي
 حازدى . ادراكى سريع و چالا كدى . حافظه سى احاطه لى و قوتلى
 ايدى . مخيله سى جانلى و نافذدى . محاكمه سى براقدى . جسارتى فوق-
 العاده ايدى . قناعتك صميميته دائر بعضيلرينك پرورده ايتدكلرى
 فكرلر نه ماهيته اولورسه اولسون، محمدك معظم هدفنى تعقيب خصوصنده
 كوسترديكى ثبات و جسورانه تحمل ، آنجق حيرتله قارشىلانا بيلير .
 محمد، عربستانك اكتميز لهجه سنى قوللانمقلا تمايزايدن و حسن ايرادى
 ايله قات قات كوزلله شهن طبعى بر بلاغى حازدى .

حضرت محمدى اواخر حياتنده تصويرايدن شو سطرلر ، دها آاز
 لهدار ده كلدر : « محمد ، سياسنك كوزللا سكيله ممتازدى . بو ظاهرى
 احسان ، آنجق اوندن محروم اولانلر طرفندن استحقار اولونا بيلير .
 بو مزيت ، اونك سوز سويله مه دن اول ، كرك عمومى ، كرك
 خصوصى سامعيلرينك حسياتى لهنه جلب ايدردى . سامعلى
 اونك شخصيت حاكمه سنى ، اونك شاهانه اداسنى، نافذ نظرلرني ،
 ظريف تبسملرني، روحنك هر حستنى تجلى ايتديرهن خطوط وجهيه سنى،
 هر افاده سنى تقويه ايدن اوضاعنى آلقيشلارلردى . حضرت محمد، حياتك
 وظائف معتاده سنده، ممالكنك وقور و مراسم آلود آدابنه رعايت

ایدردی. اغنیاء و اقویایه قارشی کوستردیکی حرمتکارانه نزاکت، (مکه) نك
 اك فقیر آداملرینه قارشی کوستردیکی تواضع و محبت درجه سنده ایدی.
 كرك شخصی دوستلق، كرك عمومی خیر خواهلقدده تربیه و نزاقتدن
 آیریلمازدی. حافظه سی کنیش و قوتلی ایدی. مخیله سی علوی و
 محاکمه سی صریح، سریع و قطعی ایدی. كرك فیکرده، كرك عملده،
 جسور دی. ۱] دوشونجه لری موفقیت احراز ایتدکجه کنیشه دیک
 حالده، رسالت الهیه سنه دائر پرورده ایتدیک ایلك فکر، اصلی و علوی
 بردها دامغاسنی طاشیمقدده در. الحاصل، عبداللهك اوغلی، الك اصیل
 عرقلق قوینده یتشمشدر. «

کله نك عموم طرفندن قبول اولونان معناسیله، حضرت محمدك
 تحصیل یوقدی. بوقیله لر، بزم ادبیات دیدیکمز شیئی، اهمال و یاخود
 استحقار ایدر لر. عرب لر، کتابله ده کل، قوللانا قوللانا یوموشاندقلری
 و یوکسلتدکلری لسانلری درجه سنده باشقه بر لسانه حرمت ایتزلر.
 بوندن باشقه حیات عملیه ده ایشلرینه یارایه جق شعرلری حافظه لرینه
 نقش ایتمکله، شخصی تجربه لری اصلاح ایتمکله اکتفا ایدرلردی.
 بناء علیه، هیچ بر زمان معلمی بولونمایان عرب، هر شیئه رغما، یوکسل
 برانساندی. چونکه چادیر، دائما آچیق اولان بر مکتب کی در،
 اوراده تجربه و اقتدار صاحبی آداملرله تماس ایله بویوک بر حرکت فکریه،
 حتی بویوک بر حرکت ادبیه تولد ایدر. بزم، تعلیم و تربیه تسمیه
 ایتدیکمز شی، شرقیلرک تربیه یی یوکسلتمکله و ذکایی اینجه لتمکله معطوف
 حرکتلریله هیچ بر مشترک زمینی حائر ده کلدر.

حضرت محمدك حضرت خدیجه ایله ازدواجی، عرب محررلرک

۱] موسی و محمد، فکر آداملری اولقدن زیاده حرکت و فعالیت
 آداملری ایدیلر. آرقداشلرینه و معاصرلرینه حرکت و فعالیت تلقین ایتمکله درکه
 بونلر انسانیت حاکم اولشلردر.
 رونان

بیانہ نظراً ، اك مكمل واك مراقلى صورتده جریان ایتمشدر. ازدواج فوق العاده بر دبدبه ایله تسعید اولونمش ، ولیمه ایچون ایکی دوه کیلیمش ، مسافرلر صوك درجه اعزام و اکرام کورمشلردی .

حضرت محمد خدیجه ایله ازدواجی زماننده یکریمی بش یاشینده ایدی. خدیجه کوزه لاکنی محافظه ایتمکله برابر قرقنده ایدی. آراده کی فرقه رغماً حضرت محمد ، خیر خواه زوجہ سنه قارشى اك حرارتلی محبتله متحسس اولمش ، مملکتک تعدد زرجاتی تجویز ایدن عرف و عادتندن استفادہ بی دوشونمه مشدی .

پیغمبرك ازدواجی متعاقب کچن اون بش سنه لك مدت، غیر قابل نفوذدر . عیسانك ، (یوسف نجار) دکاننده کچر دیکی فاصله ده بو قادر دوام ایتمشدی . بو او قدسی فاصله در که اونك اناسنده انسان کندی دهاسنك تولدینه یاردیم ایدر؛ ذات کبریانك ، کندیسنه تودیع ایتدیکی رسالت ایچون حضور ایچنده حاضر لانیرو تفکر ایله کسب کمال ایلر . آرتق محمدك دائمی واندیشه لی ازوا و مشغولیتنك هدفی ، حیاتی تطهیر ایتمك ، اونى هر هانکی بر شائبه ایله غیر قابل تلوث بر حاله کتیرمکدی .

حضرت محمدك، سنه لك بر آینی مکهنك غربندن بر فرسخ مسافده اولان جبل حرانك بر مغاره سننده کچر دیکی سویله نیور . مستقبل پیغمبر بوراده تفکراته دالیور و ذوق استغراقی دویویوردی . روحك همالی هیجانیله ، فکرك بر موضوع ایله بو قادر حرارتله اشتغالی ، شبهه سز بدن اوزرنده قوتلی بر تأثیر اجرا ایدر . بناءً علیه حضرت محمد ، رؤیالر کورویور ، استغراقلره ، وجدلره دوجار اولویوردی . سیرت محمدیه بی یازان محررلردن برینك بیاننه نظراً رسول اسلام یکده یکرینی تعقیب ایدن آلتی آی حرفی حرفنه تحقق ایدن رؤیالر کورمشدر.

عجبا بو دور استغراقك حقیقی ماهیتی نهدر ؟ عجبا بونلر درین تفكر ك اثری اولان دالغینلقلرمی ؟ یوقسه تشكك فکری ویا بدینك تهیجاتیله علاقه دار باغینلقلرمی ؟ بونی تعیین ایتك مشكلدر . شو محقق که الهام دقیقه لرنده محمدی اندیشه لر تضییق ایدر و یوزنده اضطرابلر نمایان اولوردی . بو دقیقه لرده حضرت محمد بهوش کی ، یاخود اویقویه مغلوب اولمش کی یره دوشر واك صوغوق کونلرده آلتندن بویوك داملا لر آقاردی . حتی روایت اولوندیغنه کورد حضرت محمد بو حاله دوچار اولدیغی زمان دوه سنك اوزرنده بولونسه ، حیوان شدید بر اضطرابه دوچار اولور ، یره چوکر ، تکرار قالقار ، اونی آرقاسندن ایندیرمك ایسته یورمش کی آیاقلرینی اوزاتیر ، یاخود باجاقلرینی صالاردی .

حضرت محمدك صرعه نوبتلرینه دوچار اولدغنه دائر اکثریات تکرار اولونان روایتلر ، یونانلیلر ك سفیل بر اویدورمه سیدر . بونلر ك مقصدلری ، یکی دینك ناشرینه بویله بر مرضی اسناد ایتمکه اونك سجیه اخلاقیه سنی لکه له مك و خریستیانلق عالمك حسیات نفرت و تقبیحنی تحریك ایتمکدر . بو شریر متعصبلر دوشونمه لیدرلر که شاید محمد بو قورقونج خسته لغه دوچار ایسه خریستیانلق شفقتی اوکا بدبختاغندن دولایی آجیمغه سائق اولمالی ، سهوینمکه یاخود غضب الهینك بر علامتی اولارق تلقی ایدیلکه سائق اولماملیدی .

حضرت محمد ، عمرینك قرقنجی سنه سنده یوقاریده سویله دیکمز وجهله رمضان آینی حراده کچیریور کن مراقبه لیلیه اثناسنده ، عباسنه بورونمش اوتوردیغی حالده ، کندیسنی آدیله چاغیران برسس دویمشدی . محمد باشنی قالدیرنجه اوزرینه اوپله بر طوفان نور یاغمشدی که اوده تحملسوز شمشعه وشدتنه مقاومت ایده مدیکندن کندندن کچمشدی . حضرت

محمد ، تکرار کندینه کلدیکی زمان انسان شکنده بر ملک کندینه
 یافلاشدیغنی کوردی . و « اوقو » دیدیکی طویدی . محمد « اوقومق
 بيلم » دیدی . ملك « اللهك نامنه » هر شیئی یارادان ، انسانی
 اویوشمش قان یختیسندن یارادان اللهك نامنه اوقو ! رب اكرمك
 قلمه او کره تدی . انسانه بيلمه دیکنی او کره تدی . « دیدی .
 محمدك فکری درحال آیدینلاندی و سهولتله اوقومغه باشلادی .
 دها صوکره مقاومتسوز بر هیجانك تأثیری آلتنده قلقدی ، چولك
 اورناسنه آتیلدی . هر طرفدن شوسسی دویویوردی : « یا محمد ! سن
 اللهك پیغمبريسك . بنده جبریل امینم . »

رمضان آينك دردنجی صباحی محمد، فکراً پك مضطرب اولدیغی
 حالده زوجه سنه عودت ایتدی . روحنك پك صیقینتیلی اولماسنه مبنی
 روجه سندن کندیسنی صارماسنی و صووق صو ایله او غماسنی طلب
 ایلدی . حضرت محمد افاقت ایتدیکی زمان زوجه سنه رسالت الهیه سنك
 سرنی افشا ایتدی . خدیجه ، حضرت محمدك دوغرولغنه ایمان
 خصوصنده بر لحظه تردد ایتهدی . بونده شایان حیرت هیچ بر شی
 یوقدر . چونکه حضرت محمدك حسابنه شوونی قید ایتمه لی یزکه کندیسنی
 احتیاج تضییفك فوقه چیقاران زوجه سنه پك شفیق و پك اهتمامکار
 برزوج اولدیغنی اثبات ایتمش ، تعدد زوجات حقندن استفاده ایتمه مش ،
 خدیجهك ارتحاله قدر بوندن استفاده یی دوشونمه مشدر او حالده
 خدیجهك اولك سوزینه اعتماد ایتمه سنه امکان وارمیدر ؟ بالعکس
 خدیجه ، حضرت محمد طرفندن کورولن تجلیاتی ، اراده الهیهك
 حقیقی بر تظاهری اولارق تلقی ایتهدی . خدیجه دن صوکره نبوت
 محمدیه ایمان ایدنلر ، اولك آزادلیسی زید ، عمجه زاده سی علی ایدی .
 دها صوکره حضرت محمد ، زنکین و نافذ الکلم بر ذات اولان ابو

بکره خطاب ایدرک موفقیت تامه احراز ایله مشدی . ابوبکره اقتداءً
واونک نصایحنه تبعاً (مکہ) نک دیگر برچوق رجال مهمه سی ده یکی
دینی قبول ایتمشلردی .

حضرت محمدک صمیمیتی قوتله تأییدایدن دلائلدن بری کندیسنه
ایلک ایمان ایدنلرک ، حیات خصوصیه سنه پک یاقیندن واقف اولان
اک عزیز آرقاداشلریله ارکان عائله سی اولمالریدر . یوقسه بونلر ، ریاکار
آلدا تیحیلرک دعوالریله اولرنده کی حرکات آراسنده کی تضادی کشف
ایتمکدن عاجز قالمالردی .

فقط ایلک موفقیتی بر توقف تعقیب ایتدی . حضرت محمد ،
قبیله سنک رؤسایینی بر اجتماعه دعوت ایدرک رسالتی تبلیغ ایدنجه
برودت و عدم اعتماد ایله قارشیلانمشدی . حضرت محمد ، اللهک
برلکینی و کندی رسالتک حق اولدیغنی تبلیغ ایله اکتفا ایتمه رک
بت پرستیکی احما ایدم جگنی ، وطنداشلیری دین ابراهیمه اعاده
ایلیه جگنی سویله نجه هر طرف حدتدن کوپورمش ، کندیسنی صوصدیرمق
ایچون هر طرفدن تکلیفلر درمیان اولومش ، هر کسدن فضله کندی
اوز قبیله سنک ارکانی که تجاوز کار مخالفته بولونمشلردی . مع مافیہ ابوطالب ،
برادرزاده سنک دینی قبول ایتمه مکله برابر ، اونی حمایه ده دوام ایتمشدی .
حضرت محمدک حیاتی برقاج سنه ، اعتسافلر واشکنجه لر ایچنده
کچمش و بو اعتسافک عددی محدود اولان آرقاداشلرینه ده شامل
اولمشدی . مخاصملری بر دفعه کندیسنه ، دعواسندن فراغت
شرطیله ، ریاست و ثروت وعد ایتمشلر ، فقط ، حضرت محمد بونلره
قرآنک قرق برنجی سورمه سنی تلاوتله جواب ویرمشدی . او سورهدن
شو آیاتی اقتباس ایدیورز :

« بو قرآن رحمان و رحیم اولان الله طرفندن گوندرلشدی . بن

آنحق سزك كې برآدام. بكا وحى اولونیور كه الاهگز بر الاهدرد.
 اویله ایسه اوکا دوغرو کیدیگز، استغفار ایدیگز. ویل اونلره كه
 الله شريك قوشارلر، زكات ویرمز لر و آخرته اینانمازلر. فقط
 اونلر كه ایمان ایدرلر وایی ایشلر یاپارلر، محقق كه اکیلمز مکافاته
 نائل اولورلر. سز حقیقه ایکی کونده یری یارادن الله ایمان ایتیهور
 و اوکا شریکمی قوشیورسکیز؟.. عالمک خالق آنحق اودر. یریوزینک
 اوزرنده یوکسلن داغری دیکن اودر. فیض و برکت احسان ایدن
 اودر. ارزاق واقواتی درت کونده خلق وتنظیم ایدن واونلری محتاج
 اولانلره سیاناً بخش ایلین اودر. جناب حق دوماندن عبارت اولان
 سماواتی یارادارق اونلره ویره دیدی كه: ایسته یهرك ویا ایسته میهرك
 کلیگز. ایکسی ده: اختیار مزله سکا اطاعت ایدیورز، دیدیلر. «
 بوکا قارشى محمدك دشمنلری کندیسندن رسالت الهیه سنی معجزه
 ایله اثبات ایتیه سنی طلب ایتدیلر. حضرت محمد رد ایتدی. اونك
 معجزه سی قرآندر. اونك وظیفه سی، حقیقی تلقین ایدی. اونك
 ایچین قرآنه مراجعت ایدرك مخاصملرینك کوزه لك وعلویت اعتباریله
 اوکا ویا بر پارچه سنه بر نظیره وجوده کتیرمه لرینی سویله دی. ۱۰]

حضرت محمد، دور رسالتك هر هانکی بر هنکامنده تبلیغ
 ایتدیکی عقائدی قبول ایتدیرمك، یاخود دعوای رسالتنی تأییدایتمك
 ایچون هر هانکی بر حیلایه، یاخود معجزه نامی ویریله جك بر شیئه
 مراجعت ایتیه مشدر. بالعکس حضرت محمد محضاً عقل و منطقه

۱۱ پیغمبریمزك معجزه لری مسئله سی حقنده همان هیچ بر مستقل اثر
 یازیلماش، بومسئله درین بر تدقیق و تحقیق اثر اولارق اورتایه آتیلما مشدر.
 «اسلام تاریخی - عصر سعادت» عنوانلی اثریمزك اوچنجی و دردنچی جلدلری
 منحصرأ بومسئله بی موضوع بحث ایدر. قارئلریمز بومسئله بی دریندن دریسه
 تحقیق ایچین اورایه مراجعت ایته لیدرلر.

کوه نمش ، رسالتک ایلک دورنده آنجق شوق و هیجان دینی ایله تأیید اولونمشدر . فی الحقیقه بودینی شوق و ذوق حضرت محمدک اک قوتلی حسی ایدی . بو حس هر حرکته منجیلیدی ، حیاتک هر مرحله سنده آشکاردی .

شایان دقتدرکه حضرت محمد ، معجزه یابمایی بوقدر صریح بر صورتده رد ایتدیکی حالدہ کندیسنه هر معجزه اسناد اولونمش ، اونک تاریخ حقیقیسی ، تعالیم اصلیهسی ، خریستیان عزیزلرینک تاریخی و تعالیمی کبی مشوش بر حاله صوقولمق ایسته نیلمشدر . حضرت محمدنامه یازیلان بعض سیرتله آیات قرآنیهک مدلولندن بام باشقه در . ناصیل که أناجیل ، قاتولیک (بوناوه نورا) نک مخیلاتندن او درجه اوزا قدر .

(کیون) بزه متعصب خریستیانلرک بری طرفندن حضرت محمد عطف اولونان بومعجزه لردن برینی شویله جه ایضاح ایدیور : « خریستیانلر ، اهلی بر کووره جینک سمان اینوب حضرت محمدک قولاغنه بر شیرلر فیصیلدادیغنی سویله مکده درلر . بو معجزه یی اویدوران (غروپیوس) ک عربجه مترجمی مومی الیه مأخذلری صورمش ، اوده بو حکایهک مسلمانلرجه غیر معروف و کندی اثر اختراعی اولدیغنی اقرار ایله مشدر . مع مافیہ اثری عربجه ترجمه ایدن ذات ، مسلمانلرک نظرندہ کولونج بر موقعه دوشمهک ایچون اونی طی ایتش ایسه ده بو حکایه اثرک لاتینجه اصلنده موجوددر . »

حضرت محمدک عمجهسی ابو طالب ، دشمنلرک برادر زاده سنه قارشى چوق کیندارانه حرکت ایتدکلرینی کوروچه اونی مقصدینی تعقیبدن واز کچیرمکه چالیشمش ، فقط حضرت محمد اوکا « قریشیلر بکا قارشى کونشله ، قرله کلسه لر (کونشله قر قریشیلرک معبود

لرندندى « برى صاغ آله ، برى صول آله و پر سه لر ، ينه يولمىن دوئم » جوابى و پر مشدى .

كوردىكى مخالفتدن ذره قادار اندیشه ايتمه ين حضرت محمد ، ينه كندى قيله سنه منسوب بعض ذواتى طوپلامغه و ارشاد اتده بولونمغه دوام ايتمش ، حق دعوتى قبول ايدن لك ازلى ، ابدى مكافاتلره نائل اولاجقلى سويله مش ، نهايت « ايچكزده هانكيكز بكا بويوكى طاش سيمقده يار اولاجق ، هانكيكز هارونك موسايه ياپدينى كى معاون و وزيرم اولاجق ؟ » ديمشدى . جماعت ، هيچ بر سوز سويله مش ، هيچ بر كيمسه بو تهلكلى وظيفه يى درعهده ايتمك ايسته مش ، آنجق حضرت محمدك عمجه زاده سى كنج و آتشرين (على) سوزه باشلا يارق :

« يار سول الله ، حاضر ونك اك كنجى اولمقله برابر سنك وزيرك بن اولاجغم » مقابله سنده بولونمش ، پيغمبرده عاليجناب كنجى قوجا قلامش ، باغرينه باصمش و « قرده شم و وزيرمىك ! » ديمشدى .

بويله جه باشلا دقدن صوكره حضرت محمد (مكه) ده هر كون آرقداشلىرىنك عددينى تزييدايدين عانى ارشاد اتنه دوام ايتدى . (مكه) لك جوارده اولان (صفا) و (قيس) داغلى اولك موعظه لرىنى ايراد ايچون انتخاب ايتدىكى برلردى . بولدن باشقه پيغمبر ينه (حرا) داغلى زيارت ايدرك قرآنى تشكيل ايدنىكى سوره لرله عودت ايدردى . بو صيرالرده اسلام كتيبه سى ، حضرت عمرك اهتداسيله ، دشمنلىرىنك اك شدتلىلرندن ، فقط عىنى زمانده اك عاليجنابلرندن برى قازامشدى . عمر ، همشيره سنك اهتداسندن قوق العاده مغبر اولمشدى . بر كونى اونى قرآنى ترتيبل ايدىيوركن يافلامش ، او كا زياده سيلاه حقارت ايتمش ، دوكمش ، يره دوشورمش ، كتاب الله ده يره دوشمش ،

فقط اعتدالی بوزمیان قادیان ، کتابی قالدیرمش ، اونی برادرینه
ویرمه مکده اصرار ایتمش ، عمرک جدتی بوس بوتون آرته رقر آتک
صحیفه لرینی چکمش ، فقط کوزلری ، بی اختیار ، صحیفه نک سطرلرینه
ملاتی اولدیغی زمان ، عمر « مغلوب اولمش ، حدتی حیرانلغه منقلب اولمش ،
اوراجقده مسلمانلغی قبول ایتشدی . عمر قیلجی النده اولدیغی حالده
همان قوشدی ، محمدک التجا کاهی اولان صفا داغنه دوغرو یوزودی .
حضرت رسول ، اونی کوردیکی زمان : « عمر ! دیدی ، نره دن کلیورسک ؟ سنی
خردوخاش ایدیه جک کمرلی طاوان باشنه دوشونجه یه قدر بکاهیه جکمیسک ؟ »
عمر : « حقه و سنک رسالتیه ایمان ایتمش اولارق کلیورم . » دیدی .
قریش حضرت محمدک کمال شوق و جسارتله عقائدینی نشره
دوام ایتدیکینی کوره رک تجاوزه باشلامشدی . پیغمبرک آرقداشلرینه ،
او قدر اعتسافکارانه معاملهلرده بولونمشلردی که بونلرک مکهدد یاشامالرینه
امکان قلاماشدی . بناءً علیه پیغمبر بونلره هجرت ایچون مساعده و برمش ،
اونلرده حبشستانه التجا ایتشلردی . بوایلک هجرت رسالت محمدیه نک
بشنجی سنه سنده وقوع بولدی . مهاجرلر بر قاقچ ارکک و قادیناه بر
قاقچ چوجوقدن متشککدیله . هپسنک عددی سکسانی متجاوزده کلدی .
مهاجرلر ، حبش نجاشیسی طرفندن حسن قبول کورمشلر ، مهاجرلرک
تسلیمنی طلب ایدن قریشیلرک طلبی رد اولونمش ، عرب محررلرک
بیانه نظراً بالذات نجاشی ده مسلمان اولمشدی .

ایکنجی فصل

ابو طالبك وفاتی - حضرت محمدك تہلکالی وضعیتی - حضرت خدیجہ نك ارتحالی - خدیجہ نك قبری (نوط) - حضرت محمدك خدیجہ بی یاد شکر انکداری - حضرت عایشہ نك ذہابی تصحیح ایتہ سی - محمدك زوجہ لری - شہر حرام اٹناسندہ پیغمبرك تلقیناتی - معراج - قریشك پیغمبرہ سوء قصدی - مدینہ یہ عجرت - (علی) نك صداقتی - پیغمبرك اللہہ توکلہ - پیغمبرك اعجاز کار حرکتی - یثربہ موصلتی - یثربك تبدیل نامی - فریضہ صلات - حضرت محمدك ایفا ایتدیکی وظائف - حیاتنك سادہ لکی - بدر ظفری - مسلمانلرک مغلوبیتی - (علی) نك جسارتی واحراز ایتدیکی مکافات - درت مبارک قادی - پیغمبری اولدیرمک ایچون ترتیب اولونان سوء قصدلر - مدینہ نك قریشی و یهودیلر طرفندن محاصرہ سی - دشمنلرک ہزیعتی - حضرت عایشہ یہ بہتان - موتہ محاربہ سی - پیغمبرك تسمیدن قور تولوئی - یهودی شہرلرینک تسلیمیتی - حضرت محمدك (مکہ) یہ حرکتی - قریش طرفندن تکلیف اولونان شرطلر - معاہدہ .

حضرت محمدك اتباعی ، نبوتنك ایکنجی ییلندہ ، (مکہ) دہ قوتلی و تہدیدکار برشکلده جو غالمش اولدقارندن (مکہ) لیلر بعدما بر کیمسہ نك محمدہ التحاق ایتہ سی ایچون اخطاراتده بولوندیلر . حضرت محمدك عمجہ سی و حامیسی اولان ابو طالبك حیاتندہ بو حرکت محمدك اوزرندہ اجرای تأثیر ایتہ مش ، آنجق ایکی سنہ صوکرہ ابو طالبك وفاتی اوزرینہ احوال بحران آمیز بر ماہیت آلمشدی . ابو طالبك املا کیلہ نقدی متروکانی دشمنلرہ کچمش ، بو صورتلہ ہر زمان فضلہ کسب قوت ایدن دشمنلر ، تحملسوز بر وضعیت آلارق حضرت محمد نماز قیلیورکن بیلہ حقارت ایتکہ ، اوزرینہ مردار شیلر آتمغہ ، ہر واسطہ ایلہ اوی تہزیل واستحقارہ باشلامشلردی . بو فلاکتلر

یتیمه یورش کی، ابو طالبك وفاتندن بر قاج کون صو کره پیغمبرك صادق و وفا کار زوجه سی خدیجه ده اونك قوللری آراسنده صوك نفسنی ویردی . بو عزیز شریکه حیاتك ارتحالی ، حضرت محمد ایچون ، حقیقه یوره کار آجیسی بر مصیبتدی . حضرت خدیجه ، یکر می سنه در، اونك مشاور و مظاهری ایدی . خدیجه ك ارتحالیله اونك قلب و روحی کی دار و دارینی ده هجران قاپلامشدی . خدیجه ك سن و سالی خیلی ایلیله دیکی زمان ، شبهه سز کنجلكك بوتون فسوتنی ضایع ایتمشدی . فقط محمد، اوکا صو کنه قادر صادق قالمش، یوقاریده سوبله دیکمز کی ، باشقه بر زوجه آلمقدن استنکاف ایتمشدی . خدیجه ، مکەك شمال غریبسنده واقع قبرستانه دفن اولونمشدی . مشهور سیاح (بورقهارت) دن، قبرینك بو کونه قدر پایداری اولدیغنی ، زائرلر و حاجیلر طرفندن جمعه کونلری زیارت اولوندیغنی خبر آلیورز . بو قبرك اک شایان دقت حالی، طاشنك اوزرنده کوزه ل بر خط کوفی ایله (آیه الکرسی) نك محکوک بولونماسیدر .

حضرت محمد خدیجه یه قارشى بسلامه دیکی حسیات شکران ، صوك دقیقه سنه قدر دوام ایتمشدر . بو حسیاتك رقتی و بو خاطرەك دواملی حرارتی ، پیغمبرك زوجه لری ایچنده اك کنجی واک کوزه لی اولان حضرت عائشه ك ستمکار بعضی ملاحظات درمیان ایتمه سنه بادی اولمشدی : « حضرت خدیجه اختیار دکلیدی ؟ الله سکا دها کوزه ل ودها ای بر زوجه احسان ایتهدیمی ؟ » حضرت محمد عالیجنابانه بر هیجان ایله جواب ویردی : « خایر ، دیدی ، اوندن دها نازك ودها اصیل بر زوجه یوقدی . حقارت واستهزا ایله قارشیلاندیغ زمان بکا اینانان ، فقر و ضرورت ایچنده یوزه رك بر جهان خصومت و اعتساف ایله مجادله ایدیورکن بکا تسلی ویردن ، بکا یارديم

ایدن ، او ایدی !

حضرت محمد ، هر حمایه دن محروم قالارق ، الك یاقین اقرباسی
اولان قریشدن ، یاخود بر زمانلر آرقاداشی اولان انسانلردن ظلم
واعتسافه معروض قالینجه بر التجا کاه آرامغه مجبور اولمشدی . بناء
علیه صادق کولهسی (زید) ایله (مکه) نك شرقنده آلتمش میل
مسافه ده کوچوک بر شهر اولان ، طائفه التجا ایتدی . بوراده حضرت
محمدك دیگر بر عمجهسی اولان (عباس) اقامت ایدیوردی . حضرت
محمد ، طائفه مواصلتی متعاقب اورانك باشلیجه اکابرندن برقاچ ذات
ایله کوروشهرك رسالتی ایضاح ایتمش ، اونلری کندیسنه یاردیم ایتمکه
یکی دینه مظاهرت شرفی احرازه دعوت ایتمش ایسه ده اونلری اقناعه
موفق اولاماش ، کندی قبیلهسی طرفندن درمیان اولونان عمومی
اعتراضات ایله قارشیلاندقن باشقه بر التجا کاه راقم اخطارینه
معروض قالمشدی . مع مافیه حضرت محمد طائفه بر آی قدر قالمش ،
خلقك دها معتبر و دها خیرخواه افرادی طرفندن اولدجه حرمت
کورمشدی . نهایت کوله لرله آباق طاقی محمدك علیه قیام ایدرك
اوزرینه طاشلار یاغدی رورق شهری صاران داغك اتکنه قدر امتداد
ایدن اوچ میللك مسافه بونجه اونی قووالامشاردی . بو اشکنجه لی
تعقیدن یورولان ، بیتاب قالان محمد ، بر بانجهیه التجا ایدهرك بر اوزوم
آصمه سنك کولکه سنه صیغینمش ، بر آ از دیکله ند کدن صو کره (مکه)
یولنی طوتارق بلده حرامك جوارینه مواصلت ایتدیکی زمان ، چوق
نفوذلی و کندیسنه قارشى خیرخواه بر ذات اولان (مصعب بن عدی) ه
شهره سالماً کیرمه سنی تأمین ایچون خبر کوندرمشدی . مصعب ،
رسولك رجاسنی اسعاف ایتمش ، اوغللرینی و طرفدارلرینی طوبیلایه رق
سلاحلرینی طاقدقن صو کره اونلرك کعبه یه یاقین یرلرده اخذ موقع

ایتمه لرینی امر ایله مشدی . بونک اوزرینه محمد ایله زید ، (مکه) یه
کیرمشلر ، مصعب ایله آدمیری رسول اکرمه هر هانکی اذا و ضررک
اصابتنه مانع اولدقلرندن پیغمبر حجر اسودی اوپد کدن سوکرا (مصعب) ک
محافظه سی آلتنده اوینه عودت ایتمشدی .

خدیجه نك ارتحالندن ایکی آی سوکرا حضرت محمد دول برقادین
اولان (سوده) ایله ازدواج ایتدی . هان عینی زمانده یار غاری
اولان ابوبکرک کنج و کوزهل کریمه سیله اولنه رک آرالرنده کی متقابل
دوستلغی قات قات تقویه ایتدی .

خدیجه نك ارتحالی متعاقب ، حضرت محمدک مختلف زمانلرده
متعدد قادینلرله اولندیکی سویله نلکده وبو یوزدن مخالف محررلر
محمد تجاوز ایتمکده درلر . بو محررلر ، محمدک بو طرز حرکتی
شهو تپرستلکک بر تظاهری عد ایدیورلر . بو کون اوروپا قانونلرینک
تعدد زوجاتی منع ایتمکده اولدیغی ، حال بوکه محمدک زماننده بو
عادتک بوتون عربستانده و شرقک سائر مملکتلرنده شایع بولوندیغی
و هیچ بر وجهله منافی اخلاق تلقی ایدیلهدیکی بر طرف ، حضرت
محمدک یکریمی بشنجی سال حیاتندن اللنجی یاشنه قدر بر زوجه ایله
یاشادیغی ، خدیجه نك آلتمش بش یاشنده ارتحالنه قدر حضرت محمدک باشقه
بر زوجه ایله اولنهدیکی ، خدیجه نك کندیسنه ارکک ذریت بیراقادیغی
کورورسه ک شوسؤاللری ایراد اتمک حقنی احراز ایدرز : شهوتپرست
اولان بر آدام تعدد زوجاتک شایع اولدیغی بر محیطده ، کندیسندن
اون بش یاش بویوک اولان بر قادینله اکتفا ایدرمی ؟ حیاتنک صوک
اون اوچ سنه سننده محمدک اوله نمکدن مقصدینک ارکک بر ذریت
صاحبی اولمادیغی کیم سویلیه بیلیر ؟

حجاجك (مکه) یه آقین آقین کلدکلی حرام آبی، عمومی بر صلح و مسالمت آیدر. بومدت ظرفنده احوشی عداوتلر او بوتولور. هر کس بر برندن ذره قدر اندیشه اتمه یه رک ملی معبدده سنوی وظائف دینه پی ایفا ایلر. حضرت محمد، بو مساعد فرصتدن استفاده ایتک ایسته یه رک طویلانان خلقه ایراد مواعظ ایتدی و یثرب اهالیسندن بر قاجنی قازاندی.

بونلر، یثربه عودت ایتدکلی زمان یکی دین حقنده غایت ستایشکا- رانه بیاناتده بولونمشلر، آرقاداشلرینی و همشهریلرینی حرارتلی بر اشتیاق ایله یکی دینه دعوت ایله مشلر. یکی دینک (مکه) ده احراز رغبت اتمه سی؛ (مدینه) ایله (مکه) آراسنده تجاری رقابت و محاسده لر بولوندیغی ایچون بوذواتک موفقیتنی تأمین ایتشدی.

نبوت محمدیه نک اون ایکنجی سنه سننده معراج حادثه سی وقوع بولمشدر. معراج، عنعناتک استغراق ایله یاد ایتدیگی بر حادثه لیلیه در. متقیلرک مخیله سی طیران ایدرک بو حادثه یی اک زنفکین شعرلرله و خیالک اک محتشم مولوداتیلرله تزین ایتشدر. بو حادثه اهل اسلام آراسنده مناقشانه سبب اولمش، بعض مسلمانلر بونک بر رؤیادن عبارت اولدیغنی سویله دکلی حالد، دیکرلری، رسولک جسماً قدسه قدر ایصال ایدیلدیگی حالد اورادن، آنجق روحنک ملائعلایه طیران ایلدیکنی بیان ایتمکده در. اک چوق رواج بولان فکر، صوکنجیدر. حضرت محمدکده بونی محتاج تصیح کورمه دیکی آ کلاشیلور.

معراجک وقوع بولدیغی سنه ده (یثرب) دن (مکه) یه کلن اون ایکی کیشی عقبه ده پیغمبره بیعت ایتشلر. بوکا (بیعة النساء) نامی ویریلکده در. بو بیعت اثناسنده بر قادین بولونمادیغی حالد اوکا بو نامک ویریله سی، بالاخره قادینلردن ده عینی بیعتک آلیناسندرم.

قادینلرده ار اککلر کی خیرسزلق ایتیه جکلرینی ، زنا ارتکاب ایلیه -
 جکلرینی ، چوجوقلرینی اولدیرمیه جکلرینی ، افترا و بهتانده بولولما یا جکلرینی ،
 معقول اولان هر ایشده پیغمبر ، اطاعت ایده جکلرینی تعهد ایتشلردر .
 حضرت محمدك معراجی مکده حرارتلی مباحثاته موضوع تشکیل
 ایدیورکن مدینه خلقی پیغمبری ستایشلرله یادایدرك اونك اطرافنده
 طویلانیورلردی . حضرت محمد مدینه لیلردن اون ایکی ذاتی انتخاب
 ایدرك خلقك تعلیم و تربیه سنی اولره تفویض ایتدی . بو ذوات
 درعهده ایتدکلری وظائفی چوق موفقیتلی بر صورتده ایفا ایدرك قیصه
 بر زمان ظرفنده مدینه خلقك اکثریسی توحید دائره سینه
 سوقشلردی . حضرت محمد ، بو وضعیتدن خبردار اولونجه اورابه هجرت
 قرار ویرمش ، بالخاصه ابو طالبك وفاتی متعاقب پیغمبرك بی آمان و
 بی انصاف دشمنی ابوسفیان (مکه) نك ریاستنی درعهده ایتدیکندن
 پیغمبرك اوراده قالماسی چوق مشکلاشمشدی . بوندن باشقه ابوسفیان
 کوندن کونه نفوذ و شهرتی آرتقمده اولان رسولك وجودینی ازاله
 ایچون قاتللر کیرالامغه باشلامشدی .

بو سوء قصددن خبردار اولان حضرت محمد ایله آرقداشی
 ابوبکر ، گیجه نك سکونت وقارا کلغندن استفاده ایدرك فرار ایتشلر ،
 حضرت علی ایسه پیغمبرك فراشدنده یاتارق اونك یشیل عباسیله
 اورتونمشدی . قاتللر پیغمبرك اوینی محاصره ایدرك ایچری دالمشدر ،
 فقط پارچالامق ایسته دکلری پیغمبرك یرنده ، حضرت رسوله ترتیب
 اولونان سوء قصده قربان اولما یی محصور و سکون ایله بکله یین (علی) بی
 بولارق اونك کوستردیکی صداقتدن متأثر اولمشدر ، و (علی) یه بر ضرر
 ویرمکسزین چیقوب کیتمشلردی .

بوصیره ده (محمد) ایله (ابوبکر) مکهدن اوزاق اولمایان (نور) داغك

بر مغاره سینه التجا ايدرك اوراده اوچ كون قالدیلر . ابو بكر
قیزی اونلره حوادث ولوازم کتیریوردی . مغاره ده کیزی اولدقلى
زمان کندیلرینی تعقیب ایدنلرك النه دوشمك اندیشه سی حاصل اولونجه
حضرت رسول آرقداشینه : « کدر ایتمه الله بزمه در » دیمشدی .
پیغمبری تعقیب ایدن قاتللر مغاره نك قاپیسینه قدر کلمشردی . فقط
مغاره نك مدخلنده بر کور جین یوواسی و بر اورومجك آغی کوردکلرندن
مغاره نك بوش اولدیغنه قانع اولارق باشقه بر استقامتده تحریاته دوام
ایتمشردی . بونی متعاقب رسول ایله آرقداشی مغاره دن چیقارق نهان
یوللردن حرکتله (مدینه) یه وارمشلر ، اوچ كون صو کرا حضرت علی ده
اونلره التحاق ایتمشدی . هجرت نبویه (۶۲۲) سنه سنك تموزنده ،
اعلان نبوتنك ۱۳ نجی ییلنده و ایران حکمداری خسرو دورنده
وقوع بولمشدرکه بو صیراده پیغمبر اللى اوچ یاشنده ایدی . حضرت
محمد ، مدینه ده فوق العاده تظاهرات ایله استقبال ایدیلش ، شهرک اصل
اسمی اولان (یثرب) اونك شرفنه پیغمبرك شهرى معناسنده اولان
(مدینه النبی) یه چه ویرلمشدی .

حضرت محمد مدینه ده دینی و دنیوی وظائفی ایفایه باشلامش ،
یا بر خورما آغاجنه دایانارق ، یا خود ساده بر منبره چیقارق ملتئک بت
پرستلکی علیهنده ایراد کلام ایله سامعلرینه اک بویوک شوق و هیجانی ،
اک علوی اصالت و حمیت روحنی نفخ ایتمشدی . (مکه) دن مدینه یه کلن
هیئتله محمدك کرك حرب صحنه لرنده ، کرك مدینه شهرینك دیوارلری
آراسنده ایران کسر الریک ، بیزانس قیصر لرینك بریده کورمه دکلری
اطاعت و رعایتی کوردیکنی سویله مکده اتفاق ایدیورلر .

بو آنه قدر مسلمانلق ، صرف عقائد دن متشکلدی . آرتیق مسلمانلانی
حتین ولایتبدل اساسلره استناد ایتدیرمك ، عبادت شکلنی تعیین ایتمك

ارکان دینیہ و فرائض عملیہ بی تثبیت ایتک ایجاب ایدیوردی. حضرت محمد، هر کون ایفا اولونا جق عبادت لری، بو عبادت لک نه زمان ایفا اولونا جغنی، عبادتک ایفاسی اناسنده هانکی قبله یه توجه ایدیله جگنی ایضاح ایتشدی. [۱] بو صیراده ایلک جامع تأسیس اولونمشدر که اک ساده واک متواضع بت ایدی. جامعک تأسیس وانشاسنه بالذات حضرت محمدده اشتراک ایتدی. ینه بو صیرالرده اذان او قومق و مسلمانلری نمازه دعوت عادتق تأسیس ایتشدر. الحاصل بو دورده حضرت محمد، شخصنده عسکری، قضائی، دینی، اداری بوتون صلاحیتلری طوپلامش بولونیوردی. پیغمبرک تلقی ایتدیکی وحی الهی قبول عامه یه مظهردی. بو خصوصده پیغمبرک کوردیکی حرمت اودرجه یو کسکدی که هر کس پیغمبره تماس ایدن هر شیء مقدس عد ایدردی. حضرت محمد، حائر اولدیغی یو کسک نفوذ و اقتداره رغماً معیشتک سادهلکنی ذره قدر ده کیشدیرمه مش، پیغمبرک زوجه سی حضرت عائشه، اونک بالذات اوطه سنی سوپوردیکی، آتشی یاقدیغنی، سو کوکلریغی دیکدیکنی، غدا سنک بر قاچ خورما ایله بر مقدار آرپه ا کمکنندن، بر مقدار سوتله بالدن عبارت اولدیغنی بیان ایتکده در.

رسول اکرم، مسائل دینیہ ایله مشغول اولدیغی حالده مسائل دنیویہ بی نظر دقتدن دور طوتمازدی. حضرت محمد، بیک یوکلوه ده وه دن متشکل بر کروانک سوریه دن کلکده اولدیغنی، بو کروانک محافظه سی ایچون (مکه) دن ۹۵۰ مکه لینک حرکت ایتدیکنی خبر آلارق، بر تعرضه دوچار اولماق ایچون احتیاط کارانه حرکت ایتکه؛ ۳۱۳ عسکردن، آلتش دوه وایکی آتدن عبارت قوتی

[۱] شرقیلیر آراسنده یهودیلر قدسده کی معبد، مسلمانلر کعبه یه، صابئیلر زوال خطنه، مجوسیلر مشرقه توجه ایدرلر.

احضاره قرار ویرمشدی . حضرت محمد بدره مواصلت ایدوب
 عسکرلریله قوناقلادیغی زمان مکه لیلر کورونمش ، فقط مکه لیلرک
 فائیت عددیه سی اراضینک آچاقلغی حسیله کوزه چارپامشدی .
 حضرت محمد ، وضعیتک وخامتنی مدرکدی . اسلام مقدراتی ، بو حربک
 نتیجه سینه باغلی ایدی . بونی تقدیر ایدن محمد ، اللرینی سمایه قالدیره رق
 تضرعانده بولونمش و شو سوزلری سویله مشدی : « یارب ! سکا نیاز
 ایدیورم . بزه وعد ایتدیگک نصرت وظفری احسان ایت . یارب !
 شو کتیبه هزیمته دوچار اولاجق اولورسه بت پرستلک حاکم اولاجق ،
 یر یوزنده سکا کمال صفوت و اخلاص ایله عبادت ایدن قلما یا جقدر ! »
 بونی متعاقب طرفین آراسنده حیات و ممات مجادله سی باشلامش ،
 پیغمبر قیویلجیم صاحبان کوزلرله و یوکسک سسله الله اوغورنده
 شهید اولاجق مؤمنلر ایچون جنت قاپولرینک آچیق اولدیغنی سویله مشدی .
 رسول اکرم « ملکک بزمه ندره دیمش ، صوکره بر آووج قوم آلارق
 مکه لیلرک اوزرینه سرپمش ، « شاهت الوجوه » دیمشدی . مسلمانلرک
 شهابتی غیرقابل تسخیردی . حضرت محمد ، مدینه یه مظفر اولارق
 عودت ایتمش ، آلینان غنائم مجاهدلر آراسنده تقسیم اولونمشدی .
 بدر غزاسی ، قرآنده مکرراً بیان اولونمقده در . بو حربک حضرت
 محمد بخش ایتدیگی صیت ونفوذ دیکر غزالرده ظفر احرازینه سائق
 اولمشدر .

ایرتسی سنه ، ۶۲۴ سنه سنده ابوسفیانله قریشک وحشیانه حدتی ،
 مدینه دن آلتی میل اوتوله قدر ایلریله یین (۳۰۰۰) دشمن کتیرمشدی .
 بونلره قازشی پیغمبرله برلکده ۹۵۰ مسلمان حرکت ایتمش ، احد
 طاغنک اتکنده اخذ موقع ایتشاردی . قریش ، بر هلال شککنده
 ایلریله یوردی . سوارینک صاغ جناحنه عرب قهرمانلرینک الک مشهوری

واک آتشی (خالدا) قوماندا اییدیوردی . حضرت محمد صفلرینی بویوک بر مهارتله دیزمش ، مسلمانلر دشمنک مرکزینی یارمشلر ، دشمن فراره باشلامش ، بونک اوزرینه حربک ختامه ایردیکنی تخمین ایدن عسکرلر ، غنیمتلری طوپلامغه قویولمشلر ، خالدا بو فرصتدن استفاده ایدرک مسلمانلرک خطر رجعتلرینی اشغال ایتمش ، بالذات حضرت محمد تهلکیه دوچار اولارق برطاشله ایکی دیشی قیریلشدی . بوصیرده خالدا «یالانجی پیغمبر قتل اولوندی» دییه باغیردیغندن پیغمبرک اصحابی یاسه دوچار اولارق رجعتله باشلامشار ، آنجق پیغمبرک اک صمیمی آرقداشلرندن بر فاجی اونک اطرافنده طوپلانارق کندیسنی جای سلامته ایصال ایتمشلردی . حضرت محمد ، بوشدید و فلاکت انکیز محاربهده حضرت علی طرفندن کوستریلن قهرمانلغه مکافات اولارق ، اوکا عزیز کریمه سی فاطمه بی ویرمشدی . مستثنا بر کوزهلکی وچوق یوکسک فضیلتی حائز اولان (فاطمه) ، مسلمانلرک مقدس طائیدقلری قادینلردن بریدر .

بو ازدواجی تعقیب ایدن سنهده حضرت محمد ، فریضه صیامی تبلیغ ایتدی . [۱]

بو صیرهده اسلامیتی قبول ایتدکلرینی ادعا ایدن بر قاچ عرب قبیله سی ، مملکتلرینه عقائد دینییه بی تعلیم ایده جک مرشدلرک اعزامی طاب ایتمشلردی . فقط بو مرشدلر محل مقصوده مواسلت ایدر ایتمز ،

[۱] فریضه صیامی ایفا ایتمینلرک جزاسی عایت معتدل و غایت معقولدر . اوروج طوتامایانلر ، بر فقیری اطعام ایدرلر . حال بوکه خریستیان ایمراطور شارلمانک دورنده ، حتی اون بدنجی عصرده خریستیان اوروجنی اخلا ایدنلرک جزاسی قلیجلاه کله سی اوچورولمق صورتیله اعدام ایدی . ۱۶۲۹ سنه سنک برنیساننده اولدیریلن و بر چاییره آتیلان بر بارکیرک اُنندن ییدیکی آکلاشیلان بر آدام عینی سنه نک ۲۸ تموزنده اعدام اولومشدی . انسانلق و مدنیتک هانکی طرفده اولدیغنی صور مقده حقلی ده کلمی یز ؟

الكائنات واک ظالمانه شكلده اولدير بيلمشاردى . يهوديلرده، يكي طوغان دینه هر سورته مخالفت ايتمشاردى ؛ هر لحظه رسول اکرمك حياتنه قارشى سوء قصدلر ترتيب اولونيوردى . فقط پيغمبرك بر لحظه تشوشه اوغرامايان اعتدالى و مردم متيقظ دقت و احتياطكارلغى سايه سنده بونلرك هپسى بر طرف اولمشدر . حضرت محمدك نفوذى او درجه يوكسيلمشدى كه ايچكيلرك استعمالى منعه ده موفق اولمش ، بوتون حقيقى مسلمانلرك مسكراته استكرام كوزيله باقارلغى تأمين ايله مشدى . مسلمانلغى متعدد و ظالم دشمنلردن قورتارمق ايچون بويله بر اعتلاى اخلاقى به شدتلى بر احتياج واردى . حقيقت حالده قرينس يهوديلرله وچولك مختلف طرفلردن كلن قيله لرله توحيد مساعى ايتمش ، بونلرك هپسى مسلمانلغك احساسى مشترك بر دعوا حالنه كتيرمشار ، و مدينه يه يورومشاردى . مسلمانلار (مدينه) ده بوتون بو خصومت و عداوت طوفاتى ذى دها بر انسانك عزمكار اراده سيله ، سونمز وييلماز بر شوق و هييجان ايله ، تسخير ايديلز بر ثبات و اخلاص ايله بكله يور و يالكوز بونلره كوو نيوردى . بوتون بو خصومتلرك ، بو عداوتلرك حركتلرى هدر اولدى . نهايت مخاصملر محاصره يي قالديرمغه و گريله مكه مجبور اولديلر . حضرت محمدده قوتى بنى قريظه يه توجيه ايدرك شدتلى بر مجادله دن سو كرا اوللرى قطعى بر هزيمته اوغراشمشدى .

بوصيرالرده حضرت محمدك اولادلغى اولان زيدك زوجه مطلقه سنى تحت نكاحنه آلمسى يوزندن پيغمبرك عليهنده غايت كائنات بر افتراده بولونولديغى جهته بو افترايى رد و جرح ايچون توقف ايتك كر كدر . حقيقت حال شوندن عبارتدر : اسلاميتدن چوق زمان مقدم عربلر آراسنده شايع اولان بر عاده كوره بر انسان بر قادينه « آمام اول » ديه جك اولورسه او آدام آرتيق او قادينله ازدواج ايده مزدى .

ناصل که بر چو جوغه «او غلم اول» دینه جک اولورسه او چو جوق اولنک اولادلنی اولور و حقیقی بر اولادک بوتون حقوقنی احراز ایدردی . قرآن ، بو ایکی عادتیه الغا ایتدی . بناءً علیه بر انسان بر قادینه «آنام» دیسه ده رابطه زوجیه خالدار اولمایور ، یا خود انسان بر اولادلنی طرفندن بوشانان بر قادینه ازدواج ایده بیلوردی . حضرت محمد ، زینب نامنده کی مسلمان قیزی نه حرمتله متحسس اولدیغنی ایچون اوننی نه چوق سهو دیکی بر کنج اولان زیده آلمشدی . فقط بوزوج وزوجه مسعود اولما دقلرندن (زید) ، حضرت محمدک اخطارانه رغماً ، زوجه سنی بوشامغه قرار ویرمشدی . حضرت محمد ، طلاق وقوعی تقدیرنده ازدواجک وقوعنه بالذات سائق اولدیغنی ایچون کندیسینک مؤاخذه ایدیه جکنی حس ایتدیکندن ، بوندن باشقه زینبک مؤثر شکایتی قارشیسینده قالدیغندن مومی الیهائی تحت نکاحنه آملقه مسئلهی تلافی ایتک ایسته مشدر .

حضرت محمد ، یوقاریده عرض ایتدی کمز عاده مبنی بو قادینی آلدیغنی تقدیرده عربلر طرفندن دوچار تعرض اولاجغنی ، اتهام اولوناجغنی بیلدیکی حالدده وظیفه سوقیله بوتون بو اعتراضاته قارشی کلهرک زینبله ازدواج ایتمشدر .

قبائله قارشی وقوع بولان مظفرانه حرکاتی متعاقب پیغمبرک الک عزیز زوجه سی اولان عائشه ، افترایه اوغرامش ، فقط عائشه نک صمیمی و حقیقی ایضا حاتی ، اولنک معصومیتنی تجلی ایتدیردیکندن مفتریلر جزایه چارلمشلردی .

(مدینه) دن اخراج اولونان یهودیلر ، مکه لیلردن یاردیم طلب ایدرک مدینه یه تعرض ایده جکلرینی سویله مشلر ، بالنتیجه مکه لیلر طرفندن تأمین اولونان قوای معاونه ایله مدینه یه تجاوز ایتمشلردی . احد

مغلوبیتندن صوگرا چوق احتیاطکارداورانمغه آلیشان حضرت محمد، مسلمانلغی قبول ایدن بر ایرانلیک توصیه سیله مدینهک اطرافنده بر خندق قازدیرمشدی. دشمنلر مدینه یه هجوم ایدنجه خندقله قارشیلانمیشلر، بالتیجه شهرى محاصره ایتک ایسته مشلر سده شهره وقوع بولان هر تجاوز پوسکورتلدیکنندن، دیگر طرفدن دشمنلر آراسندن نفاق و شقاق ده باش کوستردیکنندن، هپسی ده دونوب کیتمهک مجبور اولمشلردی. بونی متعاقب حضرت محمد، یهودیلرکالتجا کاهی اولان خیبره ایلریله مش، مهم محاربه لردن صوگرا کندیسنی تهدید ایدن نهلکه لردن خبردار اولدیغی حالد خیره کیرمشدی. پدرینی، قارده شنی، قوجاسنی و سائر اقرباسنی محاربه ده ضایع ایدن بریهودی قادینی، عائله سنک و قومنک دشمنی عدایتدیکی محمدک وجودینی ازاله ایتمهکله انتقام آلق ایسته مشدی. بو یهودی قادینی بر اوغلاق کسهرک احضار ایتش و ایچنه قوتلی بر زهر قاتممشدی. یهودی قادینی غایت مهمانواز بر کوستریشله آقشام یمکنده اوغلاغی پیغمبرک حضورینه کتیردی. پیغمبر بر لوقا یمه دن، اوغلاغک زهرلی اولدیغی آکلایارق «طوریکنز، یمک زهرلیدر» دییه باغیرمشدی. اوغلاقدن بر آز فضله جه یهن (بشر) ک یوزی صارارمش، آلی، آیاغی فلجه اوغرامش، نهایت اولمشدی. حضرت محمد ایله آرقاداشلری شدید اوجاعه اوغرامشار سده محمد، هپسنک اوموزلری آراسندن اوغوشدیریلالرینی امر ایتش، بو صورتله اوغرادقلری اضطرابات تخفف ایتمشدی. کنج یهودی قادینی، چاغیریلهرق یچین بویله حرکت ایتدیکی صورولش، اوده مقتول دوشن اقربالرینک انتقامنی آلق ایسته دیکنی سویله مشدی. یهودی قادینک بو حرکتی بوتون یهودیلری خوف و اندیشه یه دوشوردیکنندن بونلرک اکثریسی

رسول اکرمه عرض تسلیمیت ایتدیله . عربلرک بر چوغی ده قرآنک فصاحت و بلاغتندن متأثر اولارق مسلمان اولمشلردی .

نماز ائناسنده قبله کاه اولان کعبه یی زیارت مسلمانلردن هر برینک صمیمی بر املی ایدی . حضرت محمد ، بو املی دائماً تشویق ایدیوردی . حضرت رسول ، درلو درلو اذا وجفاه معروض قالدینی بلده حرامک ده دائره توحیده کیرمه سنی آرزو ایدیوردی . بناءً علیه کعبه یی زیارت اچین بوتون آرقاداشلریله برلکده حرکت ایتش ، هر آدم باشنده مخالفت معروض قالدینی حالد بوتون موانهی اقتحام ایده رک (مکه) یه مواصلت ایتشدی . اساساً (مکه) دهده مسلمانلغی قبول ایدن ذوات واردی . مع مافیه بو حرکت ، شو طرزده بر معاهده نک عقدیله نتیجه له تمشدی :

(۱) طرفین اون سنه مدته حرب ایتیه جکلر .

(۲) عرب قبائلی مسلمانلرله ، یاخود قریش ایله برله شمشک خصوصنده سربست اولاجق .

(۳) حضرت محمد ایله آرقاداشلری بو سنه عودت ایده جکلر و آنجق کله جک سنه کعبه یی زیارت ایده جکلر .

(۴) مسلمانلر (مکه) یه آنجق قینه قونمش قیلیجارله کیره جکلر .

(۵) زیارت اوچ کوندن فضله دوام ایتیه جک .

بو معاهده حضرت محمدک بو آنه قادار احراز ایتدیکی الک

بو یوک مظفریتدی .

اومىنجى فصل

حضرت محمدى زيارت ايدەن ھيئتلىر - حبش نجاشىنىڭ مەكتۇبى - پىغمبەرك
مەھرى - ايران شەھنشاھىگە كوندرىلن مەكتۇب - شەھنشاھك حضرت محمدە
حقارتى - (بصرى) يە قارشى كوندرىلن قوت - حضرت محمدك رحمانە
وصاياسى - زىد ، جعفر و عبداللەك قەھرمانانە اولوى - قريشك معاھدەيى
اخلاال ايتەسى - (مەكە) يە قارشى حركت ايدن اوردۇ - حضرت محمدك
بتلىرى كەندى آلەلە يىقماسى - حضرت محمدك مغلوبلەر حسن معاھلەسى -
مەيلىمەك ظھورى - بت پرستلىكك بوتون عربستاندن ازالەسى - پىغمبەرك اوغلى
اراهبەك ارتخالى - كوشك كسوفى - پىغمبەرك خرافات ايلە مجادلەسى -
حضرت محمدك ارتخالى - دفن و تېھەزى - (قارلايل) ك سىجىئە محمدىە
حقنەدە بياناتى - حضرت محمد طرفندن تاسىس اولونان دولتك سريىع
انكشافى - دين اسلامك سرعت انتشارى .

ھجرتك طقوزىنجى سەنەسەندە عربستانك ھر طرفندن حضرت
محمدى كورمەك و مسلمانلغى قبول ايتەك ايچون ھيئتلىر كەلشەدى .
حضرت محمد ، حبش نجاشىنى مسلمانلغە دعوت ايتىش ، اوندىن
شومالەدە بىر مەكتۇب آلمشەدى : « مەبۇد حقيقى اولان قەدرتلى ،
يوكسەك ، بويۇك آللەك سلامى اتخاف ايدەرم . مەبۇد حقيقىنىڭ
يالكىز اللە اولدىغىنە ، محمدى دە اونك كوندردىكەنە شەھادت ايدەرم .
رسول اكرم ، كەندىسەنە ام حبيبەيى تزويچ ايتەكلىكىمى طلب ايتەككەدەر .
بو آرزويى كمال مەنۇيتلە اسعاف ايدىيور و مومى البھايى دوت بىك
آلتونلە جەھازلايورم . »

بو صىرادە حضرت محمد ، متعدد حەكمدارلەر يازدىغى مەكتۇبلىرى
مەھرلەمەك ايچون بىر مەھر قەزدىرەمشەدى . مەھرك اوزرىندە « محمد رسول اللە »

یازیلی ایدی. ایلک مکتوب، ایرانک یمن والیسی (بازان) . کوندریلش
و بو مکتوبک ایران شهنشاهنه ایصالی طلب اولونمشدی . خسرو ،
حضرت محمدک مکتوبی پارچا پارچا ایتمش ، باذانه حضرت محمدی
دردست ایتک ، یاخود تأدیب و تنکیل ایچون امر ویرمشدی .
حضرت محمد ، بو حقارتدن خبردار اولدیغی زمان ایران شاهلغنگده
تار مار اولاجغنی خبر ویردی . فی الحقیقه خسرو، اوغلی (شپرویه) نک
ایله قتل اولونمشدی . فقط باذان ایله تبعه سی مسلمانلغنی قبول
ایتدکلرندن حضرت محمد باذانی مأموریتنده ایقا ایتدی . پیزانس
ایمپراطوری (هرقل) ک نامه محمدی بی حرمتله قارشیا لایه رق
حضرت محمد هدیله لر کوندردیکنی عرب مورخلری تأمین ایتمکده درلر .
دیگر بر چوق رؤسا ایله امر ا بالذات کله رک مسلمانلغنی قبول ایتدیلر .
حضرت محمدک شخصنده ، اخلاق علوتی ایله جسارت و شهامتک
برلشمه سندن ماعدا ، کندیسنگ قناعتبخش بر بلاغتی حائر اولماسی ،
احراز ایتدیکی موفقیاته یاردم ایتشدور . رسولک آغرندن کله لر ،
الهامک بوتون قوتیه دو کولور و عربلرک مخیله سی اوزرنده ال کدرین
تأثیری اجرا ایدردی . حضرت محمدک عربلره و بوتون شرقلیلره تقدیم
ایتدیکی کتاب ، محتشم وعدلرله دولودور . وعدی چوق اولدیغی حالده
وعیدی آز اولان بو کتاب ، مقاومتسوز بر نفوذی احراز ایتشدور .
حضرت محمد (مکه) و (مدینه) ده تأسیس حا کمیت ایتد کدن
صوکره کتیردیکی انقلابی مجاور مملکتلره تشمیل ایتک ایستهدی .
فقط (هرقل) ه جزیه ویرن بر عرب امیری اولان (شرحیل) ،
اسلام سفیرینی قتل ایتدیرمشدی . وقمه نک ایراث ایتدیکی ضرراهمیتسز
اولقله برابر حقارت چوق بویو کدی . بونک ایچون درحال اون بیک
مجاهد تجهیز اولونمش ، حضرت رسول بونلره حق دعواسی

اوغورنده غازىلارك كوستره جكلرى شهامتك دنيوى و اخروى مكافاليرنى اك جانلى سوزلرله آكلتمشدى . بويون باشقه مجاهدلره غنيمتى خلكك صيرتندن و كوز ياشلارندن ده كل ، فتح ايدى جكلرى ممالكك خزينه عموميه سندن استيفا ايتمه لارنى توصيه ايتدى . حضرت محمد ، اتباعنه شو سوزلرى ده سويله مشدى :

« دوچار اولديغىز حقارته مقابلله ايدىيوركن انزو ايه چكلىلارك صومعه لرينه تجاوز ايتمىيكنز . قادينلارك ضعفنه حرمت ايدىيكنز . چوجو قلرى حىانت ايدىيكنز . اختيارلره دوقونه ييكنز . مقاومت ايتمه ين خلكك مساكننه تعرضده بولونمايىكنز . وسائط مديشتى تخريب ايتمىيكنز . سوريه نى كولسكه انديرهن و يشيملنديره ن آغاجلرى كسمه ييكنز . خورما آغاجلرىنى محافظه ايدىيكنز . »

خريستيانلره عدد اعتباريله مسلمانلره تفوق ايتدىكلارندن مسلمانلر بوسكور تلمش و قوماندانلارندن اوچنى ، زيد ، جعفر ، و عبدالله ضاييع ايتمشلردى . زيد ، قوماندان اولديغى حالده ايلك صفلرده بر عسكر كبرى حرب ايدرك شهيد دوشمىدى . جعفر ، چوق قهرمانانه بر صورتده اولمشدى . صاغ قولى وجودندن آريلان جعفر ، بايراغى صول ائيله طاشيمش ، صول قولى ضاييع ايدنجه بايراغى ديشلريله ياقالا يارق اللى يارا آلدقون صوكر ارتحال ايتمشدى . جعفر ك موقعنى اشغال ايدن عبدالله : « ايلرى ! ظفر و جنت بزمدى ! » ديه باغىردى . عبدالله ده شهيد اولمش ، دوشمك اوزره اولان بايراق خالد بن الوليدك انه انتقال ايتمشدى . اوكون خالدك النده دوقوز قلينج قيريلمش ، اونك كوستردىكى شهامت خريستيانلارك فائق وقاهر قوتلارنى توقيف ايدرك كرى آتمشدى .

مهايت طالعك يوزى مسلمانلره كولش ، مهارت و شهامتيله مسلمانلرى مستفيد ايدن (خالد) ، حضرت محمد طرفندن (سيف الله) عنوانى احراز ايتمشدى .

قریش ، حضرت محمدؐ ددشمنترین یار دیم ایتمکه حدیبیه مصالحه سنی
 اخلاص ایتدیکندن اونک تأییدی الحجاب ایدیوردی . بونک ایچین
 حضرت محمدؐ ، استحضاراتی اکمال ایتدکدن سوکرا اون بیک
 مجاهدک باشند (مدینه) دن حرکت ایدی . (حاطب) نامنده کی
 بری بو قوه سفریه بک سربنی افشا ایدرک مکهلیری ایقاص ایتک
 ایسته مش و (سارا) نامنده کی بر قادی (مکه) یه اعزام ایتش
 ایسه ده حضرت علی و عهدن تام وقتنده خبردار اولارق قدیر تعقیب
 و تام وقتنده توقیف ایتشدی . قادی سربنی افشا ایتک ایسته مش
 ایسه ده تحقیق نتیجه سنده (حاطب) ک یازدینی مکتوبی صاحبانده
 صاقلادینی آ کلاشیلشدی .

بو یوزدن قریش ، آنجق حضرت محمدؐ (مکه) یه مواصلتی
 متعاقب ، وضعیتک و خامتندن خبردار اولشدی . (مکه) تسلیم اولمش ،
 حضرت محمدؐ بلده حرامه مظفر آ کیرمشدی . ابوسفیان ، مسلمانلغی
 قبول ایدرک عفو و صفحه نائل اولدی . دها سوکرا حضرت محمدؐ
 کعبه یه ایلریله بهرک بتلری گندی آلیله خردوخاش ایتش ، کعبه اطرافنده
 یدی کره طواف ایتدکدن سوکرا شهادت کتیرمش ، سوکره زمزم
 قویوسندن سو ایچمشدی . بو صیراده مؤذن ایلك دفعه اولارق ،
 (مکه) ده مسلمانلری نمازه دعوت ایتدیکندن مسلمانلر و سائر
 مکهلیر فوج فوج طوپلامشدی . او زمان حضرت محمدؐ ، مکه -
 لیره دونه رک « نه بکلیور سکیز ؟ » دیدی . « پیسی ده » علو جنابکی !
 دیدیلر . حضرت محمدؐ هپسینه « هایدی کیدیکز ! جناب حق
 جمله کزی مظهر غفران ایتسین ! » دیدی .

بوتون بتلری بک مسلمانلر طرفندن خردوخاش ایدیله سندن متأثر
 اولان (هوازن) سلا حارینه مراجعت ایدرک مسلمانلره هجوم ایتمه نی تصمیم
 ایتشار و بومقصدله (حنین) وادیسینه قاندار ایلریله مشلردی .

مسلمانلردن اون بیک مجاهدله ، هنوز مسلمانلغی قبول ایدن ایکی بیک (مکه) لی (هوازن) ی تمار ایدم جکاردن امین بولونیورلردی . فقط مجاهدلر هوازنك اوق صاغناغیله قارشیلاندقلرندن بوزولمشلر ، ناموس شکن بر رجعتده دوچار اولمالرینه رمق قالمشدی . بو دقیقه لرده انسانلر قوه معنویه دن باشقه قوتلی قوله وصاغلام قافیه محتاجدرلر . حضرت محمد، در حال میدان آتیلار قوستر دیکی شهاقتله عسکرلرینی فرار شائبه سیله لکه لکدن قورتاردی . هوازن ، مغلوب اولمش ، مکمل بر سورتده تعقیب ایدیش ، نهایت اوده عرض تسلیمیت ایتمشدی . غالبلك انه آلتی بیک اسیر ، ۲۴ بیک آت ، ۴ بیک خیالان ، بر چوق کوموش دوشمشدی غنائمك تقسیم اولوناجنی صبراده (هوازن) مرخصلری کله رك بو قدر عائلهك فلا کته او عرامامسی ایچین پیغمبره مراجعت ایتشلر ، پیغمبرده مجاهدلری طویلایه رق شو سوزلری ایراد ایتمشدی :

• مسلمانلر ! قرده شلریک ز ندامت ایدرك سزه مراجعته بابالریله والده لرینك و چوققلرینك سربستیسنی ؛ مال و منالارینك اعاده سنی رجا ایدیورلر . بن بو رجایی قبول ایدیورم . سزده قبول ایدرسه کز قابی منونیتله طولدیررسکیز . شاید بوندن متضرر اولان ورسه در حال سوبله سین ، اوکا باشقه بر زمان تضمینات ویردیم . »

حضرت محمدك سوزلرینه اعتراض ایدن اولماش ، بلکه اعتراض ایتنه دوشون بولونماش ، بوتون اسیرلر سربست بیرا قیلماش ، هر کس مسلمانلغك عدالت وانصافندن حصه یاب اولمشدی .

مسلمانلغی قبول ایدنر آراسنده بالاخره اعلان نبوت ایدن مسیلمه ده بولونیورلردی ، اعلان تبوتك احراز موفقیته کافی کلدیکنی ظن ایدرك مسلمانلقدن ارتداد ایتمش ، و حضرت محمد یازدیغی

مکتوبده دنیانک پاریسنی اوکا ، یاریسنی ده کندیسنه ویرمشدی .
 حضرت محمدك مسلیمهیه ویردیکی جواب بروجہ آتی ایدی :
 « اللہك پیغمبری محمدن ، یالانجی مسلیمهیه . ارض اللہکدر ،
 اونی ایستدیکنه بخش ایدر . »

هجرتك اونجی ییلنده یمنده اسلامیتی نشر وخلق ارشاد ایتك
 اوزره حضرت علی کوندریلمش وبالنتیجه بر چوق قبیلہ لر مسلمانلغی
 قبول ایتشاردی . یمنده آنجق خریستیان اولان نجران قبیلہ سی جزیه
 تأدیہ سنی ترجیح ایتشدی .

بو صورتله بوتون عربستانده مسلمانلق تأسس ایتش ؛ محمدك حال
 حیاتنده بت پرستك کوکندن سوکولوب آتیلمشدی . بو موفقیت
 حضرت محمدك یالکزر دهای عسکریسنه عطف اولوناماز . بالعکس
 اونك بر فاتح اولدیغی قدر بر مجدد اولماسنه ، اعلان ایتدیکی دینك
 بوتون پیغمبران طرفندن تلقین اولونان دینه مطابق بولونماسنه ،
 عربستانك او دورده کی حالنه نسبتله اك خالص واک صاف تعالیم اخلاقیه یی
 محتوی اولماسنه وابسته در . بوندن باشقه حضرت محمد ، محکمه سز ،
 محاکمه سز و حکم سز قصاصی منع ایتکله عربلرک احتراصاتی موثر بر
 قید ایله تقید ایتشدی .

عربلرک اسلامیتی قبول ایتلری ، عمومی و صمیمی بر حرکتدی .
 عربلرک شعور دینیسی آرتیق انتباه ایتش اولدیغندن متهیج روحلری
 بر وادی یه دوکولمشدی : دعوا ی الهی یی یوکسلتمك واللہك وحدانیت
 و صمدانیتی اوغورنده اولمك . هر مسلمانك یکانه امل خالصی بو
 ایدی . اقتدار وشوکت صاحبی اولمق ، غنیمت آلدہ ایتك ، شان
 وشرفه یوکسلمك ، حتی آخرتده جنتی احراز ایلمك آنجق بو خالص
 وقا هر املی تقویه ایدیوردی .

بوتون عربستانده توحيد عقیده سی تأسیس ایتدکن صوکره
تبوك سفری وقوع بولمشد. مسلمانلر سوریه حدودینه قدر ایلریله
مشاره اوحوالیده مقیم اولان بوتون عرب امراسی تسلیم اولمشاردی.
حضرت محمد، جزیه و فدیلهر آملقه برابر دائماً مغلوبلرک حسیات
دینه سینه حرمت ایتمشاردر. حضرت محمد مسلمانلغی تبلیغ ایتمش،
فقط اونى جبراً قبول ایتدیرمک ایچون بر تشبیده بولونماش و بو
خصوصده دائماً قرآنك اوامرینی اجرا ایله مشدر.

حضرت محمدك بوسفرده احراز ایتدیکی موفقیتلر، کندیارندن
چوق معتدل بر ویرکی آملقه اکتفا ایتدیکی خریستیانلره قارشى
کوستردیکی مسامحه کارلقدن ایلری کلشدر. محمد، مدینه یه عودت
ایتدیکی زمان فتح ایتدیکی مملکتلرده کی هرقلب، مسلمانلغك مسامحه
کارلغنه مجلوب اولمشدی.

حضرت محمدك بو دور حیاتنده وقوع بولان بر حادثه بیطرف
وبصیرتکار منقدر نظرنده، بعضیلری طرفندن اوکا قارشى وقوع
بولان ساخته کارلق اسناداتی بر طرف ایتمه کفایت ایدر. محمدك
یکانه اوغلی ابراهیم ارتحال ایتمشدی. نسل محمدینک یکانه واسطه
توالیسی اولان بو چوجو غك ضیاعی، چوق مؤلدى. بو کنجک
تام ارتحال ایتدیکی دقیقه ده تصادفاً کونش کسوفه اوغرامش، خلق
بو حادثه نی سماواتك بر علامت حزن و کدری تلقی ایتمشدی. حضرت
محمد، بو خرافات آمیز حسی، بو متبصبص ذهنیتی تشویق ایده جکینه
جماعت اسلامیه یی دعوت ایدرک شوسوزلری سویله مشدی: «مسلمانلر!
کونشله ییلدیزلر، اللهم اثر قدرتیدر. انسانلردن برینک حیات
ومماتندن دولای بونلر خسوف و کسوفه اوغراماز.»

حضرت محمد، بونی متعاقب دائره اسلامه کیرمک اوزره (مدینه) یه

کلنلری قبول ایتمکه ، دنیانک نصفنده واک کوزهل قسمنده تأسی
مقدر اولان سلام دولتنک قوانین و مؤسسائی تنظیم ایتمکه مشغول
اولدی . حضرت محمدک حجةالوداعی اک محتشم و اک مؤثر حادثهلردن
بری ایدی . محمد صاحبیری کسدکن و آبدست آلدقن صوکره
کعبهیه کیرهک حجری اویمش ، طوف ایتمش ، صوکره صفا داغنه
ایلریله یه وک یو کسک سسله تکبیر کتیرمش ، صفادن مرویه کیتمش ،
آلتش اوج دوه قوربان ایتدکن صوکره ۶۳ کوله یی آزاد
ایله مشدی .

دها صوکره حضرت محمد ، مدینهیه عودت ایتدی . چوق
کچمه دن شدتلی بر حمایه طوتولدی . بو همانک تهلکه لی اولماسی
احتمالی درپیش ایدن محمد ، اک چوق سودیکی ذوات ایله محاط اولق
آرزوسنی کوستردی و خستهلق مدتی عزیز زوجه سی عائشه نک اوند
کچردی . پیغمبرک دوچار ارلدیغی اضطراب شدتلیدی . آرا صیرا
فرط اضطراب ایچنده « یهودیلرک زهری بنی اولدیریور ، ایچمه
هر دامارمک یرتیلدیغنی حس ایدیورم » دیوردی . مع مافیه حضرت
محمد ، صوک نفسنه قدر ، سلامت حواسنی محافظه ایتمش ، او
قدرکه سوریهیه قارشى احضار اولونان قوه سفریهیه لازم اولان
هر شیئی دوشونمش ، اکمال ایتمش ، اسلام سانجاغنی تقدیس ایدرک
اونی (اسامه) نک ید حماست و حمیتنه ثودیع ایله مشدی . حضرت
محمد ، ارتحالندن اوج کون اولنه قدر ، بوتون فرائض دینه سنی
و وظیفه امامتی ایفا ایتمش ، نهایت پک بیتاب اولدیغنی حس ایدنجه
امامت وظیفه سنی اسکى و عزیز دوستی حضرت ابو بکره توجیه
ایله مشدی . پیغمبر ، جماعتله صوکمازنی قیلدقن صوکره شوسوزلری
ایراد ایدرک تواضع و صمیمیتله بوتون جماعتی کریان ایتمشدی :

« آرقاداشلار ، شاير بر كيمسه يي حقسىز اولارق بر كونا ضرره
 اوغراتدى ايسهم حسابنى ايسته سين . شايد بر مسلماننه قارشى بر خطاده
 بولوندىسهم بلاتأخر خطامى اعلان ايتسين . بر كيمسه ك مالنى آلديسهم
 اوده كه حاضرم » حاضر وندن برى حضرت رسولك كنديسندن اوج
 درهم آلدىغنى سويله مش وپاراسى در حال تأديه اولونمشدى . پيغمبر ،
 بوكا قارشى « بو ديساده محجوب اولمق ، آخرتده محجوب اولمقدن
 دها قولايذر . » ديدى . فاطمه ، باباسنك فراش احتضارى يانده
 بولونمق وزره كلش ، آغلايوردى . حضرت محمد قيزينه باقارق
 « قيزم نه يه آغلايورسك ؟ ديدى ، یرده ، كوكده قادينلرك اك
 خير ليسى اولمق سكا يتشمز مى ؟ » صوكره پيغمبر ، بوتون كوله لرینی
 آزاد ايتدى . فراش احتضارينك اطرافنده آغلایان اقرباسنه شو
 سوزلری سويله دی : « اولومدن صوكره نه ياپاجغكزى سويله يم :
 جسدیمى غسل وتكفيندن صوكره ياتديغم یرك آلتنه قازيلاجق مزاریمك
 كنارينه قويكز . » بر آرز تو قفدن صوكره پيغمبر سوزينه دوام
 ايتدى : « اولاملكلر نمازیمى قیلاجقلر ، صوكره سز كيريكز ،
 نمازیمى قیلیكز ، بنم ایچون اللهك رحمتنى تمنى ایدیكز . اهل اسلامه
 بر نمونه اقتدا اولمق ایچون حزن وماتمندن فراغت ایدیكز . اكبويوك
 آرزوم ، حرن وفغان ایله حضوریمى اخلال ایتمه مكزدر . » بوسوزلری
 سويله دكدن صوكره حضرت محمد برقاج دقیقه غشی اولدی .

پيغمبر ، ارتحال ايتديكى كونك صباحنده اللرىنى ييقايه رق « ياربي ،
 روحى اولومك شدا ئدينه قارشى تقويه ايت ! » ديدى . صوكره
 كندندن كچدى . پيغمبرك ارتحالى دقیقه سى ياقلاشمشدى . حضرت
 عائشه دييور كه : « رسولك يانده اوتورييوردم . باشى قوجاغمده ايدى .
 بردن بره كوزلرینی آچهرق طاوانه ديكدى . بو ميد نظر ائناسنده

پیغمبر ضعیف بر سلسله صوڪ سوزلرینی سویله دی : « یاربی بنی مظهر
غفران ایت ، رفاقت علیایی نصیب ایله ! » دیدی ویره سریلی خالینک
اوزرنده حضور ایچنده تسلیم روح ایتدی .

حضرت محمد ، هجرتك اون برنجی ییاندی ، ربیع الاول اینك
۱۲ نجی کوننده یعنی میلادك ۶۳۲ نجی سنه سنك ۸ حزیراننده آلتش اوج
باشنه بالغ اولدیفی حالدی ارتحال ایتش و (مدینه) ده دفن اولونمشدر .
حضرت محمدك جسدی ، دشمنلرینك غایت ابله فریبانه بر صورتده
ادعا ایتدکلی وجهله دیره کمر اوزرنده هوایه تعلیق اولونماش
یره کومولمشدر . ۱]

حضرت محمدك ارتحالی ، عمومی بر حزن و ماتم وجودی کتیردی .
چوقلری « عجبا پیغمبر ارتحال ایتدکن صوکره مسلمانلق پایدار
اولورمی ؟ » سؤالی ایراده باشلادیلر . حضرت ابوبکر : « محمد ،
بر پیغمبردن باشقه برشی دکلدر . اوندن اولده پیغمبرلر کوندریلشدی .
شاید او اوله جك ، یا خود اولدیر یله جك اولورسه کریمی دونه جکسکزی ؟ »
آیتلرینی اوقودی وهر کسی تسکین ایتدی .

۱] مؤلفك اشارت ایتك ایسته دیکی نقطه اولدجه مهمدر . چونکه اوروپاده
قرون وسطاده حضرت محمدك مزارى حقنده بر سور و خرافه لره اینانیلیوردی .
بوگون بیله بلکه بونلره اینانانلر واردر . بو خرافه لره کوره حضرت محمد
یره کوموله مش ، بر قبه نك تپه سنه یرلشدیریلن غایت قوتلی بر مقناطیس
سایه سنده تابوتك بوتون مسلمانلر قارشیسندی هوایه قالماسنی تأمین ایتمشدر .
دیگر خرافه لره کوره حضرت محمدك مزارى اوستنده کی بوتون قبه نك مقناطیسی
طاشدن بنا ایدیلش ، پیغمبرك دمیردن تابوتی هر طرفدن کلن مقناطیس
تأثیر یله هواده دورمشدر !

پیغمبریمزك مزارى حقنده بو قدر هذیان آلود خرافه لر اویدیران کور
تعصبلرك دینمز ، اعتقاد حن حقنده نلر اویدوراجقلرینی تخمین ایتك مشکل اولماز .
مؤلف ، حضرت محمدك تابوتی دیره کمر اوزرنده هوایه تعلیق اولونماش ،
یره کومولمشدر ، دیگله بو خرافه لری تکذیب ایتك ایستیور .

حضرت محمدك ارتحالنى متعاقب اولاً حضرت ابو بكر ، صوكره
حضرت عمر ، صوكره حضرت عثمان ، صوكره حضرت على ، رياست
اسلاميه يى درعهده ايتديلىر .

شونى سويله يه بيليرزكه حضرت محمدك مقاومتسوز برسطوتى حائز
اولان قيليجى ، اخلافك النده ، آفريقا ، آسيا و آوروپا-ه بويوك بردولت
تأسيس ايتمه دن قيننه كيرمه مشدى . مسلمانلر ظفردن ظفره قوشمشلر ،
ايران ، فلسطين ، سوريه و مصر ، بربرينى متعاقب مسلمانلر الله
دوشمشدى . اون ايكي سنه ظرفنده مسلمانلر (۳۶) بيك شهر ،
قصبه و قلعه ضبط ايتمشلر ، (۱۴۰۰) جامع انشا ايتمشلر ، اسكندريه دن
طنجه يه قدر بوتون آفريقايى ، اسپانيانك بويوك قسمنى تسخير ايتمشلردى .
بوتون اسلام محررلى ، فطرتك حضرت محمد ه بخش ايتديكى
مواهب فكريه و كمالات اخلاقيه يى اك خوشنود و مفتخر بر ذوقله قيد
ايدرلىر . محمد ، بويوكلره حرمتى ، كوچوكلره قارشى تواضعى ،
معارضلرينه تحملى ايله عموم طرفندن سه ويلىش ، هر درلو تعظيم
و حرمتى كورمشدر . حضرت محمد مخاطبلرينى اقناع و الزام ايتك
خاصه سنى ده حائزدى . كتاب طبيعته متبحر اولان محمدك دماغى ، اك
بى امان مخالفلك مراجعت ايد ه جملكرى بوتون وسائلى قوراياجق ،
ياخود اتباغك كوچوك برانديشه سنى احاطه ايد ه جك درجه ده امتداد
وانكماش ايدردى . عظمتك بوتون خشيتيله برابر سويلى بر
طائيلقله ترين ايدن سيماي محمدينك ساده بلاغى ، هر كسك وجداننده
برهيجان ، حرمت و محبت اويانديرردى . كنديسنده او قدر تلى هواي
آمرت واردى كه اهل عرفانى متأثر ، جاهللىرى سوق و ارشاد ايدردى .
بر دوست و بر پدر اولق اعتباريله حضرت محمد فطرتك اك نازك
حساييله متحسدى . محمد ، بك شفيق و عاليجناب بر قلبى حائز

اولدینی واجتماعی، بیتی بوتون وظائفی ایفا ایتدیکی حالدده هیچ بروقت
 (رسول الله) عنواننك یو كسكلكنی اخلال ایدمك برحر كتمده بولونماشدر.
 پیغمبر بویوك دماغار ایچون چوق طبیعی رشی اولان بوساده لكه اوینك
 بوتون ایشلرینی كورمكده تردد ایتمز، بوتون عربستان كندیسنه اطاعت
 ایتدیکی زمان بيله، البسه سنك سو كوكلری كندی الیه ديكمكن،
 آياق قابی بالذات تعمیر ایتمكدن نحاشی ایتمز، قویونلری صاغار،
 نهوینی سوپورور، آتشی یاقاردی. پیغمبرك هر كون تناول ایتدیکی
 طعام، خورما و صو، اك سهودیکي شیلر، سود وبالدی. سیاحت
 ایتدیکی زمان پیغمبر، یمكنی خدمتجیسیله برلكده تقسیم ایدردی.
 (قارلایل) ك بو «قهرمان پیغمبر» حقنده کی ملاحظاتی او قدر
 كوزلدر كه اونلری موضوع بحث ایتمدهن كچه میه جگیز: «چولك
 بو درین قلبی اولادی، پارلاق قارا كوزلریله، آچیق، درین
 روحیله، حرصدن عاری فیکرلرله مشبوعدی. محمد، ساكن
 و معظم بر روحدی. او آنجق صمیمی اولاجق انسانلردن بریدی.
 طبیعت اونی صمیمی اولق ایچون یاراتمیشدی. انسانلرك بر قسمی
 جدلیات و تفرعات ایله مشغول اولوركن او كندی روحیله حقائق
 اشیایه نفوذ ایدیوردی. وجودك سرمعظمی، دهشتلریله و احتشاملریله
 بو آدامك درونده طوغمیشدی. بو آدامك سوزلری، دوغریدن
 دوغرویله طبیعتك سسیدر. انسانلر بوسی دكلرلر، و ديكه ملیدرلر،
 باشقه برشیئه قولاق اصماملیدرلر. چونكه، باشقه هرشی هیچدر.
 بو آدامك دماغی بیکلرجه فیکرك محشریدی. او هپ كندینه «نه ایم؟
 شو ایچنده یا شایوب كائنات تسمیه ایتدیكم اولچوسز شی نه! حیات نه؟
 ممات نه؟ نه یه ایمان ایتمیلی؟ ونه یامالی؟» سؤالارینی صوریوردی.
 حرا داغنك، سینا داغنك یاچین قایلری، قوملی عزلتكاهلرك هپسی

بوسؤاللره جواب ويره ميوردى ، انسانك تپه سنده قيوريلان مكو ك
سالمار ، بو سؤاللر قارشيسنده سكوت ايدييوردى . فقط بو آدمك
روحى واورو حده كى وحى الهى بونلره جواب ويريوردى . »

حضرت محمدك نبوتى ، كندى عالمه سى ده هر كس دن فضله تصديق
ايدييوردى . بر عرب اولق صفيله حضرت محمد ، قوم قدر پریشان ، آچ و چيپلاق
عربلرى درلى طويلى روح دت حاله كتي رمش ، اونلرى يكي بر صفت ويكي بر
ماهيتله اقوام جهانه تقديم ايتمشدر . محمدك تأسيس ايتديكي وحدت ،
اوتوز سنه ظرفنده بيزانس ايمپراطوريى هزيمة اوغراتمش ، ايران
كسرالرينى خاك ايله يگسان ايتمش ؛ سوريه ، عراق و مصرى فتح ايتمش ،
فتوحات اسلاميه يي بحر محيط اطلا سيدن بحر خزره و ماراء النهره قدر
تمديد ايتمشدى . اون ايكي عصر در بوتون بو حواليده مسلمانلق
حكمراندر . آنجق اسپايا دائرة اسلاميتدن چيقمش بولونيورسه ده
مسلمانلق توسع ايتمكده دوام ايتمش ، شمالى آسيا مر كزى آفريقاده
و بحر خزر حواليسنده انتشار ايده كلشدر .

قهرمان ييغمر بويله بر پيغمبردى . محمدك دهاسى ، زردشتيلكى
نارمار بر جماعت حاله كتي رمش ، هندستانى فتح ايدر ك براهما دينه
غالب كلش ، بودا دينى بيله مغلوب ايتمش ، عيسويتك شرقى كى
بوتون حاكيتنى ده و ير مش ، مصر دن جبل طارقه قدر رومانك بوتون
آفريقاسنى الده ايتمش ، اوروپايه كچه رك اسپايانك قسم اعظمه تملك
ايتد كدن سو كره لوالره قدر ايلريله مش . اسكى رومايى تيتره تمش ،
ونهايت يكي رومايى يعنى استانبولى ضبط ايتمشدى .

[مؤلف بوفصلی متعاقب امام (ابو صیری) نك مشهور قصیده میمیه سندن پیغمبریمزك اوصافنه عائد بیتلرك ترجمه سنی نقل اتمکده در . بزده بوابیاتك اصليله برابر ترجمه سنی ده قید ایدیورز .]

محمد سیدالکونین والثقلین * والفريقین من عرب ومن عجم
حضرت محمد ، دنیا و آخرتک ، انس و جنک ، عربلرله سائر
اقوامدن متشکل بوتون امتلرك پناه والتجا کاهیدر .

نبینا الا امر الناهی فلا احد * ابر فی قول لامنه ولانعم
پیغمبریمز ، تبلیغنه مأمور اولدیفی بوتون یوکسک عقیدلری ،
بوتون اعمال مقبوله یی بیلدیرمندر . بوتون دنی ، ردی ایشلردن بزى
نهی ایدن اودر . نفی واثبات خصوصنده اوندن دها دوغری حرکت
ایدن ، وعدو وعیدنده اوندن دها دردست اولان بر کیسه یوقدر .
هو الحبيب الذى ترجى شفاعته * لکل هول من الاهوال مقتحم
پیغمبریمز اللهک او سهو کیلیسیدر که ایچنه دوشولن هر بلانک
دفعی ایچون شفاعتی امید ایدیلرک اولان آنجق اودر .

دعا الى الله قال مستمسكون به * مستمسكون بحبل غير منفصم
او پیغمبر ذیشان انسانلری الله دعوت ایتدی . اوکا صاریلانلر
هیچ بر وقت قومیه جنی بر باغه باغلانمش اولورلر .
فاق النبیین فی خلق و خلق * ولم یدانوه فی علم ولا کرم
حسن صورت کی ظاهری کالاتیه و خصال حمیده کی معنوی
کالاتیه بون انبیاه فائق ایدی . علم و کرم اعتباریه بونلر اوکا
یا قلاشامادیلر .

و کلهم من رسول الله ملتمس * غرقا من البحر اورشفا من الیم
انبیانک هپسی رسول اسلامک دریای عرفاندن بر آووج واونلر
سیل کرمندن بر جرعه ایله تفیض ایتشلردر .
وواقفون لیه عند حدهم * من نقطة العلم او من شکلة الحکم
بوتون انبیا ، متبوع معظماری اولان حضور محمدی ده موقعارینه

كورده علمك بر نقطه سى ويا حكمتك بر حر كه سى اولارق اخذ موقع ايدرلر .

فهو الذى تم معناه وصورته * ثم اصطفاه حبيباً بارى النسم
معنى وصورته ، باطن وظاهر اعتباريله حائز كمال اولان رسول
كرم ، ذات بارى طرفندن حبيب اولارق انتخاب اولونمشدر .
منزه عن شريك فى محاسنه * جوهر الحسن فيه غير منقسم
[ناظم رسول اسلامك صفات ثبوتيه سنى بيان ايتد كدن صوكره صفات
سلبيه سنه نقل كلام ايدرك ديوركه :]

محاسنده هر شريك و نظيردن منز اولان اوزات والانك خير
وكمال منبعندن آلايفى كوهر حسن ، تجزى قبول ايتمز .

دع ما دعتة النصرارى فى نبهم * واحكم بما شئت مدحافيه واحتكم
[ناظم رسول اسلامك اوصاف و محاسن اعتباريله بي نظير اولديغنى
سويله : كدن صوكره عوام ناسك اوكا ، نصارانك پيغمبرلرينه عطف ايتديكى
(ابن الله) كى صفاتى توجهيه مساغ كورمه لرني توهم ايدرك بو بيتى يازمش
وشو شكلده اداره كلام ايتمشدر :]

نصارانك پيغمبرلرى حقنده سويله دكلرينى ييراقده مدحكده
حكيمانه حر كت ايت ، حدود انسانيه بي تجاوز ايدرك صفات محمدانيه
تجاوز ايتمه .

فانصب الى ذاته ماشئت من شرف * وانصب الى قدره ماشئت من عظم
اونك ذات رسالتپناهيسنه ايتهديكك قدر شرف ، اونك قدر
عالميسنه ايتهديكك قدر عظمت اضافه ايت .

فان فضل رسول الله ليس له * حد فيعرب عنه ناطق بقم
چونكه پيغمبر ديشانك فضل و كاله بر حد يوقدر كه لسان اوني
افاده ايدم بيلسين .

لم يمتحننا بما تعي العقول به * حرسا علينا فلم نرتب ولم نهم
پيغمبر يميزى فرط محبتندن عقللرى عاجز ييراقه جق بر شيله امتحان
ايتمه ديكندن ذره قدر شك و شبهه يه ويا حيرت ايديشه يه دوشمه رك .

اعی الوری فهم معناه فلیس یری * للقرب والبعده منه غیر منفحہ

جهان اونك كالاتی ادرا كدن واحاطه دن عاجز در ، اوزاق ،
یاقین هر یرده اونك معانی وفضائلی آ کلامقندن عاجز قالاندن باشقه
بر کیمسه کوروله یور . اونك شمائل کزیده سنی تصویره تصدی ایدن
هر منطق بیچاره قالیور .

كالشمس تظهر للعینین من بعد * صغیره وتكامل الطرف من اتم
او رسول اکرم ، اوزاقدن کوچوک کورونن ، فقط کوزلری
قاماشدیران کونش کی در .

وكیف یدرك فی الدنیا حقیقه * قوم نیام تسالوا عنه بالحلم
اونك ، رؤیاده کوردکلری خیالی ایله تسلی بولان انسانلر اونك
حقیقت کمالی ناصل احاطه اید بیلیرلر ؟

فبلغ العلم فیہ انه بشر * وانه خیر خلق الله کلهم
اونك حقنده علممزلک سویلیه بیله جکی شی ، بشر اولدیغی ، وبوتون
مخلوقات السیهك اك یو کسکی بولوندیغیدر .

وكل آی اتی الرسل الکرام بها * فانما اتصلت من نوره بهم
بوتون پیغمبرلرک کتیردکلری آیات ومعجزات ، رسول اسلامک
اونلره ایریشهن فیض نورانیسندندر .

فانه شمس فضل هم کوا کبرا * یتھرن انوارها للناس فی الظلم
اوبر شمس فضیلت ، اونلرده اونك ییلدیزلر یدر که قارا کلقلرده
انسانلره ایشار نور ایدرلر .

اکرم بخلق نبی زانه خلق بالحسن مشتمل بالبشر مبتسم
پیغمبرک ، حسن سیرتله مزین کوزهل سیماسی به خوشددر . اونك
حسنی کوزهللکک بوتون انواعنی مشتمل ودائما شطارتله متبسمدر .

کالزه فی ترف والبدر فی شرف والبحر فی کرم والدر فی هم
اونك شخص کریمنده چیچکلرک لطافتی ، مهتابک بوتون شعشعه
احتشامی ، طویلاشمدر . کرمی دریالر قدار واسع ، همتی زمان
کی معظم وپایداردر .

كانه وهو فرد في جلالة * في عسكر حين تلفاه وفي حشم
يالكز باشنه اولديغي حالداه اوني هيتت وجلالندن اردولر و فاتح
كتيبه لر ايچنده ظن ايدهرسك .

لاطيب بعدل ترباً ضم اعظمه طويي لمنتشق منه وملتم
اونك كميكلرني اورتن طوپراقلرك رايحه سي ، اك نفيس رايحه لره
فائقدر . او عزيز طوپراغي قوقلايانلره واوپه نلره نه موطلو !

دعني ووصفي آيات له ظهرت * ظهور نار القرى ليلاً على علم
ببراق بني ، اونك داغ باشنده يانان ، بيابانلرده سر كردان اولانلري
كيجه لين ايشيغنه چاغيران آتش كي آشكار اولان آيات ومعجزاتي
وصف وتعداد ايدهم :

آيات حق من الرحمن محدثة قديمة صفة الموصوف بالقدم
معجزات محمدية نك اك يوكسكي آيات قرآنيه دركه لفظي اعتباريله
حادث ، معني جهتيله قديمدر . زيرا قديمه موصوف اولان اللهك
كلاميدر .

لم تقترن بزمان وهي تخبرنا عن المعاد وعن عاد وعن ارم
آيات قرآنيه ، برزمانه مقارن اولماديغي حالداه بزه قيامتدن وعاد
وارمدن خبر ويرمكده در .

دامت لدينا فقاقت كل معجزه من النبيين اذجئت ولم تدم
آيات قرآنيه دائم ، سائر پيغمبرلرك معجزه لري ايسه غير دائم
اولديغي ايچون اونلرك هپسنه فائقدر .

قرت بها عين قاريها فقاتله لقد ظفرت بحبل الله فاعتصم
آيات قرآنيه بي اوقويانلر اونك قرائتيله شادكام اولديلر . اونلره
يمين ايله تأمين ايدهرم كه حبل الهمي بي بولديلر ، اوكا صيم صيقي
صاريلسينلر .

ان تتلها خيفة من حر نار لظى اطفأت نار لظى من وردها الشيم
قرآن کریمک آیتلری جهنم آتشدن قورقهرق او قورسهک جهنم
آتشی سوندیریرسک .

كانه الحوض تبيض الوجوه به * من فالسقط من العصاة وقد جاءه كالحمم
آیات بینات یوم عرصاتده کومور پارچه سی کی کسین عاصیلره
شفا ویرمن و یوزلرینی آغارتان حوض کی در .

و كالصراط و كالميزان معدلة * فالسقط من غيرها في الناس لم يقم
آیات قرآنیه حق باطلدن تمیز خصوصنده صراط ، عدالتی تأمین
و خصوصتی رفع و ازاله ده میزان کی در . لونلر اولماسه انسانلر اراسنده
عدالت قائم اولمازدی .

لا تعجبين لحسود راح ينكرها تجاهلا وهو عين الحاذق الفهم
آیات قرآنیه نك كلام الهی اولدیغنی ادراك ایدن حاسد لرك انكارلرندن
تعجب ائمه . بوانكار ، جهالتدن دكل ، تجاهلدن ایلری کلیور .

قد تنكر العين ضوء الشمس من رمد وينكر الغم طعم الماء من سقم
بعضاً كوز خسته لقدر دولای کونشك ایشیغنی انكار ایتدیکی کی
آغیزده خسته لق یوزندن صویك لذتی انكار ایدر .

يا خير من يعم العافون ساحته * سعيا و فوق متون الاينق الرسم
ای سن که بالجمله ملتجیلرک قوشهرق ، هچینسوار اولارق نزدینه
قوشدقلری اك خیرلی انسانسک . سکا التجا ایدیورم !

ومن هو الآية الكبرى لمعبر ومن هو النعمة العظمى لمعتم
سن عبر تبین اولانلر ایچون اك بویوک آیتسک ونعمت پشنده
قوشانلره اك فیاض نعمتسک !

ایکٹجی قسم

قرآن کریم

قرآن کریم

برجی فصل

قرآن کلمه سنک اصلی - قرآنک جمع وتدوینی - قرآنک معجزه محمدیه
اولدینی - قرآنک محتویاتی - قرآنک کیفیت وحی - ۶۶۶۶ آیتک نظمی -
(کوته) نك قرآن حقنده فکری - قرآن نه صورتله محافظه اولوندی - شاعر لیبیک
دین اسلامی قبولی - مسلمانلرک قرآنه حرمتی - قرآن مجله احکامدر -
قرآنک کتاب مقدسدن فرقی - ره نانک سوزلری - مسلمانلقده الوهیت
تلقیسی - هندولر الوهیتی ناصل تعریف اییدیورلردی - حضرت محمدک حضرت
عیسایه حرمتی - حضرت مریمک حلی حقنده قرآنک فکری - تثلیث مسئلهسی -
قرآنک تحلیلی - اسلام فاتح لریله ، روما پاپالرینک مقایسه سی - موسیو
(ژوریو) نك مطالعاتی - یهودیلکک انحصار آمیز وضعیتی - درت انجیل -
(قسطنطین) ک دورنده خریستیانلق - اسلامیت قلیچ دینی ده کلدر - مسلمانلرک
بهریته خدمتی .

قرآن کلمه سی ، (اوقودی) معنا سننده اولان (قرأ) فعل ثلاثی سنک
مصدریدر . « اوقومق » ، « اوقونمغه شایان اولان » معنالرینی افاده
ایدهر . قرآن کریمه « کتاب » ، « کتاب الله » ، « کتاب کریم » ،
« کلام شریف » ، « فرقان » ، « تنزیل » کلمه لری اطلاق اولونور .
مسلمانلر قرآنک کلام الهی اولدیغنه اعتقاد ایتدکدن باشقه اونک
ازلی ، غیر مخلوق وابدی اولدیغنه ایمان ایدهرلر . قرآنک بیانی معجز
اولدیغندن ، حضرت محمدک دائمی معجزه سی تلقی اولونمشدر . مسلمانلر ،

هرشیدن مقدم، جناب حَقِّك «لوح محفوظی»، صو کرا «قلم» ی یار اتدیغنه؛
 بویوک بر مجوهر اولان (لوح محفوظ) ه یکپاره اینجیدن وجوده
 کتریلان «قلم» ك مداد نورایله انسانلرك بوتون اعمالنی قید ایتدیکنه
 اعتقاد ایدرلر. حضرت جبرائیل، لوح محفوظدن تلقی ایتدیکی قرآنی
 حضرت محمده قدر کیجه سنده تبلیغ ایتمش، قرآن کریم قسماً (مکه) ده،
 قسماً (مدینه) ده پیغمبره وحی اولمشدر. رسول اکرمك تلقی
 ایتدیکی بوتون کلمات الهیه، کاتبلر طرفندن درحال قید اولونوردی.
 وحی اولونان ایلک آیتلرك: «اقرأ» سوره سنك باشنده کی آیتلر
 اولدیعی خصوصنده اتفاق واردر. بو آیتلرك مآل کریمی شودر:
 «اوقو، یارادن و انسانی بر قان پختیسندن وجوده کتیره
 اللهك نامه اوقو، رب اکرمك انسانه او کره تدی، قلمله او کره تدی،
 بیلمه دیکنی او کره تدی»

رسول اکرمك تلقی ایتدیکی آیات، وحی کاتبلری طرفندن قید
 اولوندقدن صو کرا بونلر اصحاب آراسنده نشر اولونوردی. اصحابك
 اکثریسی قرآنی از برلردی. قرآنك قید اولوندیغنی یاپراقلر، بر
 صندوق دروننده حفظ اولونوردی.

قرآن کریم ۱۱۴ سوره دن متشکلدر. سوره لرك بر قسمی مکی،
 بر قسمی مدنیدر. سوره لر، ایچنده موضوع بحث اولان بروقه دن،
 یاخود ایچنده یاد اولونان بر شخصیتدن اسمنی آلیر. هر سوره
 آیتلردن متشکلدر و هر بری بسمله ایله باشلار. [۱]

قرآن، مسلمانلرجه معجزه لرك ال بویوکي عد اولونور و اولولری
 دیر یاتمك معجزه سی قدر خارق العاده طانیلیر. مسلمانلر دیرلرکه،

[۱] قرآن کریمك آیاتی ۶۶۶۶ در. بیکی اوامر، بیکی نواهی،
 بیکی وعد، بیکی وعید، بیکی قصص، بیکی امثال، بش یوزی حدود،
 یوزی دعا و نیازدر.

(موسی) ایله (عیسی) نك معجزه لری موقتدی . محمدك معجزه سی دائمیدر ، ابدیدر . بناءً علیه بو خارقه ، اسکی دورلرك بوتون خوارقندن یو کسکدر .

ادبیات نقطه نظرندن قرآن ، شرقك اك شاعرانه اثریدر . قسم اعظمی نثر منظوم اولان قرآن ، کره ارضك بر قسمنده حاکم اولان ذوقه مطابقدر . عربستانك اك اصیل و اك تمیز لهجه سی اولان قریش لسانیه بازل اولان قرآنه دیگر لهجه لر پك آز قاریشمشدر . قرآن کریمك لسان عرب ایچین بر حجت اولدیغنده شک و شبهه یوقدر . (کوته) نك دیدیکی کبی قرآن وهله اولاده قارئی ممنون ایتمز ایسه ده صو کرا اونی فسونیله جذب ایدر ، داها صو کرا قارئی کوزه لکيله تسخیر ایلر .

حضرت محمدك حال حیاتنده قرآن کریمك یازیلی بولوندیغی صحیفه لر حفظ اولونویوردی . حضرت ابو بکر ، خورما یاپراقلری ، دری و کمیک پارچالری اوزرنده یازیلی اولان آیات قرآنییه یی بر جلد حالنده طویلادی . صو کرا بو جلدی حضرت عمرك کریمه سی (حفصه) نك ید امنیتنه تودیع ایتدی . فقط ولایتلره داغیلان نسخه لرله نسخه اصلیه آراسنده فرق کورولدیکندن حضرت عثمان نسخه اصلیه یی اساس اتخاذایده رک قرآنك نسخه لرینی تکثیر ایتمش ، یا کلیش نسخه لری طویلایمشدی .

قرآن کریمك مزایاسنی تقدیر ایچون شونی بیلمك لازمدر که پیغمبرك زمان ظهورنده بلاغت بیان و فصاحت لسان پك ایلری کیتمش بولونیوردی . او زمان شعر و خطابت فوق العاده اعتباری حائزدی . مؤلفین اسلامیه دن بری دیورکه :

« قرآنك اعجازی ، اونك بلاغتنده ، فصاحت و آهنگنده دره عربجه

بیلیمین بر آدم قرآنی دیکله سه ، اونک ، سائر آثار عربیه یه فائیتنی
در حال تسلیم ایدر . هر هانکی بر یازی یه اقتباس اولونان بر آیت قرآنیه اونک
ایچنده بر یاقوت پارچاسی کی طورور ، کوزلری قاشدیران مجوهرلر کی
پارلار . قرآن ، وحی اولوندینی کوندنبری ، بلاغتیله علمایی
حیران بر اقمشدر .

ایشته دائمی بر معجزه عد اولونان بو قرآن ایله در که حضرت محمد
قومنه مراجعت ایتمش ، اونکله رسالتنی تأیید ایله مش ، اونکله اوزمان
عربستانده عددلری چوق اولان بوتون فصحا و بلغایی اسکات ایله مش ،
هپسینی اوکا بر نظیره کتیر مکدن عاجز بر اقمشدی . [۱]

روایت کوره معلقاتدن برینک ناظمی اولان شاعر مشهور لبید ،
حضرت محمدک رسالتنی اعلان ایتدیکی زمان هنوز بت پرستدی .
لبید ؛ شعرلرینک برنده شویتی ایراد ایدیور : «اللهدن غیری هرشی
باطلدر ؛ هر نعمت ، محقق ، محکوم زوالدر .» شاعر لبیده بو یولده
بر نظیره سویلیه جک بر کیمسه چیقمه مشدی . نهایت سورده بقره نیک
بر قاج آیت کریمه سنه مطلع اولان لبید ، بونلرک آجق وحی الهی
ایله سویلنه بیله جکنه ایمان ایتمش ، دین مبین اسلامی قبول ایله مشدی .
لبیدک اهداسنه سائق اولان آیات کریمه ؛ « بو کتاب که ،
هر درلو ریب و شبهه دن آزاده در ، متقیلر ایچون رهبر هدایتدر ،
او متقیلر که غیه ایمان ایدر لر ، نمازلرینی حقیله ادا ایدر لر ، واللهمک
کندیلرینه احسان ایتدیکی رزقندن انفاق ایلر لر . اونلر که سکا
کوندریلنه وسندن اول کوندریلنه ایمان ایدر لر و آخرته یقیناً اینانیر لر .

[۱] حضرت محمدک قرآن کریمی بر خریستیان راهبک و بر ایرانی یهودینک
یاردیمیه انشا ایتدیکنه دائر وقوع بولان بهتانلر ، کنندی کنندینی تکذیب
ایتمکده در . عرب لساننک شاهقه بلاغتی ، بری سوریه لی ، دیکری ایرانی
ایکی اجنبی یه ناصل عطف اولونا بیلیر ؟

ایشته اونلر هدایت الیهیه نائلدرلر ، واونلر فلاحه ایرمشلردر . «
 کافرلر کلمجه... اونلرک حالی بر آتش یاقان آدمک حالی کبی در که
 آتش اطراف ای شقیقلاندیردیغی زمان کوزلری قاپانیر ، و قارا کلک
 ایچنده قالیرلر . اونلر دیلسزلردر ، سویلیه مزلر ؛ صاغیردرلر ،
 ایشیتمزلر ؛ کورددرلر ، کورمزلر .

«یا خود اونلرک حالی ظلمتله ، رعد و برق ایله مشحون بر قاصیرغه کبی که ،
 بونک قارشیدینده اونلر اولوم قورقوسندن پارمقلریله قولاقلرینی طیقیورلر .
 جناب حق ایسه کافرلری چپ چوره چویرمشدر . برق ، اونلرک
 کوزلرینی قاماشدیرر ، شمشک چاقدقچه اونک ایشیغنده یوروپورلر ،
 فقط اورتهلغی ظلت قاپلادیمی طور یورلر .»

قرآنک تلاوتی اثناسنده عربلرک دویدقلری الهام ، اونک ساحر
 اسلوبی ، اونک علوی شعری ، اونک حلاوت نظمی دولایسیله در .
 آیاتک تنوعی ده شایان دقتدر . قرآن کریم محتشم آیتلرله ، عرش
 تدبیرندن کائناتی اداره ایدن ذات اجل اعلائی افاده ایدر ، جنتک نعیم
 جاودانیسنی ایضاح ایدر کن آیتلر ، نشاط و آهنگ ایله دالغه لانیر ، جهنمک
 عذابنی آکلاتیر کن آتشین بر حرارتله چالقانیر .

مسلمانلر قرآن کریمه اعظمی حرمت و توقیری کوستیرلر . طاهر
 اولمازلر سه کتابه ال سورمزلر . اونک ایچون کتاب مبینک قاپاغنه
 (لایمسه الالمطهرون) آیت کریمه سی یازیلیر ، و بوضورتله سهوایله کتابه
 طهارتسز ایکن کیمسه نک یا نالاشمامسینی تأمین ایدرلر . مسلمانلر ،
 کتابی کمال حرمتله اوقورلر ، اونی اوپرلر ، حربه کیدر کن
 جیلرنده طاشیرلر ، سلاخلرینه آیتلر حک ایتدیرلر ، کتابی آلتونلر
 و مجوهرلرله سوسلرلر ، اونک بر غیر مؤمنک النده بولونمامسینی ایسترلر .
 اسلام تربیه سنک منبعی ، بو کتاب مبیندر . چوجوقلر ، اول باول

اونی اوقومای او کره نیرلر واز برلرلر . حیاتک نورینی بولق ایچون مسلمانلر کتاب مبینی تدقیق و تتبع ایدرلر . جامعلر واردر که اوراده قرآن کریم متماًدیاً ختم اولنور . اون ایکی عصر دن بری قرآن کریمک سسی ، میلیونلرجه مؤمنک قلب وروحنده متماًدیاً و مستمراً عکسلر اویاندر مشدر . نیجه اسلام فقیهلری واردر که قرآنی یتش بیک کره ختم ایتشلردر .

قرآن کریم الله ایمانی ، اراده الهیه تسلیمیتی ، و امر الهیه اطاعتی ، بر و تقوایی ، اعتدالی ، ایچکیدن امتناعی ، مسامحه یی ، دین اوغورنده اولنلره بر حرمت مخصوصه بسله مه یی امر ایدر . فرائض عملیه یه کلنجه بونلر دین اسلامک نشر و تبلیغی ، بش وقت نمازک اداسی ، رمضان آینده اوروجک طوتولماسی ، ۱ [مالک قرقده برینک زکات اولارق اعطاسی در . زکات اولارق تفریق اولنان پارادن حتی دشمنلره و حیواناته بیلر بر حصه تخصیص اولونابیلیر . ۲]

یقانمق و تمیزله نمکه عائد اولان اوامر ، نمازه متقدمدر . (سهل - Sale) دیور که : « مسلمانلرک بووظائف ایفایه رعایتکار اولمالری ایچون حضرت محمد ، اعمالک طهارت اساسی اوزره قائم اولدیغنی سویلر ، طهارت ، ایمانک یاریسی و نمازک اناختاریدر . طهارتسز نماز قبول اولونماز . بو ایضاحاتک دها کوزمل آکلاشیلماسنی تأمین ایچون ، (غزالی) طهارتی درت قسمه آرییور . برنجیسی جسدک هر پیدسلکدن وهر لوئدن تطهیری ؛ ایکنجیسی ، بوتون اعضا و جوارحک خباثتدن

۱ [اوروجک اوچ مرتبه سی واردر : ۱) معدوی و شهوانی لذتدن اجتناب ، ۲) کوز ، قولا ، دیل ، ال ، آیاق و سائر جوارحی کناهدن وقایه ، ۳) قلب و فکری مشاغل دنیویه دن صیانت .
۲ [نماز انسانلری جنت بولنه سوق ایدر . اوروج انسانی جنت قاپوسنه کوتورور . زکات انسانک جنته کیرمه سنی تأمین ایدر .

وہر ظالمانہ عملدن ؛ اوچنچیسى ، قلبك هر درلو شایان مؤاخذہ
تمایلات و کناہکارانہ نیتلردن تنزیہی در (غزالی)، وجودہ کورہ قلبك
ظاہری بر ظرف ، اصل اوزك قلب اولدیغنی علاوہ ایدہر . بو
سبیدن دولای غزالی ، یالکیز ظاہری طہارتہ اہمیت ویرہ نلردن
شکایت ایدہر، اساساً تمیز اولمایانلرك صورتلری کبی سیرتلرینك کیرلی
اولدیغنی بیان ایله اونلرك موضوع بحث ایدیلمہ یه لایق اولمادقلرینی
سویلر . بناءً علیہ مسلمانلرك طہارتہ رعایت ایتمکله کناہلرندن آزاد
اولدقلرینی ظن ایدنلر یا کیلیورلر . »

فقط اوامر قرآنیہ دینی و اخلاقی وظائفہ منحصر دہ کلدرہ . کیونہ
دیر کہ : « قرآن بحر محیط آطلاسی ساحلارندن غائرہ قدر ، یالکیز
الہیاتك دہ کل، مدنی، جزائی احکامك مجملہ اساسیہ سی عد اولونمقدہ،
انسانلرك بوتون حرکات و احوالی تنظیم ایدن قوانین، اللہك غیر قبل
اخلال اوامریلہ مؤید بولونمقدہ در . » تعبیر دیگرلہ قرآن، مسلمانلرك
دینی ، اجتماعی ، مدنی ، تجاری ، عسکری ، قضائی ، جنائی، جزائی
عمومی کتابیدر . قرآن ہر شیئك، وظائف دینیہ دن وظائف یومیہ یه،
روحك نجات و فلاحندن بدنك صحتہ، عمومك حقوقندن فردك حقوقنہ،
انسانك منافعنندن جمعیتك منافعنہ ، اخلاقیات ساحہ سندن جنائیات
ساحہ سنہ ، حیات دنیویہ نك عقوباتندن حیات اخرویہ نك عذابانہ
قدر ہر شیئك ناظیمدر .

بالنتیجہ قرآن ، توراتدن آریلمقدہ در . (قومب) ك دیدیکی کبی
تورات ، « برالہیات سیستہ منی حائر دہ کلدر ، تورات ، قصصدن ،
وصفلردن ، تقوایرورانہ تہیجاندن ، بربرینہ منطقی بر رابطہ ایله باغلی
اولماقلہ برابر قوتلی براخلاقدن متشکلدر . » [قرآن کریم، انجیل

کې ده آتېجق سالکړک افکار دینیه سنی ، عبادت و اعمالی تنظیم ایدن بر دستور دن عبارت ده کلدن .

بلکه قرآن ، سیاسی بر سیستم در . چونکه دولتک هر قانونی اوکا مستنددر . حیات و امواله عائد اولان هر شی اوک حکمیله حل اولو نموده در .

حضرت محمد ، سیاسی دولتدرده رعبان صنفک نه قدر تهلکلی بر عنصر اولدیغی ، بو صنفک هر حکومتی تردی به سوق ایتدیکنی بیلدیکندن بو مؤسسسه نك وجود بولماسنه امکان بیراقامش ، آئنده قرآن بولونان هر مسلمانك کندی ارشاد ایتمه سنی آرزو ایتشدن . حضرت عیساده عینی صورتله حرکت ایتش ، اوده پاپاسسز وحشیات قلییه به مستند بر دیانت تبلیغ ایتشدی . رونان دیر که : « حضرت عیسی قدر پاپاسه بکزمه مین بر انسان یوقدی . اوک قدر دینی حمایه نامی آئنده دینی بوغان اشکاله بویوک بر دشمن کوروله مشدی . » رونان دهاصو کره دیور که : « عیسویتده روحانی برسلسله مراتب یوقدی . هر نصرانی دیگر نصرانی به : برادر ، دییه جکدی . فقط عیسی ، فائق بر عنوانه صاحب بولونیوردی . عیسی به افندی ، اللهده « رب » ده نیلیوردی . »

بناءً علیه مسلمانلقده پاپاسلق یوقدر . فقها ایله الهیاتجیلر عینی آدمدر . چونکه مأخذلری قرآندر . بونلرک وظیفه لری ، روحانی ده کل ، قضائی ایدی . ثروتلری کلیسا وقفلرندن ، صدقه لردن متحصل ده کلدی ، دولنک تخصیص ایتدیکی معاشاتندی .

حضرت محمدك کتیردیکی عقائد ، شبهه دن ، ایکی یوزلیلکدن آزاده ایدی . قرآن کریم ، توحید عقیده سنك اك شرفلی آبد سیدر ، بتلره ، انسانلره ، سیارات و ثوابته پرستشی منع ایدن حضرت محمد ،

بونى، دوغان هر شيتك اوله جكي، طلوع ايدن هر شيتك باتاجنى، فساده معروض اولان هر شيتك اضمحلاله اوغراياجنى اساس معقولنه استناد ايتديرمشدى. حضرت محمدك ذوق عقايسى، زمان و مكاندن، شكل و صورتدن منزله، بي نظير و بي شريك، اك كيزلى فكلرلر منزله مطلع، كندى ذاتيله قائم، لايتناهى وازلى بر موجودى طانيور و تجيل ايتديوردى. رسول اسلام طرفندن اعلان اولونان بو عقائد، بوتون آرقداشلىرى طرفندن صاغلام بر صورتده قبول اولونمش، قرآنك مفسرلىرى طرفندن ده رياضى بر قطعيتله تعريف ايتيلمىشدر. مؤمن بر فيلسوف عموم مسلمانلرك عقيده سنى قبول ايدمىلير.

خالق طبيعت، وارلى بوتون آثارينه، قانوتى قلب بشره حك ايتمشدر. هر عصرده كلن پيغمبرلرك وظيفه سى، معرفة اللهى احيا و قانون اللهى نك رعايتنى تأميندن عبارتدى. حضرت محمد بوتون اسلافى اولان پيغمبرانك نبوتنى طانيمشدر. حضرت آدمدن، قرآنك اكلانه قدر وحى اللهى انسانلرى ارشاد ايدمىشدر. حضرت محمد مسلمانلره، حضرت عيساي توقير و تجيل ايتمىي او كرمىشدر. [۱] لاتين كليساسى، حضرت مريمك نفخ ايله حمل مسئله سنى قرآن كريمدن اقتباس ايتكم خصوصنده تردد ايتمىشدر. [۲] خريستيانلره،

[۱] بونك برچوق دلائلى وارد. بز يالگز شونى ذكر ايدمىشكز: محمد رابعك دورنده سدر اعظم ۱۶۸۳ ده ويانه يه قدر ايلريله مش، فقط لهستان حكمدارى (ژون سوبيه سكي) طرفندن مغلوبيته اوغرامىشدى. بو صيراده خريستيان بر پاپاس مسلمان اولمش، مسلمانلغنى اثبات ايچون حضرت عيسى يه هجوم ايله اونك ساخته كار اولديغنى سويلمىشدى. بو حركت مسلمانلرى او قدر اغصاب ايتمىشدى كه پاپاس در حال ديوانه سوق اولمش و اعدامه محكوم ايتيلمىشدى.

[۲] سهل طرفندن ترجمه اولونان قرآنه صراجعت ايتديكز. سن آمبروز

آلتی یوز سنه ظرفنده دوغرو یولدن صاپمشلردی. حضرت موسی ايله حضرت عیسی، آتیده کندیلرندن دها بویوک بر پیغمبر کله جکینی اعلان ایتمشلردی. پاراقلیط، یاخود (روح قدس) ک ورودی رسل الهیه نک اک بویوکی و صوکنجیسی اولان حضرت محمدک شیخصنده وبعثتنده تجلی ایتدی.

قرآنک برنجی و اک اساسلی ماده سی، توحید باری عقیده سی و حضرت محمدک رسالتیدر. قرآن حضرت محمدی، اللهک ایلچیسى صفتیله یاد ایدر. پیغمبر اسلام، خریستیانلرک تثلیث عقیده سنی قبول ایتمکله خطایه دوشدکلرینی، جناب حقک حقیقتی اظهار و تأیید ایچون کندیسینی کوندردیکینی بیان ایدر. ۱] بوندن دولاییدرکه قرآن کریمده مسلمانلره «موحدلر» دینلمکده و بوتعبیر «مشرکلر» مقابلنده قوللا ملقده در. چونکه مشرکلر، پرستش ایتدکلری شیلری اللهه شریک اولارق قوشمقده درلر. قرآن کریمده دنیلیورکه: «ای اهل کتاب! (خرستیانلر و موسویلر!) دینکیزده افراطه صاپماییکیز. اللهدن بحث ایدیورکن حقیقته مخالف برشی سویله مهیکیز. صریمک اوغلی مسیح، اللهک بر پیغمبرندن باشقه برشی ده کلدیر. او حالده الله ايله پیغمبرلرینه اینانیکیز. تثلیثدن بحث ایتمهیکیز. الله

ایله سن اوغوستین کی آباى کایسانک مشاهیرندن ایکی ذات بو مسئله اطرافنده اوقدر مستهجن مناقشه لرده بولونمشلردرکه ادب و حیا، بونلرک سوزلرندن برشی اقتباسنه مانعدر.

[۱] تثلیث عقیده سنک اساسی اولان اوچ شاهدک مشهورمتنی، نیوتون، کیبون و یورسون کی ذواتک مساعیسی نتیجه سنده اوبدورمه اولدینی تبیین ایتمیشدر. بالذات (قالهت) کتاب مقدسک اسکی نسخه لرنده بویله بر آیت بولونمادیغنی اعتراف ایدیور. حضرت عیسی وحدانیت الهیه بی تعلیم ایتمش، فقط سن پول ایله افلاطونی اولان (حنا) افلاطونک تثلیثی قبول ایدرک عیسویتک توحیدینی وساده لکنی اخلاص ایلشردر.

بردر . بوتون حمد و ثنا اوکا خا صدر . اونك اوغلی یوقدر .
 قرآنك اك بویوك هدفی ، اوزمان شایع اولان اوچ دینی ، معرفه الله
 ایله عبادت خصوصنده برلشدیرمك ، هپسینی معین قوائینه تابع قیلماق ،
 هپسینی رسول الله اولان حضرت محمدك اطرافنده طوبیلامقدر . حضرت
 محمد ، متعدد اخطارلردن ، دها اول وقوع بولان متعدد وعد
 و وعیدلردن صوکره یر یوزنده دین الهی بی تأسیس ایچون کوندریلمشدی .
 او حالده قرآنك اك معظم عقیده سی توحید باریدر . حضرت
 محمد ، بونی ایضاح ایچون کوندریلمشدر . حضرت محمد ،
 بو عقیده بی اك دوغرو و اك مکمل صورتده ایضاح ایتدی . بو
 صورتله بعض شرایع مخصوصه ویا مراسم مخصوصه نك ارشاد الهی یه
 توفیقاً تبدل ایده بیله جکی ، فقط اصل حقیقت ازلیه نك بر کونا تبدله
 معروض اولمایاجنی ، بالعکس عیناً دوام ایده جکی آ کلا شلمش ، بو عقیده
 اساسیه اهماله اوغرا دیغی ، یا خود تردی یه دوچار اولدیغی زمان اون
 احیا ایچون پیغمبرلر کوندریلمشدر که حضرت محمدك ظهورینه قدر
 بونلرك اك ممتازی حضرت موسی و حضرت عیسی ایدی .

حضرت محمد ، هیچ بروقت یکی بر دینك مؤسی اولدیغنی سویله مه مشدر .
 بالعکس محمد ، حضرت ابراهیم دیننی احیا ایتدیکنی ، و بونك کنديسنه وحی
 اولوندیغنی بیان ایدر . قرآنك يکانه هدفی ، موسویارله خریستیانلرك
 تحریف ایتدکلری الواح مقدسه بی تصحیح ایتمکدر . بو تحریفاتك
 بری ده حضرت محمدك رسالتنه عائددر . روایتیه کوره ،
 حضرت جبرائیل ، قرآنی ، حضرت ابراهیم طرفندن کسیلن
 قربانك دریسنه یازیلی اولارق کتیرمش ، دری آلتون و ایپك
 و مجوهرات ایله سوسله نمشدی . فقط خریستیانلرجه قبول اولونان
 روایتیه کوره حضرت محمد قرآنی ، ایرانلی بریهودی ایله خریستیان

ربا پاسك ياردیميله احضار ایتمشدی. فقط بوفکر او قادر اسکیدر که بالذات حضرت محمدك بوفکر ایله مجادله ایتدیکنی و اونی رد ایلدیکنی کور یوروز. قرآن کریم اك صریح صورتده ازلی، ابدی اولان، طوغمایان، طوغورمایان، برشریک و نظیری اولمایان، هرشیئی یارادان، رحمن و رحیم اولان، کندیسنه باغلانانلری حمایه ایدن، فنالق ایدوب پشیان اولانلری عفو ایدن، قیامت کوننك صاحبی اولان، هر کسی عملنه کوره محاکمه ایدن؛ اییلک یاپانلره، الله اوغرنده اولنلره سعادت ابدیه بخش ایدن؛ خییشلره جزا ویرن اللهك وارلغنی اوکره تیر. قرآن ملکلك وارلغنی ده اوکره تمکده در. فقط ملکلك ده، پیغمبرلرکده شایان پرستش اولمادقلرینی آکلاتیر. هر انسانی قورویان و اعمالنی مراقبه ایدن ایکی ملک واردر. شیطانلر نوع بشرک دشمنیدرلر. مسلمانلر جنلرک وارلغنه ده اینانیرلر. حضرت محمدك رسالتنه ایمان ایدرلر.

قرآن کریمك ایضاح ایتدیکی بوعقائد نه قدر ظالمانه تجاوزه اوغرا دیسه قرآنك تعالیم اخلاقیه سی ده عینی صورته تجاوزه اوغرا مشدر. حال بو که اخلاق قرآنیه، فسق و فجوری و هر درلو افراطی، ربایی، خستی، تکبری، بهتان و افترای، حسدی، ربایی، دنیوی شیر اوغورنده حریر صانه قوشمه یی تقبیح؛ صدقه و یرمه یی، ابوی سی سه و مه یی، الله شکرانی، عهده وفایی، صدق و اخلاصی، یتیملره شفقتی، برفرق کوزه دیلکسزین عدالتی، عفتی، حیایی، صبر و تحملی، خیرخواهلی، کوله لرك آزاد ایدلمه سنی، فنالغ قارشی اییلکی، فضیلتی، عفو و صفحی، بوتون بونلری برمکافات بکله میهرک و منحصرأ رضای باری یی کوزه ده رک ایغایی امر ایدر.

یوقاری ده سویله دیکمز کی قرآن یالکمز بر مجله دینه ده کلدر. یوندن باشقه - یهودیلرک (په تانتوح) ی کی - مسلمانلرک قوانین

مدنیہ سنی دہا احتوا ایدہر .

بناءً علیہ قرآن تعدد زوجاتی تحدید، ازدواجی تعریف، زوجینک حقوقی ایضاح، والدہ لک مدت ارضاعی، دوللرک حقوقی، مہر لک، طلاق لک کیفیت وقوعی تعریف ایلر . میراث، وصایا، ولایت، عقود قرآن دہ ذکر اولونمقدہ در . نہایت، یالانجی شہاد لک، سارقلرک، زانیلرک، چوجوقلرینی اولدیرہ نلرک، فجورک، ساختہ کارلغک وسائرہ نک جزاسی کوستریلیر . حضرت محمد بو اعتبار ایلہ یالکزیغمبردہ کل، بردہ شارعدر . بوقوانین شرعیہ ہجرتدن، یعنی عقیدہ اسلامیہ خالی کوکلند کدن صوکرہ تبلیغ اولونمش، بر قسمی مکہ نک فتح نہ قادار اعلان اولونما مشدی .

خریستیانلق عالمنده کتاب مقدسہ قارشى نادراً تصادف ایدیلن یوکسک حرمتلہ قارشیلانان قرآن، بویلہ برکتابدہر .

خریستیانلق ایلہ مسلمانلق آراسندہ کی فرقی آکلامق ایچون شوکا دقت ایتک لازمدر کہ خریستیانلغک اتباعی اوزرنده حائر اولدیغی نفوذ (دوغما) لرہ استناد ایتدیریلہ رک دین ایلہ اخلاق بر بردن آیریلدیغی حالده مسلمانلق دہ دوغمالردہ کل، دینک عملی طرفی، اخلاقی، اجتماعی، حقوقی، سیاسی فکرلر اوزرنده اجرای تاثیر ایلمکدہ وبو صورتلہ مسلمانک دماغندہ وطنپرورلک، حقوق، عنعنہ، قانون اساسی بر کلمہ دہ اندماج ایتکدہ در . بو کلمہ «مسلمانلق» در .

مسلمانلغک افتخار ایدہ جکی بر چوق محاسن آراسندہ بالخاصہ ایکسی پک بارزدہر . برنجیسی الوہیتدن بحث ایدیورکن، بشری ضعفلردن وحرصلردن تنزیہ ایتدیکی ذات کبریائی اک تجیلکار، اک خشیت آور سوزلرلہ افادہ ایتہ سی؛ ایکنجیسی دہ، قرآنک اخلاق و تربیہ یہ منافی ہر فکرلہ، ہر حکایہ وسوزدن تمامیلہ آزادہ بولونماسیدر . حال بو کہ

موسویلرک کتاب مقدسی بو کی قصورلرله مالاملدر . قرآن ، دیگر کتابلر نامنه غیر قابل انکار اولان بو قصورلردن او قدر منزهدر که حیاکار برانسان هیچ قیزارمادن اونی باشندن صوکنه قادار اوقویاییلیر . الحاصل قرآن کریمک تأسیس ایتدیکی دین ، محض توحیددر . قرآنک تعریف ایتدیکی الوهیت ، مؤسس قوانین ایله کائناتی اداره ایدن ، فقط غیر قابل تقرب بر احتشام ایچنده بر طرفده دوران فلسفی بر علت اولی ده کل ، هر دم حاضر و ناظر ، هر دم فعال بر قدر تدر . مسلمانلق دین اولق حیثیتیه عقله تجاوز ایدمه جک اسرار آلود و نزاع انکیز هر شیدن اوزا قدر . مسلمانلق انسانلری ساده و لایتغیر بر عبادتله مکلف ایدر . مسلمانلق ، انسانلری عزیزلره ، شهیدلره ، رسملره ، متروکاته ، اسرار آلود شیلره ، مابعد الطبیعی اینجه لکاره پرستشدن ؛ مناسترلرده انزوادن ، نفسی رنجیده ایتمکدن منع ایدن ؛ ماهیت اشیانک اوزون و درین تأملندن ، او زمانکی اقوام جهانک احوال و شرائطنی تقدیردن ، عقل و دینک تألیفندن تولد ایدن بر نتیجه در . بناء علیه بویله بر دینک کعبه اطرافنده وقوع بولان بت پرستانه بوتون عبادتلری ، زردشتیلکی ، صابئییلکی احما ایتمه سی شایان حیرت ده کلدر .

آرتق قرآن کریمک تعریف ایتدیکی مسلمانلقدن بحث ایدمه یلیرز : مسلمانلق هیچ بروقت هر هانکی دینک اساساتنه مداخله ایتمه مش ، هیچ بروقت بر انکیزیون تأسیس ایتمه مش ، بر کیمسه یه دینی ده کیشدیر تمه بی استهداف ایله مه مشدر . مسلمانلق ده کندینی جهاننه تقدیم ایتدی ، فقط کیمسه بی جبر ایله تبدیل دینه سوق ایتمه دی . قرآن دیر که : (لا اکر اه فی الدین) یعنی « دینده جبر و تضییق یوقدر » ، « مؤمنلردن ، موسویلردن ، صابئییلردن ، اللهه و آخرته ایمان ایدنلر نزد الهیده مأجور اولورلر و هیچ بر خوف و حزنه

او غراما زلر . »

مسلمانلغك قبولی ، مفتوح مملكتلره و مغلوب ملتلره حقوق
 متساویه تأمین ایدیور ؛ اونلری ، حضرت محمدك ظهورینه قدر هر
 فاتحك مغلوبلره تحمیل ایتدیکی شرائطدن قورتاریور و بواقوامه حریت
 بخش ایدیوردی . مسلمانلق او زمان حوالی مجاورده حکمران بر
 عادت اولان چوجوقلری دیری دیری کومك رذالتی ازاله ایتمش ،
 کوله لیکی الغایله مش ، یالکیز مسلمانلغی قبول ایدهلره ده کل ، مفتوح
 ملتله ده عدالتی تشمیل ایله مش ، ویر کولری تخفیف ، دولته ویر یله جك
 ویر کولری اوندن بره تنزیل ایتمش ، تجارتی قیدلردن آزاد ایله مش ،
 ادیان سائره نك سالکلرینی کلیسالرینه و ربانلرینه معین پاره ویرمکدن
 قورتارمش ، دیانت حاکمیه بر اعانه ده بولمقدن خلاص ایتشدر .
 اسلامیتی قبول ایدنلردن ایسته نیلن شی برجه نك تکرارندن عبارتدی .
 مسلمانلغك سرعت انتشارینه خدمت ایدهن اسباب ، بو کون بیله
 تمامیله قابل تحقیق دکلدر . مع مافیه بو اسبابك باشلیجه لرندن بر قاقچی
 تعداد ایتك ممکندر .

بونلرك برنجیسی ، ماهیت الهیه و وظائف اخلاقیه دائر قرآنك
 کتیردیکی یوکسك و دوغرو مفهوملر ؛ موسسویلر و خریستیانلرله
 دوشوب قالمقدن دولایی اسکی بت پرستکلرینك خرافات آمیز عنعنه
 لرینه قارشى رابطه لری کهوشه یین ملتله اوزرنده بو مفهوملرك اجرا
 ایتدیکی تأثیر ؛ هوکره عربستانده شایع اولان متعدد ادیانك تعالیم ،
 عادات و عنعناتك حسن امتزاجی ؛ ثالثاً : تعالیم قرآنیه نك بوتون حقوقی
 ایشلره و حیاته متعلق وظائفه واسع بر صورتده شامل بولونماسی .
 بعض مؤلفلر بو اسبابه ، شهوانیاته مساعد ایدیله سنی علاوه ایدیورلر .

فقط تعصیدن قور تولان بر دماغ صاحبی، مسلمانلغک انتشاری خصوصند بویله بر عاملك مؤثر اولدیغنه احتمال ویره مز . بونقطه خریستیانلق اساسیله، یاخود آوروپالیلرک عادتیله محاکمه اولوماز . تعدد زوجات عربستانده اساساً شایعدی . مسلمانلق تعدد زوجانه جواز ویرمهکه برابر مسلمانلر شرقلیلرک بو خصوصده کی حدسز حریتی تحدید ایتشلردر . مسلمانلغک باربار ملتلر آراسنده زیاده سیله شایع اولان زنا و فجوری شدتله منع ایتمه سی، که وشک و مساعدده کار بر اخلاقیته دلالت ایتمز، عکسنه دلالت ایدر .

صمیمی بر مسلمانان، نه پیکور ۱ [دکدر . تقوی ایله مشبوع بر انساندر . قرآنی اوقویان بر انسان، اولک اخلاق خصوصند چوق دقتی، چوق قوتلی اولدیغنی تسلیم ایدر . اساساً بر دین و یا مذهبک مؤسسسی انسانلرک سفاهتی ترویج ایتمهکه دائمی بر موفقیت احراز ایدر مز . بناء علیه مسلمانلرک اخلاقه فرط رعایتلری اسلامیتک اسباب انتشارندن بری اولارق قبول اولونابیلر . مسلمانلغک عباداتی معلوم و معین اولدیغندن بونلری قبول و اجرا ایدنلر اونلری ایفا ایتمه نک استلزام ایتدیکی وظائف اخلاقیه یی طانیلر و یاپارلر . بوضورتله صیام فریضه سی، منتظم آبدستلر و نمازلرک ایفاسی، صدقه و زکاتلر اعطاسی، مسکراتدن اجتناب کی قرآن کریم طرفندن امر اولونان تعالیم، مسلمانلر آراسنده بر دستور تعامل وجوده کتیرمش، مسلمانلرک کتاب میینلرینه مستمراً رعایت ایتمه لریی تأمین ایتشد .

۱ [قبل المیلاد ۳۲ سنه سنده یاشایان فیلسوف (اپیکور) ذوق و الملک باشلیجه خیر و یا شلیجه شر اولدقلرینی سویلیه رک حقیقی مسعودیتک ذوق تحصیلنده اولدیغنی ایلری سورمش، بوندن طولانی حیاتده منحصر ذوق و سفاهتی استهداف ایدنلره (اپیکور) نه نسله « اپیکوریه ن » ده نیلمشدر . بالخاصه ملک، ایچمک، و شهوانی ذوقلره مبتلا اولانلر بو صفتله طانیلیرلر .

مسلمانلارک اجرای تجارت ایتدکلری یرلرده قرآن کریمی نشره
چالیشمالری انتشار اسلامی تأمین ایدن اسبابدن بری صایه لایلیلر .
چونکه شرقده اقامته کیدن مسلمانلر اوراده کی امرایه دینلرینی
اوکره تمشلردی، مالابار سا حلیله مالاقاده مسلمانلرک مساعد بر شکلده قبول
اولونمشلردی. تهرنت وتیدور حکمدار لر یله سائر شرقی امراسی، مسلمانلغی
قبول ایتدیله. موغوللارک، قندهار، قالمبهی، کجرات و سائر مملکتلره
حکمران اولدقلری زمان، مسلمانلغی نشره چالیشدقلری آکلاشیلیور .
پورتکیزلر هندستانه کیردکلری زمان، هندو خرافاتی راسنده،
دیانت اسلامیته نک تعالی ایتدکده اولدیغنی کورمشلردی. (قالیقوت) ده
اقامت ایدن اسکی (زامورین) یعنی حکمدارک، بو پورتکیزلرک
مواصلتدن آلتی یوز سنه مقدم مسلمانلری بویوک بر مهمانتوازلقله
قبول ایتدیکی، اونلره موقع اعتبار بخش ایتدیکی، نهایت مسلمان
اولدیغنی قبول اولونمقده در. بو امرانک صوکنجیسی اولان (ساراما
پایریمال) بر عرب کیمسیله (مکه) یه کیده رک صوک کونلرینی بیت اللهک
جوارنده کچبرمشدی.

حضرت محمدک مسامحه کارانه بر خط حرکت تعقیب ایتمه دیکنه دائر
سویله نهن سوزلر چوق مبالغه لیدره. فی الحقیقه بت پرستلره، یاخود بر دینه
سالک اولمایانلره قارشى دین اسلامک، یاخود قیلجک حکمنی قبول تکلیف
اولونمشدی. اهل کتابه ایسه جزیه اعطاسی تکلیف ایدلمکده
ایدی ۱۰] مع مافیه مسلمانلر مسامحه کارلق حدودینی نادراً تجاوز

۱] جزیه نک اعطاسی قبول اولوندقدن صوکر اهل حق سابقه لرینی
کاملان استرداد ایدیور، از جمله ایسته دکلری کبی دینلرینه رعایت ایلورلردی.
بر حکمدار جزیه اعطاسنی قبول ایتدکدن صوکره اراضیسنه صاحب اولویور،
آنحق جزیه ویره ن امرانک معامله سنه تابع بولنوردی. (تلفینستونک
هندستان تاریخی عنوانی اثرینه مراجعت)

ایتمشله، غیر مسلمانله ویردکلری سوزلری طوتمشله، اسلام فاتحلری،
روما ویزانس فاتحلرینه نسبتله غایت معتدل و غایت مسامحه کار
داورانمشلردر . محض حقیقت اولق اوزره شونی سویله یه بیلیرز که
شاید غرب امراسی، عربلرله تورکلرک موقعنده، یعنی شرقده حاکم
بولونسه لر، مسلمانلرک خریستیانلغه کوستردکلری مسامحه یی، مسلمانلره
صورت قطعیه ده کوسترمزلردی . چونکه غرب امراسی، کندی
دینلرینه منسوب اولدقلری حالده باشقه مذهبه سلوک ایده نلره اک
ظالمانه اعتسافاتی روا کورمشلردی . ۱]

(ژوریو) دیورکه : « مسلمانلرک خریستیانلره قارشى خط
حرکتی ایله پاپالغک حقیقی مؤمنلره روا کوردیکی اعتسافات هیچ
بر وجهله قابل قیاس ده کلدر . (وودوا) لر علمهنده کی حربده، یاخود
(سن بارتلی) قتل عاملرنده اوقادار قان دو کولدی که یالکیز بوقانلر
مسلمانلرک دو کدکلری خریستیان قانندن پک چوق فضله در .
مسلمانلغک ظالم بر دین اولدیغنه دائر بسله نن فکر متعصبانه دن انسانلری
قورتارمق کر کدر . بونلرک فیکرینه کوره کویا مسلمانلق، یاألوم ویا
خریستیانلغی ترک تهیدیدیه نشر اولونمشدر . بونک اصل واساسی یوقدر .
پاپالغک و حشت و یام یاملغه واران ظالم واعتسافنه نظراً مسلمانلرک
خط حرکتی اک حلیم واک متواضع حرکتدی . »

حضرت محمدک دینی، دیدکلری کی، روحانی ده کلسه، هیچ
اولمازسه تناقضدن آزاده، عملی بر دیندر . بو دیانت، خرافات
وشبهلر باطالقلغی اورته سنده یوکسلن بر تمثال نراهدیدی . حال بو که
خریستیانلق بو باطالقلغه دوشمش، اخلاقک یوزینی قیزارتاجق برحاله

۱] چانفیلد دیورکه : « عربلر، تورکلر، وسائر مسلمانلر خریستیانلره
قارشى، عربلی مللرک مسلمانلره قارشى تعقیب ایتدکلری خط حرکتک عینى
تعقیب ایتمش اواسه لر شرقده خریستیانلقدن اثر قالمالردی . »

کلیش ، اوقادارکه بوتون حیات تاریخیه لری انساننده مسلمانلر
خریستیانلغک متردی اولمایان بر مذهب ویا عقیده سیله ، ویا ، شایان
احترام بر شکلیله تماس ایتمه مشلردر .

حضرت موسایک منحصر آ بنی اسرائیلله کوندردلیکی پک آشکاردر .
اونک رسالتی ، باشقه برملته شامل دکلدی . بر اجنبینک ابنای یعقوب
جماعتنه التحاق ایتمه سی مشکلدی . انبیای بنی اسرائیلله عطف اولونان
کتابلره [۱] کوره بو انبیا بیلله یهودیلردن ماعداسنه تبلیغات اجرا
ایدوب ایتمه مک خصوصنده متردد ایدیلر . خریستیان مؤلفلرینک بیاننه
کوره خریستیانلق سرایه کیرد کدن صوکره انجیللرده کورولن صفوت
وساده لکنی خایلدن خایلی یه ضایع ایتدی . کبروخت ، قان دعوالری ،
حزبلر خریستیانلغک مرشدلرینی تارمار ایلشدی . هر طرفک محررلری
طرفندن صوکی کله یین بر حرب آچیلمشدی . (میلتون) دیرکه :
« (قسطنطین) نک دورندن چوق زمان مقدم خریستیانلرک هپسی ،
دیانت و تربیه لرینک صفوت اولیه سنی و تمامیتنک بر چوغنی ضایع ایتشلردی .
بالاخره (قسطنطین) کلیسای زنکینلشدیرنجه بونلر رتبه عشقنه ،
سطوت احرازینه مبتلا اولدیلر ، خریستیانلق ده تارمار اولدی . »

حال بوکه حضرت محمد آلتنجی عصر میلادیده ظهور ایدهرک
دینی تأسیس ایتش ، آسیا ، آفریقا و مصرده ، وحدانیت الهیه
معتقد اولان هر یرده بت پرستلیکی احما ایلهمش ، خلقک مفکره سی
اونک مادی ، معنوی فیضیه سیراب اولمشدی . اونک دیننه کیره نلر

[۱] رونان ، (حیات یسوع) نامنده کی اثرنده دیورکه : « اناجیل
اربعه ده هربری ، یا حواریونک تاریخنده یا خود انجیلک تاریخنده معلوم اولان
بر شخصیتک نامنی طاش بمقده در . فقط بو درت شخصیتک هربری انجیلک
محرری اولارق کوستریلیوب « متایه کوره ، لوقایه کوره ، مارقویه کوره
انجیل » ده نیلهرک بونلرک اصل محرر اولما دقلری کوستریلمشدر . »

وحی محمدینک قدسیته و دوغرو لگنه ایمان ایدیوردی. بصیرت صاحبی
بر مشرکک نظرندہ پیغمبرک سوزی، الهی و بشری ماهیتی ده حائر
کورولیوردی. زردشتک دیندن دها صاف، موسانک شریعتندن دها
حریتپرور اولان دیانت محمدیه، یدنجی عصر میلادیده انجیلک صفوتی
شائبه دار ایدن اسرار و خرافاندن متشکل عقیده دن فضله عقل ایله
قابل تألیفدر.

دیانت محمدیه نک حائر اولدینی قوته اک بویوک واک قناعتبخش
دلیل، اونک سائر ادیانک دوچار اولدینی بوتون نقائصه توارث
ایده جک، یعنی مخلوقی خالقک یرینه قویاجق درجدهده، اوزون بر
حیات سوردیکی حالدہ مسلمانلرک هدف عبادت و هدف محبتلرینی
حواس و مخیله بشریه نک سویه سنه ایندیرمه ملری، تعصب و خرافاندن
اوزاق قالمالری، الوهیت مفهوم عالینسی عادی بر صنم اقامه سیله تلویث
ایتمه ملریدر. «بر معبود حقیقی یهو اونک رسولی اولان محمد اینانیورم»
سوزی مسلمانلغک یکانه دستوریدر.

قرآن طرفندن تلقین اولونان آیاتک منحصراً قیلیجابه نشر ایدلدیکنه
ذاهب اولق مدھش بر خطاادر. چونکه تعصبندن آزاده اولانلرک
کافه سی تسلیم ایدرلرکه السهره انسان قانی دوکمک حرکته بدل،
عبادت و صدقه یی اقامه ایدن اسلامیت، انسانلره خیرخواهلق روحنی
نفخ ایتمش، فضائل اجتماعیه یی تقویه ایتمش، بوصورتله مدنیت اوزرینه
مهم بر تأثیر اجرا ایدرک بوتون شرق عالمی ایچون بر نعمت اولمش،
بناء علیه حضرت موسی طرفندن کفاری احما ایچون احتیاطسزجه
قولالانیلان قانلی سلاحلره محتاج اولمامشدر.

او حالده اعصار متعاقبه ده نوع بشرک افکار و عقائدی اوزرنده
صلاحکار بر تأثیر اجرا ایتک اوزره طرف حقندن کوندریلنلرک قوتلی

واسطه یی ، اك معندانہ تعصب و اك جاهلانہ تجاوز لرله قارشيلامق قدر باطل و كولونج بر حرکت تصور اولوناماز .

الحاصل بو مسئله ، ايستر بوديانتك خارق العاده ظهور و تعاليسي ، ايستر مؤسسي اولان شخص ويا بالذات كندى ماهيتى اعتباريله نظر دفته آليسين ، آنجق اك درين علاقهي اويانديرر . مسلمانلقه خريستيا - نلغك مزاياسنى مقايسه ايدنلر ايچنده ، مسلمانلغك يالكز خير و حكيما نه مقاصده خدمت ايتد كدن باشقه بويوك ايلكلره عامل اولديغنى قبول و تسليم ايتمينلر يك آزدر .

ایکنجی فصل

مسلمانلرک علم و عرفانه حرمتی - مسلمانلر ، بالخاصه اندلس مسلمانلری
فلسفه و فنونک ایلاک سائقلریدر - (موشیم) ک سوزلری - مسلمانلرک ترقیسی
یونانیلرله رومالیلرکیکنندندها سریعدی - علم و عرفانک بویوک حامیسی، بغدادک
بانیسی انی جعفر منصور - هارون الرشید - یونان و روما ادبیاتی احیا ایدن
عرب آثاری - اسپانیاده کی عبدالرحمنلر - حضرت عمر اسکندریه کتبخانه سنی
احراق ایتمه مشدر - آوروپانک مسلمانلره دین شکرانی - قار دینال (ا کریمین) ک
واندالنی - به قون فاجعه سی مسلمانلردن آلمشدر - مسلمانلرک بری و بحری
فتوحاتی - مقایسه لر - هندستانده اسلام خاندانی - اسلام و خریستیان حاکمیتنک
مقایسه سی - انکلیز حاکمیتنک تضییق آمرماهیقی - لورد قلايو، واره ن ههستیغس
و (میل) ک سوزلری - (اوده) مسئله سی - (دونداس) ک نطقی - رسمی
بر جواب - مسلمانلرک دوغروانی و ناموسکارانی - مسلمانلرک مسامحه کارانی
و خیرخواهانی - مسلمانلرک حیواناته قارشى انسانیت پرورلکاری.

کچن فصلده درمیان ایتدیگمز ملاحظانک دوغروانی ، آتیده کی
وقایع و مطالعات ایله دهآ آشکار بر حاله کله جکدر .

علم و عرفان دعواسنه عربلرک و مسلمانلرک حرمتدن دهآ درین
حرمت کوسترن هیچ بر ملت کله مش کبی در . بر عرب شاعری
دیرکه: « عالم بر آدم کورور کورمز همان اونک قارشیدسنده ا کیلیر
و خا کپایی اوپرم ! » پیغمبرک بر چوق احادیثی علم و عرفانه اکصمیمی
حرمتله مشبوعدر . « علمانک قوللانیدیغی مرکب ، شهدانک قانندن
افضلدر » ، « قلم و مرکب (یعنی اثر) بیرا قانلره جنت قاپولری آچیقدر » .
« دنیا دورت شیئه استناد ایدر: عالمرک علمی ، بویوکلرک عدلی ،
آیلرک عبادتی ، جسورلرک جسارتی ! » فقط مسلمانلرک مهم برحالی ،
مالی اهمیتسز برشی طانیملری ، اولک مقابله ده علمی اک کرانها شی

عد ائمه لریدر . حضرت محمد بو فیکری بوتون قوتیله ترویج ایتیش .
 حضرت علی ، جاهلله مال ، فقط ارباب علمه عرفان بخش ایدن مولانک
 لطف تقدیرینه عرض شکران ایله مشدی . فلسفه و فنونک ایلك محییلری ،
 اسکی ویکی ادبیات آراسنده کی ارباطک محافظلری آسیانک عباسیلر
 زمانده کی ، اندلسک امویلر دورنده کی مسلمانلر در . آوروپایه ، اساساً
 آسیان کلن ادبیات ، ایکنجی دفعه مسلمانلرک دهاسیله ، حیات بولمشدی .
 عربلر و مسلمانلر آراسنده فنون و صنایع آلتی یوز سنه لک بر تعالی
 حیاتی ، امرار ایتدیکی حالدده اوزمان بزم آرامزده اک قابا باربالق حکمران
 اولدقدن باشقا ادبیات اک سونوک حیاتی یاشایوردی .

(موشیم = Mocheim) دیر که :

« اک معتمد شاهدلرک اتفاق آرا ایله وقوع بولان بیاناتنه کوره اونجی
 عصر میلادیده غرب عالمنده حکمران اولان مدهش و شایان تلفف قارا -
 کلقدن دهادر برشی تصور اولوناماز . بو عصر فلسفه و عرفان نامنه ،
 هیچ اولمازسه لاتینلرک « دهمیر دوری » تسمیه اولونابایلر ... لاتینلرک
 فلسفه سی بر فندن ، یعنی منطق ویاجدلیاتدن ایلری کیتمه مش ؛ بو فن ،
 اولرک نظرنده بوتون حکمت بشریه نک محصله سی طاینمشدی . اوزمان اسلام
 فیلسوفلری اسپاتیا وایتالیاده متعدد مکتبلر تأسیس ایتیش ، ارباب عرفان
 بورالرده طویلانمش ، عرب فیلسوفلرینک تعالیم و سیسته ملرینی آلارق اوللری
 خریستیان مکتبلرینه ادخال ایله مشلردی . »

(موشیم) دهاصو کره دیور که : اونجی عصر دن اعتباراً آوروپا ده
 انتشار ایدن حکمت ، هیئت ، فلسفه و ریاضیاتک اسلام مکتبلرندن آلدیغی ،
 بالخاصه اندلس مسلمانلرینک آوروپا فلسفه سنک استادی اولدقلری محققدره .
 عصری آوروپا ایلك تخیلات شاعرانه سنی و ایلك ادبی
 حرکتی عربلره مدیوندر . عربلرک اقوام سائره یی فتح ائمه لرینک
 خیرکار تاثیرلرینی تدقیق ایتدیکمز تقدیرده بونلرک چوق کچمه دن
 کندیلرینه مخصوص بر لسان و بر ادبیات وجوده کتیردکلرینی ، بونی

مەتەقەب كەندىلەرنە تەقدەم ايدىن اقوامە نەسەتە شايان حەرت بىر صورەتدە سەرىع بىر تەرقى فەكرى يە مەظەر اولدۇقلىرىنى كۆرۈرۈز . يونان ادەبىياتى سەكەز عەصرلىق بىر زامانەدە وجود بولمىشى . روما ، بويۇك شەاعەرلەر و مەحرۇرلەر يەتەشەدىر مەكەلەچۇن بۇ قەدر عەصر كەچىرمىشى . جەنۇبى فرانسەدە روما خەكەيتەك تەأسەندەن بۇ قەدر عەصر كەچە كەندەن سو كەره او مەلت شايان افەتخار عەد ايدەلەجەك بىر ادەبىياتە صاحەب اولمىشى . خەل بۇ كە هەجەرت مەحمەدەن بۇزەللى سەنە كەچەدەن عەربلەر ادەبىياتە اعتبارەلە چوقە مەتەرقى بىر مەلت اولدۇقلىرى كەبى اسەكى فەلسەفە ، شەعو و صنایەكە مەحافظەلرى اولمىشلەردى . كەركە رومەلەر ، كەركە غۇطلەر ، اسپانىيە تەسەخىر اچۇن ايكە يۇز سەنە امتەداد ايدەن بىر زامان او غەراشەمىشلەردى . خەل بۇ كە مسلمانلەر بۇ شەبە حەزىرەنى يەكرەمى سەنەدە فەتەح ايتەمىشلەر ، (پەرمەنە) داغلىرىنى كەچەركە فرانسەكە قەلبەكەنە ايلەلەمىشلەردى . بۇنلەر كە علم و عرفان اعتبارەلە تەأثيرلەر ، سەلاحلىرىنەك تەأثيرەندەن داها آز ، دەها قوتەسەر دەكەلدى .

پەغمبەركە دامادى و خەلفەي راشەدىنەك دەرەنجەسى حەزەرت (علەي)، ادەبىياتى حەمەيە ايتەمىشى . مەعارىپەكە دورەندە عەربلەر ، يونانلىلەر كەلومەنى طوبەلادىلەر . دەها سو كەره عباسىلەر كە ايكەنجى خەلىفەسى (ابو جەعفر مەنصور) علم و عرفانى حەمەيە ايدەنلەر كە رەبەرى اولمىشى . مەتەدە عەسبانلەر و مەخاشەم ظەفرلەر اور تەأسەندە (ابو جەعفر مەنصور) صنایە نەفەسەنى تشوېقە وقتە بۇلۇيۇر ، پارا و یريۇر و ذوق صاحەبى اولدەغنى تەجەلى ايتەدیرەركە احتەشامەلە بى نظیر بىر مەركەز حەكۇمەت تەأسەیس ایدەيۇردى . (بەغداد) دە تەأسەیس اولۇنان بۇ مەركەز ، بىش يۇز سەنە اسلام ايمپراطورلەنەك مەقرە ادارەسى اولمىشى . مەنصور كە طورۇنى هارون الرشید جەسەرت و اقدامەلە يونانلىلەر كە كوزىنى يەلدىرمەش ، فەقط آوروپادە بالخاسە ،

عرفانه محبتیه ، علومى تشویق ایتمه سیاه ، صلاح و مسالمته خدمتیه
 احراز شهرت ایتشدی . هارون ، شارلمانك دوستی ایدی و اونكه
 مخبره ایتمكده ایدی . هارون ، مدقق ، حریتپرور ، باربار ملتله مفید
 اختراعات میخانیکیه یی کوندردن بر ذاتدی . فقط عربلرك حائز
 اولدقلری شهرت ادبیه لك تملنی آتاندات ، هارونك اوغلی (المأمون) دی [۱۰]
 اونك سراینه ، ال یازیسیاه محمول یوزلرجه دونهك متادیاً اثر نقل
 ایتدیکی کورولور . سیویلدن اصفهان قدر بوتون آثار ادبیه سرعتله
 انتشار ایدیوردی . بغداد ، کوفه ، بصره ، قاهره ، فاس ، مراکش ،
 قرطبه ، غرناطه ، بلنسه ، سهویل ، آقاده میلرك و منبرلرك بلاغتنی

[۱] مأمونك دورنده عربجهیه اوزمانکی مدنیتك بوتون محصولات ادبیه
 و علمیه سی نقل اولونمشدی . نقل اولونان اثرلر یالکز یونانجه دن نقل اولو-
 نماشدر . یونانجه دن باشقا ، فارسیدن ، هندیدن ، قبطیدن ، عبرانیدن ،
 لاتینجه دن ، نبطیدن ، بر چوق اثرلر ترجمه اولونمشدی . یونانجه دن ترجمه
 اولونان اثرلر آراسنده افلاطونك اثرلری ده وارد . افلاطونك (سیاست)
 اثری حنین بن اسحاق ، (مناسبات) کتابی یحیی بن عدی ، (نوامیس)
 اثری حنین ویحی ، (طیماوس) اثری ابن البطریق طرفندن نقل اولوندینی
 کبی دیگر اثرلرده باشقالری طرفندن نقل اولونمشدی . (ارسطو) نك
 اثرلری ده مختلف مترجملر طرفندن عربجهیه ترجمه ایدیشدر . ابقراطك ،
 جالینوسك طبی اثرلری ، (اقلیدس) ك ریاضی اثرلری ، آرشمیدك اثرلری ،
 (منالاوس) ك اثرلری ، بطلمیوسك اثری (ذیوفتس) ك ، (ابرخس) ك
 اثرلری ودها بر چوق ذواتك اثرلری نقل اولونمشدر . فارسیدن بر چوق
 شعر و ادبیات اثرلری ابله نجومه عائد اثرلر ؛ سانسکریتدن ، طب ، نجوم ،
 ریاضیات ، حساب و تاریخه عائداثرلر ؛ نبطیلرك لسانندن زراعته عائد باشلیجه
 اثرلرایله دیگر بر چوق اثرلری نقل ایتشلر ، عبرانیدن توراتی ترجمه ، لاتینجه دن
 وسائر لسانلردن بر چوق اثرلر نقل ایتشلردر . بو ترجمه حرکتیه برلکده
 چوق قوتلی بر تألیف حرکتی واردی . بونلر یان یانه کتیریلیرسه او دورك
 علم و عرفان اعتباریله ده احتشامی کوز اوکنه کتیریله بیلیر .

چوقدن بری طویمشدی . فلسفه ، باخا صہ مسلمانلارک معلم اول
طانی دقلری آرسطونک فلسفہ سی ، غربہ دوغرو سرعتلہ ایلریلہ یوردی .
فنون تدریس اولونیور ، یونانستان وروما ادبیاتی عربلرک آثارندہ
یکیدن جانلایوردی . عرب مکتبلرینک طقوزنجی عصر دن اون
دردنجی عصرہ قادار صاحب دینی پارلاق ایشیقلر بو مہیتدہ ایدی .

مسلمانلر آراسندہ علم و عرفانک حمایہ سیلہ معروف سائر ذوات ،
اندلسک (عبدالرحمن) لریدرکہ اندلسدہ امویہ خاندانی تأسیس
ایدن ذاتک اخلافیدر . بونلرک ، اک بویوکی اوچنجیسی اولمق
اوزرہ ، اوچی عینی نام ایلہ طانیلیوردی . اوچنجی عبدالرحمنک
دورندہ داخلی اختلافلر ، اک شایان تلہف حالی آلمشدی . بوکا
رغمأ عبدالرحمن علم و عرفانی حمایہ یہ وقت بولمشدی . مشارالہک
اونجی عصرہ تصادف و الی سہنہ امتداد ایدن دور حاکمیتی
آوروپانک اک مدہش جہالتہ باطدینی بر زماندی . فقط بو دوردہ
جوق مترقی اولان اندلس ، آوروپانک ظلمت آباد اولان دماغنہ بر
حزمہ نور ایشار ایتدی . بغداد ، بخارا ، بصرہ مکتبلری ، شہرتلرینہ
رغمأ آوروپالیرک مراقفی تحریک ایدہ میہجک درجہ دہ اوزاقدیلر .
عالیجناب بر حامی یہ تابع اولان اندلسدہ مدرسہ لرینک قاپولرینی
آوروپالیرہ آچامش اولسہیدی ، اسلام عرفانی ، پک ضعیف بر
صورتدہ حس ایدیلر ، یاخود کاملاً ضایع اولوردی . عبدالرحمن
صنایع نفیدنک یکانہ بر حامی سیدی . سرائلرینک احتشامی ، باغچہ لرینک
کوزہ لاککی ، کوشکلرینک معماریسی اعتباریلہ عبدالرحمن شرقی
رقیبلرینہ فائق دہ کلسہ دہ اونارلہ ہمعیاردی . (قرطبہ) دن اوچ
میل مسافہ دہ اولان « زہرا » قصری و شہری یکر می بش سہنہ لک
سعیک محصولی ایدی . بوسرایہ آلتی میلیون آلتون صرف اولونمشدی .

عبدالرحمنك سراينده آلتى بيك كيشى ياشار . آوه چيقدىنى زمان
 كندىسنه اون ايكي بيك سواريدن متشكل بر اردو رفاقت ايدردى .
 بوراده براستطراد ايله حضرت عمره اسناد اولونان اسكندريه كتبخانه سنى
 احراق بهتانى موضوع بحث ايتك ايسترز . بو افترايه كوره حضرت عمر
 ۶۴۱ سنه سنده (عمرو بن العاص) ه اسكندريه كتبخانه سىك جلدلىنى
 احراق ايتمه سنى ، بو كتبخانه نك قيمتلى جلدلىنى حمام كاخانلىرىنه آتاسنى اصر
 ايله مش ! بو ، بالاخره اويدورولمش بر افترادر . چونكه بطمبوسلرك
 كتبخانه سى دوت يوز ، ياخود يدى يوز بيك جلديله (ژول سهزار) ك بر
 سفرى ائناسنده ياقيلدىنى معلومدر . مورخلرك يكدىكرىنى متعاقب نقل ايدنه
 كلدكارى بو بهتانك اصل واساسدن كاملاً عارى اولدىنى ، مسلمانلرك حق
 فتح ايله الله ايتدكارى موسوى وخرىستيان كتب دينيه سنى محافظه ايتلىرى ،
 بونلرى صورت قطبيه ده تخريب ايتمه ملرى ؛ فن ، تاريخ ، شعر ، فلسفه وسائر
 موضوعلره عائد آثارى محافظه ايدرك بونلردن استفاده ايتمه لريله ثابتدر .
 بوندن باشقه حضرت عمر ك اسكندريه كتبخانه سنى احراق ايتدىكى روايتنى
 درميان ايدن (ابوالفرج) بو موهموم وقعه دن آلتى يوز سنه صوكره
 ياشامشدر . حال بوكه داها اول كلن خرىستيان ومصرلى مورخلر بو مسئله نى
 مسكوت كچمشلردر . اسكندريه كتبخانه لرى حقنده واقفانه بر اثر نشر ايدن
 (سن قرووا) بو افترانك بر خرافه اولدىنى ؛ چونكه اسكندريه ده كى كاسكى
 واك مهم كتبخانه لرك دردنجى عصر ميلاددن فضله ياشامادىنى بيان ايتمكدهر .
 عصرى مورخلرك بو افسانه نى تكرار ايتمكده اولمالرى شايان خيرتدر .
 چونكه (كيون) ، حادثه نك غير محتمل اولدىنى ، حادثه نك زمان وقوعنده
 ياشايان خرىستيان ويا مسلمانلردن بر كيمسه نك اونى يادا ايتمه ديكنى سويله دكدن
 صوكره « شايد اريوس طرفدارلريله مونوفىستلر آراسنده وقوع بولان جدالره عائد
 اثرلر ، عمومى جماملرك كاخانلرنده احراق اولونمش ايسه ، بو حادثه نك قارشى سنده
 برفيلسوف تبسم ايدرك ، بو واقعه نك نفع بشره خادم اولدىنى سويلر . ديور .
 مع مافيه عربلرك اسكندريه كتبخانه سنى ياقدقلىنى دوغرو فرض ايدم ،
 عربلر طرفندن تاريخ ، طب ، زراعت وسائر علومه دائر يازيلان اثرلرى
 (قرآن) نسخه لريدر ديه احراق ايدن قاردينال (اكزيمن) ك حر كتندن
 تنفر ايتمه نلر ، ياخود ياز سرايى تخريب وچين ايمپراطورلر نك آثار قديمه سنى
 ومكتوباتى وسائر هبى اعما ايدنلر ناصل اولويورده بوبله بر حر كتى بر تهمت
 اولارق ايلرى سوريورلر ؟ ..

صده کله لم . آوروپا بو کون بيله مسلمانلره مديوندر . اهل صليب
 محاربه لری اناسنده وقوع بولان جدالريوزندن دره بکک کبی مدهش
 بر سيسته می الغا ايتديکمزى ، آريستوقراتلغک استبدادلرينى تخريب
 ايدهرک اونک انقاضى اوزرنده حريتمزى تأسيس ايلديکمزى اوزون
 اوزادى يه موضوع بحث ايتبه لم ، فقط آوروپايه شونى خاطر لایتمق
 لازمدرکه ، اسکی ، يکی ادبياتی بربرينه ربط ایدن انسانلر اولمق ،
 غربده جهالت و قارا کلک حکمران ايکن فيلسوفلرينه عائد اثرلرک
 محافظى بولونمق ، علمک الک مهم شعبه لرينى ، فنون ، رياضيات ، طب
 وسايره ي انکشاف ايتديرمک اعتباريله آوروپا مسلمانلره مديوندر .
 اسپانيا ، قاسينو ، ساله رنوم ، او دورک منابع عرفانى ایدی . ابن
 سینا ، ابن رشد ، ابن بيطار و سائر ذواتک آثارى ، باربارلقدن
 قورتولانلرک تدقيققانه ، نشاط و استقامت بخش ايتمشدر . مسلمانلرک
 جغرافيايه صراقلرى اونلرى کشفلرده بولونمغه ، آفريقانک چولدن
 عبارت اولان ساحه لرند بيله مملکتلر قورمغه سوق ايتمشدر . مسلمانلق ،
 يالکيز اک پارلاق دورلرنده ده کل ، ايلک زمان ظهورنده بيله ، ادبياته
 مظاهرت ايتمشدر . حضرت محمد « شان و شرف ، ثروته ده کل ،
 عرفانده در » مالنده سوزلر سويله مش ، آرقاداشلرينى دنيانک اک
 اوچرا گوشه لرند علم و عرفانى تحرى يه سوق ايتمشدى .

اسلام دولتلرى عصرلرجه الک مقتدر ذوات طرفندن اداره اولونمش ،
 اختلافات دينيه عادتا اونوتولمشدى . مأمون شام مدرسه سنه بر خريستيان
 تعيين ايتديکى زمان وقوع بولان اعتراضه جواباً شوسوزلرى سويلمشدى :
 « بن بو آدمى دين ايشلرنده رهبرم اولمق اوزره ده کل ، فن معلمى
 اولمق اوزره تعيين ايدييورم . »

اندلسده اسلام دولتنک سقوطيله فروسيتهک (شواليه لکک) وقهر مانلغک

صوك بقیه سی یقیلایغندن دولای کیم ماتم طوتمه مشدر؟ دشمنلرینک مورخلری بیله سکر عصرلق حاکمیتی اثناسنده بر تک ظلمنی قید ایتدکلری او عالیجناب ویوکسک ملتک حضورنده هانکی کوکس افتخار ایله قبار مامشدر؟! خریستیان پاپاسلغنک انسانلق او کړندکلری، حمایه کوردکلری انسانلره شیطانی بر ظلم و تعصبله معامله ایتهلرندن، (اکزیمین) کبی سیاسی متعصبلرک یدی عصرلق مساعینک محصولی اولان فلسفی، ریاضی، ادبی آثاری احراق ایتهلرندن هانکی یوزقیزار مامشدر؟

۱۲۱۴ده تولد ایدن والسنة شرقیه یی او کره نن (فرایار بهتون) ک اثرلرندن عرب مؤلفلریله واسع بر صورتده آشنا اولویورز، (فرایار بهتون)، (ثابت بن قره، کندی، ابوالفرج) دن اقتباساتده بولونمقده، اونک عرب آثاری قدر یونان ولاتین قلاسیکلرینه آشنا اولدیغی، بالخاصه «فلسفه نک رئیس و امیری» صفتلریله یادایتدیکی (ابن سینا) یی ای طانیدیغی آکلاشیلیمقده در. بویوک لورد (بهقون) ک مشهور فلسفه تجربیه سنک ایلاک پره نسیپلرینی سلفی و آداشی (روجر بهقون) دن آلدیغی، هر کسجه معلومدر. بو حقیقت، (بهقون) فلسفه سیسته منک مسلمانلردن آلیندیغنی غیر قابل مناقشه بر صورتده ایضاح ایدیور.

مسلمانلرک فتوحات عسکریه سنه کلنجه، بونلرک تاریخلک شرفلی فتوحاتی اولدیغنده شبهه یوقدر. جبل طارقدن هندستانه قدر امتداد ایدن اسلام دولتلندن دها حیرت آمیز بر دولت وارمیدر.. بر طرفدن تورکلره، دیگر طرفدن تاتارلره بائیکز و مسلمانلغک عظمت و احتشامنی ناصل محافظه ایتدیکنی کوریکز!.. خریستیان فاتحلری آراسنده، قابلسه، صلاح الدینلر، تیمورلنکلر، مرادلر، بایزیدلر، فاتحلر و سلیمانلرله قابل قیاس بر قاچ آدام بولیکز! مسلمانلر، خریستیانلری پیره نه داغلرینک آرقاسنه آتمادیلرمی؟

ایتالیاه هجوم ایدرک فرانسهک قلبکاهنه وارمادیلمی ؟ تورکلر
فتوحاتارینی آلمانیاک حدودینه ، وەندیک کورفزینه قادار تمید
ایتمه دیلمی ؟ خریستان دولترینک اتفاقلری ، اهل صلیبلیری ،
غربدن شرقه آقان ، فقط معظم و مدەش اسلام قیاسنه چارپیانجه
قیریلان ، پارچالایان بر دالغا کی ده کلی ؟

دها شایان حیرت بر شی بو خارق العاده انسانلارک موفقیات
بحریه سیدر . حضرت محمدک زماننده عربلرک اک چوق قورقدینی شی ،
ده کیزدی . بر اسلام اولکە سیله دیکر بر اولکە آراسنده ده کیز
وارسه فریضه حجی ایفا ایدەمەک ایچون قطعی بر معذرت تشکیل
ایدردی . فقط بر نسل صوکران مسلمانلارک دونانمالری آق ده کیزده
مظفرانه جولان ایدیور ، کرید ، آطەر ده کیزی فتح اولونیور ،
سجیلیا ، شمالی آفریقا مسلمانلارک آلنه دوشویور ، قورسیقه ، سار
دوניה آدالری ده اونلره کچوردی .

مسلمانلار آق دیزده اوزون بر زمان فائقیت بحریه لرینی محافظه
ایتمشلر ، بونلردن هم حرباً ، هم تجارة استفاده ایتمشلر ، بوراده
بویوک کمیلر بولوندیرمشلردر . ۹۷۰ سنه سنده اندلس حکمداری
عبدالرحمن ، بو حوالینک هر طرفنده کوریلان کمیلردن دها بویوک
بر کمی انشا ایتدیرمش ، بو کمی یی شرقده صاتیلمق اوزره صاییسز
اشیا ایله طولدیرتمشدی . بو کمی حرکت ایتدکدن صوکره سجیلیا
امیری طرفندن (المعز لدین الله) کوندریلن بر کمی یی یاقالایارق
طاشیدیغی اشیایی آلمش ، (المعز) بو حادثه دن خبرار اولونجه بر
دونانما انشا ایدرک چوق قیمتی اشیا ایله عودت ایتمکده اولان
عبدالرحمنک کمیسنی الدهه ایتمشدی .

عربلرک بویوک کمیلر انشا ایتدکلرینه دائر چوق معلومات واردر .

ایکینچی (فیلیپ) كے دورندہ « غیر قابل تسخیر آرمادا » کلمہ لریاہ
توصیف اولونان اسپانیول کملرینك عرب کملرینی تقلیداً پالمش
اولدینی قوتلہ محتملدر . بو کملر انکلیز کملرندن دھا بویوکدی .
هندستان تاریخنہ دائر یازی یازان محررلر قدر اسلامیت حقندہ
مغایر انصاف بر صورتدہ ادارہ کلام ایدن کیسہ یوقدر . بونلر ،
اون دردنجی عصرک موغول ایمپراطورلرینی اون طقوزنجی عصرده
ایلریاہین انکلیز ادارہ سیلہ مقایسہ ایدیورلر . حال بوک بونلر حق
و حقیقت دائرہ سندنہ حرکت ایتک ایستہ یورلرسہ مسلمانلرک هندستان
فتحی ایلہ نورمانلرک انکلیزہ یی فتح ایتہلرینی مقایسہ ایتہلری ایجاب
ایدر . یعنی اسلام حکمدارلریلہ معاصرلری اولان غرب حکمدارلری
مسلمانلرک هندستانده وقوع بولان محاربہ لریلہ بزم فرانسدہ وقوع
بولان حربلرمز ، اسلام فتحنك هندولر اوزرندہ اجرا ایتدیکی تاثیر
ایلہ نورمان فتحنك آنغولساقسانلر اوزرندہ اجرا ایتدیکی تاثیر مقایسہ
اولونمالیدر . او صیرادہ بر آدامہ « انکلیز » دیمک بویوک حقارتدی .
توزیع عدالتہ مأمور اولان انسانلر ہر ظلمی ارتکاب ایدیورلردی .
وظیفہ لری حقہ رعایت اولان حاکملر ، اک انصافسز خیرسینزلردی .
اعاظمک یکانہ دوشونجہ سی پارا طوپلامق و بو مقصدی تأمین ایچون
ہر جرمی ارتکاب ایتکدی . او زمان فحش و فجور او درجہ
شایعدی کہ اسقوچیا قرالیچہ سی تعرضدن قورتولمق ایچون بر لباس
دینی کیمکہ مجبور اولمشدی .

۱ [قلاق = Glark اہل صلیب محاربہ لرندن بحث ایدرکن دیورکہ :
« ہرہانکی بر زماندہ و ہرہانکی یرمات ایچندہ ہیچ بر اوردو اہل صلیب
اردولری قدر فسق و فجورہ دالماشدر . اصل صلیب محاربہ لری خلغک خرافاتپرورلک نہ
ابدی بردامغاوومشدر . اہل صلیب تعصبک ائمہ دشمن تجاوزاتی ارتکاب ایتمش ،
بونلر دعا و عبادت یرینہ انسان قانی دوکملکہ کناہلرندن قورتولمق ایستہ مشلردی »

کویا هندستان دہ کی اسلام خاندانلرینک تاریخی، معاصر خریستیانلرک تاریخنہ مثلنہ تصادف اولونما یا جق ظالم و شدت مثاللریلہ دولو ایتش ! حال بوکہ ایلک اهل صلیب زمانندہ (غود فرہی دوبویون) ک قومانداسی آلتندہ حرکت ایدن عسکرلر، قدسده کی (۴۰,۰۰۰) کیشیدن متشکل قوت عسکریہ یی بلا تفریق قلیچدن کچیرمش؛ سلاحلر، جسورلری؛ تسلیمیت، قورقارلری قورتارامامش؛ یاشه، جنسه ذره قدر رعایت اولونمامش، چوجوقلر، آنه لرینک قارتی ده شهن سلاحلرله احما اولونمشلردی۔ قدسک جاده لری انسان جسدلرندن متشکل ییغینلرله دولمش، هر مسکندن قویان اضطراب ویأس چیغلقلری آفاق ایکه تمشدی۔ فقط مصر و سوریه سلطانی (صلاح الدین) ایکنجی اهل صلیب زمانندہ قدسی استرداد ایتدیکی زمان قدسک تسلیمیتنی متعاقب هیچ برجان تلف اولمامشدی۔ سلطان صلاح الدین خریستیان اسیرلرینه هر درلو رقت و نزاکتی کوسترمش، اسیرلرک ایچنده فقیر اولانلری، بلامقابل، سربست بیراقمشدی۔ بوبویوک آدامک نامی و اخلاقی قارشیسندہ فرانسز فیلیپ وانکلیر ریشاردک بوتون دعوالری سرنکون اولمقده در۔ برذوق ادبی یی حائر اولدقن باشقه صاحب عرفان برآدام اولان صلاح الدین، دورفتو حاتندہ هر یرده صنایع نفیسه یی حمایه ایتشدر۔ بر زاهد قدر متقی اولان صلاح الدینک باشقه لرینه لطف و انعامک پایانی یوقدی۔ عفو و صفح کبی نیجه نیجه فضائل اولک شخصنده مفکوروی برکال احراز ایتش، او یله بر سجیه ایلہ تمایز ایتمشدی که رقیبلری او نی تقلید ایتسه لرک بویوک اییلکی یامش اولورلردی۔ «سلطان صلاح الدینک فوق العاده جسارت، کیاست، علو جناب صاحبی بر انسان اولدیغندہ شک و شبهه یوقدر۔ شامده کی متارکبی متعاقب صلاح الدین ارتحال ایتش؛ مسلمان، یهودی، خریستیان فرقی کوزه دیلمکسزین

داغیلمق اوزره صدقہلر بیراقشدی. «شیمدی فرقه باقیکنز. خریستیان قهرمانی برنجی ریشارد، عظمت واحتشامنی، ظالمانه وسائطه تبعه سندن طوبلادیغی مدھش مبلغره، مدیوندی. اونک خستی غیرقابل تطمیندی. قید و شرطدن معرا شهوتپرستکی یوزندن ناوار قرالی (سانشو) نك قیزی اولان زوجہ سی (به رینغاریا) پی اهان ایتدکن باشقه، سویله مکدن اجتناب ایده جکمز کناھلرده ایشله مشدی. نهایت زوالی بر راحب، ریشاردک منفور جرمی، کندی سراینک ایچنده یوزینه وورمش، اوکا قوم لوطک عاقبتی دوشونمه سنی اخطار ایله مشدی. ۱۰]

اسلام خاندانک اکثریسی ایسه خارق العاده سنجیه بی حائر انسانلردی. محمود غزنوینک فعالیت و موفقیتلری، علم و عرفانی حمایه سی، کون کبی آشکار برشیدی. محمود، ارباب فضل و فضیله او قدر حرمت کوسترمشدی که پایتختی ارباب دهانک جمعی اولمشدی. باشقا بر آسیا حکمداری بو قدر فاضل انسانلری بر آرایه کتیره مه مشدی. گرچه محمود ادخار ثروته مائل ایدی؛ فقط او، ثروتی حسن استعمال اتمه بی ده بیلن بر انساندی. محمودی تعقیب ایدن دوت خلفی ده علم و ادبیاتک حامیلری ایدیلر. خلق طرفندن عادل حکمدار اولارق طاینمشلردی. عجبا عینی سوزلر بونلره معاصر اولان نورمانلی ویلیام ایله ذریتی حقنده سویلنه بیلیرمی؟

اون ایکنجی عصرده فرانسه نك یدنجی (لوئی) سی (ویتی) شهرینه حاکم اولدیغی زمان شهرک یاقیلما سنی امر ایتش، بالنتیجه (۱۳۰۰) انسان، بوغیر انسانی أمرک قربانی اولمش و آلهولر ایچنده کول اولمشدی. او زمان انکلتزده قرال (استهفن) حکمراندی.

داخلی محاربہ لڑ او قدر کسب شدت ایتشدی کہ اراضی اکیلیمه مش ، آلات زراعیہ یا تخریب اولونمش و یا خود بر طرفه آتیلیمشدی . اون دردنجی عصرده فرانسه ایله وقوع بولان محاربہ لریمز او قدر فحیص و او قدر تخریبکار بر ماهیتده ایدی که بشریت هیچ بر زمان بویله شی کورمه مشدی . کویا اسلام حکمدارلرینک ظلمی اونلرک خیرخواه لغلندن دها قوتلی ایش ! بزم المزدہ بو مسلمان حکمدارلرہ معاصر اولان خریستیان حکمدارلرینک اعتسافاتنه دائر مبذول وثائق وار ، فقط خیر خواهلرینه دائر المزدہ برشی وارمی ؟

اوچنجی فیروز شاه ۱۲۵۱ ده جلوس ایتمش ، نهرلر اوزرنده الی سد ، قرق جامع ، اوتوز مدرسه ، یوز کروانسرای ، یوز خسته خاہ ، یوز حمام ، یوز الی کوپرو انشاسیله تمایز ایتمش ، بوندن باشقه بر چوق مبانی دها وجوده کتیرمش ، از جمله جنبه شهرینی (هانس) و (هيسا) ایله ربط ایدن بر قانال قازدیرمشدی .

موغول خانداننک برنجی حکمداری اولان (بابر) هندستانه حاکم اولانلرک اک اصیل سیالرندن بری ایدی . کندیسسی ساده ، فقط پک وقور بر ذاتدی . کنجلیکنی بعض قصورلر ایله شائبه دار ایدن بابر شاه بالاخره صفوت اخلاقیه سیله کسب شهرت ایتمش ، نفسنک بوتون تمایلاتی یکمش ، عفت و نزاهتیه بنام اولمشدی . بابر ، اطاعتکار بر اولاددی . شفیق بر پدر و برادر ، عالیجناب بر دوست ، رحیم بر دشمندی . چوق محشم بر آدم اولان (بابر) عینی زمانده چوق متواضعدی . مسرف دکلدی . هنروردی ، جسوردی ، صریحدی ، آچیق فکرلی و آچیق الی ایدی . انتریقه پی سه و مزدی ، ذوقی یوکسکدی . دماغی منوردی . معلوماتی واسعدی . ایچنده طوغدینی و بویودیکی شرائط نظر دفته آلیرسه (بابر) ک حیاتی « اورمانلری اروا ایدن

فقط ارضك كولاكه لريله قاراردينغي حالدہ سمانك صفوتی عكس ايتديرهن
برحياتدی »

بارك اوغلی هايون ، شدتلی حرصلردن آزاده ، لکه لنه مش بر
سجیه یی حائز دی . کندیسى برافغان امیری اولان شیرشاه طرفندن
مملکتندن چیقاریلش وتختی اونك ید اشغالنه کچمشدی . شیرشاه بش
سنه حکمران اولدندن صوکره تاجی اوغلی عادل شاهه بیراقش ؛
(هايون) ایسه آنجق اون آلتی سنه امتداد ایدن بر دور اغترایدن
صوکره حقوقی استرداد ایده بیلمشدی . غاصب شیرشاه ، یوکسک بر
اقتدار وشوکتی حائز بر ذاتدی . قیصه دورینك قسم اعظمی حرب
صحنه لرنده کچیرمش اولماسنه رغماً مملکتی اک مکمل انتظامه مظهر
قیامش ، حکومتنده برچوق تجددات باشارایلمشدی . (شیرشاه)
بنغالدن باشلایان و سندده روتاسده ختام بولان دوت آیلق بر یول
آچش ؛ بونك هر مرحله سندده کروانسرایلر وجوده کتیرمش ، قویولر
قازدیرمش ، یول اوزرنده کی جامعلره اماملر و مؤذنلر ، هندولرله مسلمانلرک
خدمتی درعهده ایده جک خدمتجیلر تعیین ایتمشدی . یولجیلرک کولاکه ده
یورومسنى تأمین ایچون یولک ایکی طرفنه آغاچلر دیکلمش ، یولک
انشاسندن ۸۲ سنه صوکره سیاحلر بووضعیتی کورمشلردی .

اکبر شاه کی سراینده و مجلسنده بویوک ، حرب صحنه سندده
بویوک ، علمیه مشهور ، مساحه کارلغیه ، حریتپرولکیله ، جسارتیه ،
عفو و صفحیه ، هنریله ، سطوتیه معروف بر ذاتک سجیه سی
هر ایضاحدن مستغنیدر . فقط حکومتلری بشریت ایچون بر نعمت
اولان اک یوکسک امرایچنده اکبر شاه سیاست داخلیه سی ایله تمایز
ایندر . اکبر شاه کیفی محاکمه لری منع ایتمش ، قیزلرک سن رشده
بالغ اولمادن ازدواجلرینه مانع اولمش ، هندولرک احکام دینییه سنه رغماً

دوللرک ازدواجنه مساعدہ ایتمش؛ هندو دوللرک، آرزولری خلافتندہ
احراق اولونمالرینہ جواز ویرمه مش، مسلمانلری استخدام ایتدیکی
درجه ده هندو تبعه سنی استخدام ایتمش، غیر مسلملرک ویردکلری
جزیه لری الغایتمش، حجاجک ویردکلری ویرکولری قالدیرمش، حربدن
اسیر آلینان انسانلرک کوله معاملہ سی کورمه لرینہ قارشی کلشدی.
بودن باشقه اکبر شاه، شیر شاهک باشلادیفی مالی اصلاحاتی اکیال
ایدرک ممالکت داخلندہ کی اراضی نی یکیدن اولچدیرمش، اراضینک
محصولاتی تثبیت ایتدیرمش، حکومتہ ویریلہ جک حصہ نی تعیین ایتمش،
زراعی حکومت حصہ سنی عیناً ویا نقداً اعطا خصوصندہ سربست
بیراقش، حکومتک آلدینی بر جوق آغیر ویرکیلری قالدیرمش.
بوتدابیرک نتیجه سی، خلقت رفاهیدی. اکبرشاهک تحصیلدارلرینہ
اصدار ایتدیکی امرنامہ لر اخلافہ انتقال ایتشدیر. بونلردن آکلایورزک
اکبر شاه تبعه سنک سلامت ورفاهنی، اداره سنک حریت پرورانه بر صورتہ
تطبیقی آرزو ایدردی. اکبر شاهک عدلیہ مأمورلرینہ ویردیکی تعالیمات
چوق رحیمانه وعادلانه ایدی. اونلرہ اعدام جزالرینی اعطادن ممکن
مرتبہ استنکاف ایتہ لرینی، تہلکلی فتنہ وفسادلر مستثنا اولق اوزرہ،
حکمدارک تصویبی اولقسزین اعدام جزاسنی انفاذ ایتہ لرینی توصیه
وامرایدیوردی. اکبر شاه اردوسنی یکیدن تنظیم ایتمش، اردونک
واردادن بر قسمی تحصیل ایتہ سی برینہ استحقاقنی خزینہ دن استیفا
ایتہ سنی تأمین ایتشدی. محکیمات وسائر مبانی نافعہ دن باشقه، اکبر
شاه بر جوق محتشم مؤسسہ لر وجودہ کتیرمش، بونلر پسقپوس (ہیبر)ک
سیاحتنامہ سندہ اک ستایشکارانه سوزلرلہ یاد اولونمشدر. اکبر شاه
ادارہ نک ہر شعبہ سنہ انتظام واصل ادخال ایتمش، بوتون انشا آتندہ
احتشام وانتظامی تجلی ایتدیرمشدر.

مشهور ایتالیان سیاحی (پیه ترودل واله) اکبر شاهک اوغلی
 (جهانگیر) ک دور حاکمیتند هندستانی زیارت ایدرک ۱۶۲۳ ده
 سیاحتنامه سنی یازمش، جهانگیرک سجیه سی ایله هندستان خلقنک طرز
 حیاتی ایضاح ایتش، هندستان خلقنک یالکز رفاه و یالکز عظمت
 ایچنده دکل، امنیت تامه ایچنده ده یاشادیغنی کورمش، حکمدارک
 ساخته تهمترلله خلقی تضیق ایتدیکنی، بالعکس خلقی رفاه، ثروت
 وسامان ایچنده کورمکدن محفوظ اولدیغنی یازمشدر. فقط اکبرک
 طورونی (شاه جهان) ک دوری هندستانک اک مسعود دوریدر.
 شاه جهانک بوتون مملکتی حضور واطمینان ایله حسن اداره ایچنده
 یاشایوردی. سیر (توماس روو) ۱۶۱۵ ده شاه جهانی اوتاغنده
 زیارت ایتدیکی زمان کوردیکی احتشامدن کوزلری قاماشمش، ایکی
 دنوم اراضینک ایک والتوندن دوقونمش خالیر واورتولر ایچنده
 بولوندیغنی، بونلرک آلتون و مجوهرلرله سوسلو اولدیغنی کورمشدر.
 فقط (تاوهرینه ر) دیورکه: طاووس تختی پادیران، جلوس کونلرنده
 کندی آغیرلغنججه آلتون و مجوهرلر داغیدان حکمدار، تبعه سینه
 بر قرال کی ده کل، بر عائله بابایی کی حاکمدی. شان جهان اداره
 داخلیه سنده ذره قدر تسیب کوسترمزدی. هندستانده هیچ بر حکمدار
 تبعه سی حقنده اونک کوستردیکی دقت واهتمامی اظهار ایدمه مشدر.
 بو معظم سلطانک دورنده، (دلهی) نک مشهور قانالی، معمار
 (علی مراد خان) ک نظارتی آلتنده انشا اولوندی. خلقک احتیاجاتی
 سنه لرجه تدقیق اولوندقن صوکره بو محتشم قانال دلهی شهرینک
 ثروت و ذوقیله متناسب بر صورتده وجوده کتیریلشدی. قانالاک
 اصل یاتاغندن بیک مجری آقیور، و دلهی شهرینک هر طرفنه مرمر
 فسقیه لر، حمامار، شادروانلر کی مختلف شکلرده آقیور، الکفیر صنفلرک

اولرینه قدر واریور ، هپسک صوسزلغنی تطمین ، هپسک نظافت
دائرہ سندہ یاشاماسنی تأمین ایدیوردی .

مسلمانلرک هندستان خلقندن انکلیزلر کبی برچوق شیلر غصب
ایتدکلری ادعا اولونیورسده بوادعا اثبات ایدیله میور . فقط مسلمانلرک
مدافعلری هیچ اولمازسه اولرک ، انکلیزلرک خلافتنه ، آدقلری هر
شیئه مستحق اولدیغنی قیمتی ویردکلرینی ، کوچوک بویوک هرکس
آراسنده عدالتی تمامیه تأمین ایلهدکلرینی ، تجارک یوزلرجه میللک مسافه لره
ماللرینی امنیت تامه دائرہ سندہ نقل ایلهدکلرینی ، اوزمان هندستان
خلقنک حضور و مصونیت ایچنده یاشادقلرینی بیان ایدیورلر . بونک
بویله اولدیغنی قاراران مرمرلر ، معطل مجرالر ، بایقوشلره مسکن
اولان کاشانهلر ، معبدلر ، یقیق ستونلر و کمرلر اثبات ایدیور .
فی الحقیقه هیچ بر کیسه نک مخالفتنه اوغرامایه جغمیزی بیله رک دیه
بیابرز که کندیلرینه (باربار) صفتی ویریلن بوپرنسلر منافع عامه اوغورنده ،
بوکونک اردولرینی اعاشه و تجهیز ایده جک قدر پاره خرج ایتشلردی .
شرق امراسنک پایدار مساعی ترقیپورانه لریله عینی وادیده غرب
مملکتلرنده وقوغ بولان مساعینی مقایسه ، فائده سز برشی تاقی
اولوناماز . فقط معالاف ایکی لوحه بربریله مقایسه اولونامیه جق
کبی در . چونکه بیلیورز که اودورلرده انکلیترده برتک قانال یوقدی .
بوللرمز ، بر قاجی مستثنا اولق اوزره ، هپ کچی بوللریدر . اک
بویوک شهرلرمزده بر صومخزنی یوقدی . دلہی کبی معظم شهرلرک
محافظه سنه مأمور پولیساردن بزم مملکت مزده بر اثر کورولم یوردی .
لوندرده چیقان بر یولجینک (های غت) ه قدر سالماً مواصلته
امکان متصور ده کلدی . حال بوکه (شاه جهان) ک اک وضع برتبعه سی
نیجابدن دلہی به ، دلہی دن الله آباده قدر امن وامان ایچنده

اولا شه بیلیدی .

مستر (هولوهل) بنغاله نك كندی یولی حکمدارینه تابع اولدی
 زمانکی وضعیتی حقنده اوله برطاقم معلومات ویریور که انسان بونلری
 افسانه ظن ایدر . حال بو که (هولوهل) بونلرک آراسنده اوزون بر
 مدت اقامت ایتیش و مسئله یی بحق ایضاح ایله مشدر .
 (هولوهل) دیور که : « بومسعود خلقه تجاوز ایتک ، ظلمدره
 چونکه بو حوالیده کوزه لاکک ، تمیز لکک ، تقوانک ، انتظامک ،
 عدالتک ، الحاصل اسکی هندستان دولته مخصوص نراحتک بقیه سی
 یاشایور ، بوراده حق تصرف کبی خلقک سربستیسی ده غیر قابل اخلا دره
 بوراده خصوصی ، عمومی خیر سیزلغک وقوع بولدیغی دویولماز ،
 اللرنده تجارت بولونان ، یاخود بولونمایان سیاحلر حکومتک بلا مقابل
 تخصیص ایتدیکی محافظلرک حمایه سی آلتنده بر قوناقدن بر قوناغه
 کیدرلر ، جانلری ، ماللری محافظه ایدیلیر . یولجیلر برنجی قوناغی
 کچدیلمی محافظلر اونلری ایکنجی قوناغک محافظلرینه تسلیم ایدرلر ،
 یولجیلری تسلیم ایتدکلرینه دائر برسند آلیرلر ، بوسند برنجی قوناغک
 قوماندانه ویریلیر و دفترلره قید اولوندقدن صوکره راجایه بیلدیریلیر .
 » بویله جه یولجیلر بوتون مملکتی دولاشیرلر ، یولده اشیالری
 نقل ایچون وسائط نقلیه و آرابامصرفی ویرمه دکن باشقه ایسته دکلری
 مواد غذائییه بی ده استیصال ایدرلر . بریرده اوچ کون اقامت ایدرلر سه
 عینی منافعدن مستفید اولورلر ، خسته لغه و یاخود غیر قابل اجتناب
 بر قضایه اوغرارلر سه بومدت تمید ایدیلیر . شاید سیاحت ایدیورکن
 انسانک پارا چانطه سی ، یاخود قیمتلی بر شیئی ضایع اولورسه اون
 بولان انسان یولک اوزرنده کی آغاجه آصار ، واک یاقین محافظلر
 اخبار کیفیت ایدر ، محافظلرده در حال بکجیلر و داوولجیلرله اعلان

کیفیت ایدرلر . « ۱]

شیمدی مقایسه مزی یا بق ایچون « خریستیان و منور » انگلترمک
عینی صیره لرده بواسلام و شرقلی حکمدارلرک دورلرینه مصادف اولان
زمانده نه حالده اولدیغنی کوسترلم .

۱۳۸۱ ده (وات تایلر) عصیان ظهور ایدرک بو عصیانک
بارونلر طرفندن باصیلحاسی اوزرینه اکثریسی محاکمه ایدیلین (۱۵۰۰)
عاصی صلب اولونمشدی .

۱۳۹۴ ده مجدد (ویقلیف) تضیق اوغرامشدی .

۱۳۹۸ ده ایکنجی ریشاردک جبارانه حاکمیتی باشلامشدی .
ایرلانداده وقوع بولان عصیان باصدیریش ، فقط ایرلاندالی قادینلرله
توله نمک ، ایرلاندالبسه سی اکتسا ایتک ، ایرلانداعاداتی قبول
ایله مک « خیانت وطنیه » عد اولونمش و بو خیانتی اوتکاب ایدنلرک
املاکی مصادره اولوناجنی اعلان ایدیلشدی . ایرلاندالیلری مناسترله
قبول ایتک ، اونلرک ساز شاعرلرینه براگرامده بولونمق برجرمدی .
۱۳۹۹ ده (بولینغبروق) ایکنجی ریشاردی تاج و تختنی ترکه
مجبور ایتدکن صوکره اونی اولدیرمش ، و دردنجی هانری عنوانیله
اونک تختنی غصب ایدرک وارثلرینی حبس ایتمشدی .

۱۴۱۰ ده (ژون بادبی) اعتزال تهمتیله ، بالا آخره بشنجی هانری عنوانی
احراز ایدن ولی عهدک حضورنده احراق اولونمشدی . دردنجی هانری
طرفندن خالق شو صورتله اشکنجه ایدیلوردی . « ارکک ویا قادین
حبسه آتیلیر ، یرک آلتنده قارا کلک بریره سوق اولونور . اوراده
چیریل جیپلاق اولارق قورو طوپراق اوزرینه یاتیریلیدی . بونلرک
آلتنده برشی بولونمادیغنی کی اوستنده ده برشی بولونمازدی . صیرتلرینک

اوستنه یاتمغه محکوم اولان آچیق باشلی بیچاره لرك آیاقلریله بر اللری
 بر ایپله اودانك بر کوشه سنه ، دیکر اللری اوته کی کوشه یه باغلانیر ،
 وجودلرینك اوزرینه تحمللری درجه سنده طاش ودمیر قونولور ،
 ایرتسی کونی کندیلرینه اوچ لقمه آرپه اکمکی ویریلیر ، فقط هیچ
 صو ویریلزدی . ایرتسی کون اوچ جرعه صو ویریلیر ، فقط اکمک
 ویریلزدی . بونلر اولونجه یه قدر بوسورتله یاشاتیلیرلردی . بومدهش
 اشکنجه اوچنجی جورجک زمانه قدر مشروع کورولمشدی . صوك
 دفعه اولارق بواشکنجه نك نه زمان تطبیق اولوندیغی معلوم ده کلسه ده
 محبوسلرك ایکنجی جورج زمانده یعنی ۱۷۴۱ ده بو طرز معامله یی
 کوردکلرینی مستر (بارینگتون) قید ایتمکده در .

۱۷۶۸ دن اعتباراً اکثریتله اشکنجه لر تطبیق اولونیوردی . بونلرك
 برچوخی حبس خانه دفترلرنده مقید بولوندیغی کبی بونلره عائد مذکره لرك
 بر قاجی حالا محفوظ بولونیور ، ۱۶۴۰ ده برتیر انداز ، سرپسقبوس
 (لود) ك سراینه اغتشاش آمیز بر تعرضده بولونمقله اتهام اولونارق
 اعترافاتده بولونمق ایچون یوقاریده ایضاح ایتدیگمز معامله یه دوچار
 اولمشدی . بواشکنجه نك تطبیقنی امر ایدن مذکره اوراق رسمیه
 آراسنده محفوظ بولونمقده در . ایکنجی ژهمس ، اسقوچیاده بولوندیغی
 زمان اشکنجه نك اثنای تطبیقنده بالذات حاضر بولونمشدی .

۱۷۱۳ ده اعتزال آمیز حرکاتی احما ایچون قانونلر نشر اولونمشدی .

۱۷۱۵ ده (ژون قله یدون) ایله (ریشارد نورمان) اعتزال تهمتیه

احراق اولونمشلردی .

۱۷۴۱ ده ایلیانور قوبهام ، غلاوسه ستر دوشه سی ، هیئتشناس

روجر بولینغبروق ، قانون ساوئومل ، مار جری ژورد این ، ژون

هوم سحر باز قله اتهام اولونمشلر ، دوشس نفی ، بولینغبروق صلب ،

ژور داین احراق اولونمش ، ساوثوئل محبسده اولمش ، هوم عفو ایدیلشدی .

۱۴۴۵ ده قیرمزی کلی شعار اتخاذایدن لانقاسترلر ایله بیاض کلی شعار یاپان یورقلیلر آراسنده وقوع بولان وکلر محاربه سی تسمیه اولونان داخلی حرب باشلامشدی . بو محاربه لر ۱۴۸۵ ده ختام بولمش ؛ خاندانه منسوب ۱۲ پرنس ، ۴۰۰ اسیلزاده ، ۱۰۰،۰۰۰ آدم تلف اولمش ، بوتون مملکت انسانلر قالمش ، آریستوقراتلر محو اولمشدی . ۱۴۷۸ ده ساحره لر محکوم اولمش و اعدام ایدیلشلردی .

۱۴۸۳ ده ریشارد تختی غصب ایدرک یکنی بشنجی نه دواردی اولدیرمش و دیگر لوردلری قتل ایتمشدی .

۱۴۸۵ ده یدنجی هانری تخته جلوس ایتمش ، تضییق و مصادره ایله طوپلادیغی پارا ایله پارلامانتودن مستغنی قالمش ، مومی ایله « خیری ویرکیلر » کی مستهزیاه برنام ایله معروف کیفی ویرکیلری طرح ایله مشدی . ۱۵۰۹ ده یدنجی هانری تخته اوتورمش . بو وحشی ، غضبندن برارکک ، شهوتندن بر قادین قورتولماش « اولقله افتخار ایدردی . بو دورده حکمداره اک بویوک عنوانلر ویریش ، ینه بو دورده اولجه دویولماش خیانتلر وقوع بولمشدی .

۱۵۳۲ ده یدی کیشی بی زهرله مکله مظنون بر آدم قاینار صوده اولدیرلشدی .

۱۵۳۴ ده کدنتک مقدس قیزی « اعدام ایدیش ، اعتزال تهمتیه اسمبشیلده ایکی آدام دیری دیری یاقیللشدی .

۱۵۳۵ ده طقوز پاپاس (هاری) نک نفوذ روحانیسی قبول ایتهدکلری ایچون صلب اولونمشلر ، سر یسقیپوس فیشهر ایله سیر (طوماس مور) ک عینی سبیدن دولای کله لری وورولمش ؛ بو مظام

بوتون آوروپايي تدهيش ايتمىدى .

۱۵۳۶ دە (آز بولين) كك كلهسى وورولش، هازى (ژەن سەيمور) لە ازدواج ايتمىدى .

۱۵۳۷ دە ۱۹۳ مناس-ترك (۲,۶۵۳,۰۰۰) لىرايە بالغ اولان وارداتى قرال طرفدن مصادره، كلىسالره عائد اراضى (هازى) نك بىندكانى طرفدن تقسيم اولونمىدى .

۱۵۳۸ دە ايكي پاپاس اعتزال تهمتيله احراق اولونمىلاردى .

۱۵۳۹ دە رەدينغ، غلاستونبەرى، وقولشەستر پاپاسلىرى قرالى طائىمادقلىرى ايچون اصيلمىلاردى . اسقوچيادەكى دين مجددلىرى اعتسافە اوغرامىلار، بونلرك يديسى احراق اولونمىلار، پارلامانتو قرال طرفدن سويلەنن سوزلرك قانون ماھىتتە اولديغنى اعلان ايلەمش، انكلترە وغالەدەكى ۶۴۳ مناستر، ۹۰ قولەژ، ۲۳۷۴ كلىسا و ۱۰۰۰ خستە خانە كاملاً سد اولونمش، بورالردە بولونانلر سىرسىرى اولمىلار، بورالردە ياشايان فقيرلرك ھېسى بىكس قالمىلاردى .

۱۵۴۰ دە سالىسبورى قونتېبى كېي محترم بر قادين، مارغريت، جورجك قىزى، قىلارەنس دوقەسى، پلانتاجانت خاندانك صوكنجيسى اعدام اولونمىلاردى . قادين، بر جاني كېي اعدام اولونمق اىستەمىەرك مقاومت كوسترمش، نھايت جلاد طرفدن قوللرى وبويونى يارالاندقدن صوكرە كلهسى اورولمىدى .

۱۵۴۲ دە ماري استوارث اعدام اولونمىلاردى .

۱۵۴۳ دە ھىزى آلتىجى دفعە اولمق اوزرە قاترىن پارايە اولەنمىلاردى .

۱۵۴۶ دە اعتمال تهمتيله (آن اسقيو) اشكنجەيە اوغراتلقدن صوكرە اعدام اولونمش، كندىسيە برلكدە اوچ ادام احراق ايدىلمىدى .

۱۵۴۷ ده یدنجی هانری ۲۸ کانون اولده و ۵۶ یاشنده اولمش، هیچ برانگلز حکمداری بونک قدر ظلم واستبداد کوسترمه مش، کندیسنی متعاقب یدنجی نه دوارد جلوس ایتمشدر.

۱۵۴۹ ده انگلتره نك هر طرفنده سفالت و دینجیلک انتشار ایتمش، الکشدتلی قانونلر نشر اولونمشدی. سرسریلر حقنده اخبار اتده بولونانلر اونلری ایکی سنه مدته کوله اولارق قوالانیورلردی. (نور فولق) ده دهش بر عصیان وقوع بولمشدی.

۱۵۵۳ ده ماری جلوس ایتمش و پاپالغی یکیدن تأسیس ایتمشدی.

۱۵۵۴ ده لهوی ژهن غره دی ایله لورد غیلد فوردا اعدام اولونمشلردی.

۱۵۵۵ ده پروتستانلر تضییقاته اوغرایه رق پسقیوس (ریدله ی)

(لاتیهر) اوقسفوردده احراق اولونمشلردی. جنایتلر تزايدیدرک

قطاع طریقلر چوغالمش، اوقسفوردده بر چیرپی ده الی جانی اعدام

اولونمش، رتبه صاحبی آداملر خیرسزلغه سلوک ایتمشلردی.

۱۵۵۸ ده قرالیچه ماری اولمش، بو قرالیچه نك بش سنه دوام

ایدن مدت حکومتی ظرفنده ۲۸۵ آدم دیری دیری یاقیلیمش،

بونلرک آراسنده بریسقیوس، ۳۱ پاپاس، ۶۵ قادین و ۴ چوجوق بولونمشدی.

بیکرجه انسان عقیده وجدایه سی یوزندن حریت، صحت و مالندن

محروم اولمشدی.

قرالیچه (ئلیزابت) ک زمانده قاتولیکلر پاپانک قرالیچه یی خلع

ایتمک صلاحیتی طانیدقاری ایچون هراعتسافه اوغرامشدر، دیری

دیری یاقیلیمشلردی.

۱۵۸۶ ده اسقوجیا قرالیچه سی ماری، ئلیزابت علیهنده کی سوء

قصده اشتراك تهمتیله محاکمه اولونمش، ۱۸ سنه محبوسیت یوزندن

یوقادین، قانی جانی برقادین ایکن ضعیف وعاجز برحاله دوشمشدی.

۱۵۸۷ ده قرالیچه مارینک کلهسی وورولمشدی . او زمان
قرالیچه ۴۴ یاشنده بولونیوردی .

۱۵۸۸ ده ایرلاندا قاتولیکلره قرشی اک مدهش مظالم تطبیق
اولونمشدی .

۱۶۰۱ ده قرالیچه الیزابت ۴۴ مارته ۷۰ یاشنه بالغ اولدینی
حاله وقات ایتش ، برنجی ژهمس تخته کچمش ، مساحه دینه علمنده
اراده چیقمش ، پوریتانلر آمریقایه هجرت ایتشلردر .

۱۶۰۴ ده ژهمس طرفندن پرسپیتانلر تضیق اولومارق بونلرک
رؤساسندن ۱۰ ی حبس اولونمش ، (۳۰۰) پاپس طرد ایدلش ، بونی
دیگر تضیقات تعقیب ایلهمش ، سحر بازلق و سحر علمنده قانونلر
نشر اولونمشدر .

۱۶۰۳ ده ژهمس جنلر و جنجیلک حقنده کی اثرینک اوچنچی
طبعی میدان چیقارمش ، ارواح خبیثه نکی نه یابدقارینی ، سحر بازلق
نه ایشلر کوردکلرینی ، بونلرک نه صورتله جزا کورمهسی ایجاب
ایتدیکنی ایضاح ایتمشدر . [۱]

اوصیرده پارلامانتو بو اثره توفیقاً قانونلر نشر ایتش و بونلر کال
شدتله تطبیق ایدلشدی . اون یدنجی عصرک نهایتنه قدر انکلترده
۳۱۹۹ کیشی سحر بازلق ، بویوجیلک تهمتیه محکوم اولمشلر و اعدام
ایدلشلردی . [۲] بوزوالیلر آراسنده دشمنلری طرفندن اوچ چوجغه

[۱] اوزمانک قانتوروی پسقیوسی بو اثرک روح السهینک یاردیمیه
یازیلدیغنی سویلهمشدی .

[۲] ماقینوس ، تاریخ مدنیت عنوانی اثرنده دیرکه : « اوزمان سحر بازلق
تهمتی ایلری سوره نلر اسقوچیا قرالی آلتنجی ژهمس ، اونجی اینوسان ،
اشپرینغه ، بودینوس و ماتیاواسته قنس ایدیلر . » بوصیره لرده پورتکیزده کی
انکیزسیون ، اوکره ندیکی بعض حرکاتی یاپان بر آتی ، شیطانک تأثیری
آلتنده عد ایدهرک اعدامه محکوم ایتمشدی .

سحر یابدقلری ادعا اولونان ایکی دول قادین واردی که محکمه نك حضورینه چیقهمیه جق درجه ده خسته بولونیور ، فقط ایرتسی کون حضور حاکمه چبقه رق اعدام حکمنی تبلیغ ایدیورلردی .

۱۶۲۵ ده برنجی ژهمس ۶۹ یاشنده اولارق وفات ایتمش ،
یرینه اوغلی برنجی شارل کچمشدی . مجبوری استقراضلر عقدی ،
کیفی ویرکیلر ، کیفی حبسلر اک مدهش عدم ممنونیتی تولید ایتمشدی .
۱۶۲۹ ده « محکمه عدالت » تسمیه اولونان ظلم اوجاغنک ماهیتنی
آکلامق ایچین شودرت مثال کفایت ایدر : پراین نامنده بر آووقات
ایکی قولاغنک کیلمه سنه ، ۵۰۰۰ لیرا جزای نقدی اعطاسنه ، ومؤبد
کوره که محکوم اولمشدی .

میر آلائی (لیلبورن) تحریک آمیز بعض رساله لر نشر تهمتیه
محاکمه یه دعوت اولونمش ، فقط صورولان سؤالره علیهنده ده اولسه
جواب ویرمه سی ایچون یمین ایتیه ی رد ایتمشدی . بونک اوزرینه
قیرباجلانمغه وحبسه محکوم اولمش ، میر آلائی قیرباج آلتنده ایکله یورکن
حکومتک ظالم اولدیغنی سویله دیکندن محکمه اونک دیانی کسمکه قرار
ویرمشدی .

قانتربوری بسقبوسی (لود) ک هدف خصومتی اولان لیتقولن
بسقبوسی ویلیامس محضا بو خصومت یوزندن (۱۰,۰۰۰) لیرا جزای
نقدی یه محکوم اولمش ، حبس ایدیش ووظائف روحانیه سنی ایفادن
منع اولونمشدی . بوندن باشقه بو آدامک اشییا و کتابلری ضبط
اولونیورکن بر مکتب معلمنه یازدیغی مکتوبلر بولوندیغندن (۸۰۰۰)
لیرا جزای نقدی یه ده محکوم اولمش ، قولاقلری دیره کلره میخلانمشدی .
۱۶۴۱ ده ایرلانداده عصیان وقوع بولمش ، (۴۰,۰۰۰) پروتستان
قتل عامه اوغرامشدی .

۱۶۴۲ ده داخلی محاربه لر باشلامشدی .

۱۶۴۹ ده « جبار ، خائن ، قاتل ، ملت دشمنی » اولارق اعلان اولونان شارل ۳۰ کانون ثانیده اعدام اولونمشدی .

۱۶۵۹ ده (قروموهل) ۲۶ حزیران (حمایه کار لورد) صفیه وه ستمینه ستری کشاد ایتمش ، اداره سنک شدتیه تمایز ایتمش ، بودورده انسانلر محاکمه اولونمادن اعدام اولونمشلر ، حرب اسیرلری حکومتیه مخالف الی ذات ایله برلکده (باربادوس) کوندریله رک اوراده کوله اولارق صاتیلمشلردی . قراللق طرفدارلری احما اولونیورکن قراله سوز ویره نلرک هپسی ده محو اولمشلردی . بوتون مملکت عسکری منطقه لره تقسیم اولونمش ، هر منطقه قوماندانه هر شبهه ایتدیکی وتهلکه لی کوردیکی انسانلری دردست وحبس ایتمه سی ایچون صلاحیت ویریلمشدی . ده ایاقین زمانلره کچه رک هندستانده احراز اقتدار ایتدکن صوکره تعقیب ایتدی کمز خط حرکته بر نظر عطف ایده لم :

میرقاسمی بنغاله حکومتدن عزل ایتدکن صوکره وقوع بولان حادثاتدن بحث ایدرکن (قلابو) دیورکه : « بویه بر آنارشی وانحطاط منظره سنک بنغاله دن باشقه بر مملکتده کوروله دیکنی ، طویولمادیغنی سویلیه بیلیرم . بنغاله نک متشکل اولدیغنی اوچ ولایت اولان بنغاله ، بهار وادریسا ، که اوچ میلیون لیرا وارداتی واردر ، انکلیر قومپانیاسنک مستخدمینی طرفندن اداره اولونیوردی . بونلرک عسکری و سیویل مأمورلری هر کسدن ، نوآبدن الکفیر اراضی صاحبنه قدر هر انساندن ویرکیلر آلیورلردی . تجارت ، انکلیر قومپانیاسنک مستخدمینه تابع تجارتلر طرفندن اجرا اولونیور ، قومپانیانک مستخدمینی اسم و صفتلرینی قوللانا راق انکلیر نامنی لکه له یں وهر مسلمان وهر هندلی بی اینجیده ن جراثمی ارتکاب ایتمشلردی . انکلیر مستخدمینی نوآبک وارداتنه مداخله

ایتمشله ، حکومتی ایسته دکلرینی آلمشله ، هر آدمی باشقه لرینه ترجیح
ایچون رشوتلر طرح ایتمشله دی .

بو سوء اداره بی شدتلی بر قیطاق تعقیب ایتمشله دی . بو قیطاق
بوزندن والی عمومی لورد (قورناوالیس) یکر می سنه هو کره بنغاله نك
خرابی یه سور و کله ندیکنی یازیوردی . مومی الیه دیور که : سنه لردن
بری تجارت وزراعتک متادی انحطاطه اوغرا دیغنی سویله مکله متأثرم .
حال حاضرده بویوک شهرلرده اقامت ایدن (شیف) و (بانیان)
صنقلری مستثنا اولق اوزره بو ولایت اهالیسی عمومی برفقرو سفالته
دوچار اولمقده درلر . قومپانیانک اراضیسی داخلنده کی ملک صاحب لری ده
عینی حالده درلر . بو وضعیت بونلرک تذبذبکنه و اسرافاتنه عطف
اولونابیلیرسه ده ، واسع بر مقیاسده سابق اداره نك قصورلرینه عطف
ایدیله بیلیر . « سوء اداره دن متأثر اولان حوالی یالکز بزم اداره مزه
تابع اولانلر ده کلدی . متفقلر مزك اداره سننده کی اراضی ده عینی حالده
ایدی . (اوده) نوابیله تماسه کلدیکمز کوندن بری بو مملکت
انکلیزلرک اوزرینه قوندیغنی برلش حاله کلدی . (ههستیغنس) هندستانه
حکمران اولدیغنی صیرالرده دییوردی که : « تجاوزکار روحزاک عنود
بر صورتده تظاهر ایتدیکندن هندستانده کی بوتون قوتلرک بزمه اتفاقدن
اوزا قلاشما سنه ، سلاحلر مزدن قورقدیغنی قدر بزمه برلش مکدن
قورقما سنه سببیت ویرمشدیر . بر طرفدن بو تجاوزکار روح ، دیگر
طرفدن افرادک قیدسز ، بلکه تشویق کورهن اخلاقسزلانی ، شهرت
ملیه مزه ، سلاحلر مز و قوتمزک اپرات ایتدیکی ضرردن ده امدهش
بر ضرر ایرات ایتمشدیر . هندستانده هر کس بزمه تماسدن تحاشی
ایدیور ، چونکه بزمه تماس ایدنلرک اولدیریحی برذاته اوغرا دقلری
کورولویوردی . « ههستیغنس بونی اثبات ایچون (اوده) ده یابدقلریمزه
اشارت ایدیور .

مورخ میل دیپورکھ :

« بو ایشلر باشلامادن اول (اوده) اولککسی یوکسک بر رفاهه مظهر بولونیوردی . خلق بر تضیقه اوغرامادن حکومت ۳ میلیونلق واردات تأمین ایدبیوردی . فقط بو اولککیه عسکری بر اوردودن باشقه سیویل مأمورلردن متشکل بر اوردو کوندرمه من یوزندن (اوده) نوابی اک آجی فلاکتہ اوغرامش ، خلق فقر و سفالته دوچار اولمشدر . اوقدرکھ نواب بر قاج سنه تحمل ایتدکدن صوکره ایرادینک نصفه ایندیکنی کورمشدی . طقوزسنه ظرفنده بوولایتدن غیر محق حرکات نتیجه سننده سنوی (۳۴۰,۰۰۰) انگلیز لیراسنه واران پارا تحصیل اولونیوردی . مأمورلرک چوقنی ، معاشلرینک یوکسکلکی ، بومأموریتک حائز اولدقلری نفوذک بویوکلکی ، بوندن باشقه تقاعدلر ، قومپانیانک احتلاساتی ، عسکری ، ملکی ادارهنک مصارفی ، غیر قابل تحمل بر حاله کلشدی . ومستر (ههستینفس) ک دیدیکی کبی بو وضعیت انگلیزلرک بوتون مملکتده دشمن تلقی ایدیلهسنی انتاج ایتشدی . قورقارم که بویله نه صفت ونه صلاحیتله ویرکو طرح ایتدی کمزی صوراجق اولورسهم کیمسه بو سوآلی آ کلامیه جق ، هله نوابی محافظه ایچون مصارفنی تأدیه ایدمه جکی و ایسته مدیکی بر اوردوی نیچون کندیسنه کوندردیکمزی صوراجق اولورسهم بو سوآلک معناسنی آ کلامیه جق اولانلر پک آز اولاجقدر . بر دیپورزکھ : « سز بو اوردوی ایسته میورسکز ، فقط اونک مصارفنی تأدیه یه مجبورسکز! »

مستر ههستینفس رمان اداره سننده وقوع بولان بو فناقلری تشهیردن چکینمه بور . کرچه کندیسنی نوابک ایسته دیکی ، فقط مصرفنی تأدیه یه مجبور اولدینی اوردونک برقسمنی چکمش ، فقط (ههستینفسک) خلفی لور (قورنوالیس) نوابک جدی و صمیمی اعترضنه رغما اوردونک مقدارینی تزید ایله مشدی . لورد (تیغماوٹ) انگلیزلرک مطالبنی سنوی (۲۵۰) بیک لیرادن (۷۰۰,۰۰۰) لیرایه یوکسلتدیکندن عسکرلرک عددینی زیاده لشدیرمشدی . (وهله سلی) ۱۸۰۶ ده بوتون مملکتی ضبط ایدمه جکینی سویلیه رک نوابک ۱,۳۰۰,۰۰۰ لیرا قیمتنده اولان اراضینک یاریسنی طلب ایتشدی . ایش بونکله ده قالماش ، ۱۸۱۵ له ۱۸۲۵ آراسنده استقراض نامیله درت میلیون لیرا آلینمش ،

والی عمومی لورد (به نینک) بو پارانک قرال نامنه طلب اولوندیغنی و آنجق انگلیز قوتندن قورقوله رق ویرلدیکنی بیان ایتشدو .

انگلیزلرک اوراده کی ظلمنی اکمال ایتک ایچون شونی علاوه ایتلی یز : لورد (دالهوسی) ۱۸۳۷ ده عقد اولونان معاهده نك احکامنی اخلال ایله (اوده) بی الحاق ایتمش ، معاهده نك کان لم یکن اولدیغنی ، چونکه مدیران محکمه سی طرفندن قبول اولونمادیغنی بیان ایتشدی . حال بو که بومعاهده والی عمومی لورد (اوقلاند) ک امضاسنی حامل اولدقدن باشقه والی عمومی ایله (اوده) حکمداری آراسنده وقوع بولان مخابراتده مرعی اولدیغنی بیان اولونمش ، ۱۸۴۵ ده حکومتک امریله نشر اولونان بر کتابه درج ایدیلشدی .

بو دعوی ، ۱۸۵۷ ده مشهور حقو قچیلردن دو قتور (تراوهرس نویس) ه تقدیم اولونمش ، بو متبحر ذاتده شو مطالعه بی درمیان ایتشدی :

« بوتون حقائق درپیش ایتدکن صو کره هندستان والی عمومی سنک ۱۸۳۷ معاهده سنی غیر مرعی طانیغه حق اولمادیغنی نتیجه سنه دسترس اولدم . »

فقط بو قدر صلاحیتدار بر ذاتک بومأله مطالعه درمیان ایتمه سنه رغماً، دیگر بر محرر بو اشقیالغنی، بو چته جیلکی ترویجه چاره آرایور : مستر (قهی) دیور که : « انکلتزه ایمپراطورلغنه الحاق اولوناجق بر ولایت دها بولویوردی . لورد (دالهوسی) نک دورنده الحاق ایجاب ایدن بو ولایت فتح اولونمایا جقدی . چونکه حکمداری دوستمزدی ، خالق اردومزه کیرمشلردی . اسلام حکمدارینک بری اولونجه اوغلی ویا قارده شی یرینه کچدیکندن بوراده کی تختک بروارثی بولونمادیغنی ایلری سورهرک اله کچره مزدک . بالعکس بوراده بر حکمدار

زاده اولان بر حکمدار واردی. بوراسی هندستانک معظم بر اولکهسی
اولان « اوده » در .

« وضعیت محلیسی و منابع طبیعی سنک مشهور ترونی ایل بوراسی
هوقمه بری هر صمزی عربک ابر پیوردی . »
او قوییکز ! ای (غروتیوس ، بوندورف و واتل) ک محترم
کولکه لری ! و دیکه ییکز ، ای هندستانک آدی مستقل امراسی !
دیکه ییکز ، و دوشونیکز !

لورد (قورنوالیس) ، شبهه سز عادل بر آدمدی. لورد (تیغماوٹ)
دینداردی. لورد (وهله سلی) بویو کدی. فقط بونلرک بیچاره متفقلری
اولان اوده حکمدارینه روا کوردکلری معامله ده ذره قدر عدالت ،
کیاست ، ذره قدر بویوکلک ویا دیانتپورلک یوقدی !

بالا آخره لورد (مه لویل) نامیله یاد اولونان میستر دونداس ،
هندستانک یرلی امراسنه قارشى روا کوردیکمز معامله لر حقنده بوکا
مماثل بر شهادتده بولونیور . کندیسى ۱۷۸۲ سنه سنک ۱۵ نیساننده
عوام قماره سنده ایراد ایتدیکی نطقنده دیورکه :

« هندستانده باشلیجه درت قوت بولونیوردی : ماهراتا حکومتلری ،
حیدر علی مملکتی ، دکن نظامنک اراضیسی ، برار مهر اجه سنک اراضیسی .
بونلردن باشقه او درجه مهم اولمایان قوتلرده واردی . تانجور راجاسی ،
آرقوت نوابی کبی . فقط بو بویوک درت قوت کاملاً علیهمزده بولونیوردی .
ایکیسیله حرب ایدیوردق . دیگر ایکیسی ده بزه قارشى حرجویانه حسیات
ایله متحسسدی . بومبای والیسی ماهرانه حکومتنه صاحب اولدیغنی ادعا ایدن
(راغوبا) نامنده بر آدمله مذاکراته کیریشمش و کندیسنه بعض اراضی
قومپانیایه دور ایتک شرطیله بو دولتک ریاستنه کچیرمه یی وعد ایتشدی . بو
معاهده عقد اولوندقدن صوکره حربه کیریشیلدی . چوق کچمه دن بنغاله
والیسی ، برده مهر اجه سی اولان (مودیجی بنسالا) ایله بر معاهده عقد
ایتدی و اوکا بعض اراضینک اعطاسی مقابلنده مهرانا حکومتنک ریاستنی

وعدایتدی . بو ایکی یوزلی سیاست میدانده چیقدیغندن (برار) راجاسی اونک خائنه و دساسانه اولدیغنی سویلهیهرك منفعل اولدی . دکن نظاھنه کلنجه اونک اراضیسی بزم اراضیمزك شمالنده بولونیوردی . نظامك اراضیسی اراضیمزه ملاصق اولدیغندن اوکا قارشى معامله مزده چوق دقتلی داورانیلماسی ایجاب ایدیوردی . نظام قومیانیا به بعض اراضی ویردی . بونک مقابلنده نظامه سنوی بر ویرکی ویریله جکدی . بو ویرکی ویریله دی . نظام ده انگلزلرك سوزینه اینانیلماز ، شرف و حیثیت کی مفهوم لره باغلانماز ، عدالت اهمیت ویرمز بر ملت اولدق لرنی اعلان ایدرك (حیدر علی) نك قوتی بزه قارشى دعوت ایتدی . چونکه هندستان اراضیسندده بر تك انگلز بولوندقجه هیچ بر هندلی امنیت حس ایتیهوردی !

انگلز هندستانده کی سوءنیت و سوء اداره لرینه دائر بالذات انگلزلرك اعترافاتی قید ایتد کدن سوکره تورکیانك باش وکیلی طرفندن انگلتره سفیری سیر (روبرت آنسلی) یه ویردیکی آتیده کی رسمی جوابی اوقه رسوق حیرت ایتهملی و اونی علیهدارانه عد ایتهملی یز . بو رسمی وثیقه انگلز مبعوثانندن مستر غره ی طرفندن ۱۷۹۲ سنه سنك ۲۹ شباطنده عوام قماره سندده روسیه نك تسلیحاتی موضوع بحث اولویورکن قرائت اولونمش ، متعاقباً میستر غره ی شو سوزلری سویله مشدی :

رسمی جواب

« کندیلرینه مظاهرت ایتمکده اولدیغیمزی سویله دیگمز حالده بالآخره کندیلرینه خیانت ایتدیگمز تورک مفتقریمز ، خط حرکتیمزی نفرت و استحقار ایله قارشیلادق لرنی کوستریورلر . عجبا سز بنی مؤاخذه ایدر ویا شایان استهزامی کوریورسکمز ، بیلمه یورم . فقط بو موضوعه دائراک موثوق معلوماتی عرض ایتمش بولونیورم . صدر اعظمك سفیریمز (روبرت آنسلی) یه ویردیکی رسمی جوابك یر نسخه سنی آله ایدرك سزه ایراد ایدیورم . بو رسمی جواب بوجه آتیدر :

« سلطان کندی نامه اعلان حرب ایدر و صالح عقد ایلر .
 کوله لرینه ، بنده لرینه ، و تبعه سینه اعتماد بسله ر . اونلرک ایمان صاحی
 اولدقلرینه واقف بولوندیغی کبی مزیتلرینی تجربه ایتمش و صداقتلرینه
 کووه نه جگنی آ کلامشدر . بو فضیلت ، چوقدن بری آوروپادن
 طرد اولونمشدر . شاید بوتون خریستیانلر دوعروپی سویله یورلرسه ،
 انکلتیره ، انسانلری آلوب ساتدیغندن اوکاهیچ اعتماد ایتمه مک لازمدر .
 تورک حکمدارینک سزک حکمدارینک زله ، سزک مملکتک زله بر مناسبتی
 اولمادیغی کبی هیچ بروقت سزک نصیحتکزی ، توسطکزی ، دوستلغکزی
 طلب ایتمه مش ، سزه بر ایلچی ، بر مأمور کوندرمه مش ، سزکله هیچ
 بر مخابره ده بولونمامشدر . اوحالده بزمله روسیه آراسنده متوسط
 تکلیفنده بولونما کزک سببی نه در ؟ سزک دوستلغکزه ، یاردیمکزه ،
 توسطکزه طالب ده گلر . یوکسک برلسانله موضوع بحث ایتدیکی کز
 ناظر یکز مطلقا بر حیلہ دوشو مکرده ، سزک یالکیز پارایه پرستش
 ایتدیکنی خبر آلدیغمز ملتکزی اکلندیرمک ایچون بر دولاب
 چه ویرمکرده در . آلدیغمز معلوماته کوره سزک صفت فارقه کز خستدر .
 سزک اللهکزی صاتار و آلیرسکز . معبود کز پارادر . ناظر لریکز
 و ملتکزک نظرندہ هرشی تجارتدر . اوحالده بزیده روسیه می صامق
 ایسته یورسکز ؟ خایر ، بز بازار لغمزی کندیمز یاپارز . تورکلر حیلہ ،
 خدعه ، بیلمزلر . شیطانلق ، دسیسه کارلق خریستیان اخلاقیدر .
 بز دولت ایشارنده ناموسلی ، مستقیم ، صریح ، و وفاکار اولمقدن
 چکینمه یز . حرب ایتدیکمز زمان مقدراته تسلیم کریبان ایدرز .
 اوزون بر زمان عظمت و احتشام ایچنده یاشامش ، دنیانک برنجی
 دولتی اولمش ، عصر لرجه خریستیانلرک هر درلو رذیلت وریا ایله
 آلوده کفر و فسادینه احراز غلبه ایتمش بولونیورز . بز جناب حقه

ورسول مکرمنه ایمان ایدیورز . سز ایسه پرستشکاری اولدینکزی
 سویله دیککیز اللهده ایمان ایتز ، کندیسنه هم الوهیت ، هم نبوت
 عطف ایتدیککیز ، و اوغلی دیدیککیز ذاتده اینا نماز سکیز . او حالده سزک کبی
 خال و مضل بر ملتک نه سنه کوه نیله بیلیز ؟ بر بریکزله وقوع
 بولان بوتون معاملاتکیزده فضیلت کبی دوغرو لخی ده آتیور سکیز .
 بر برلریله حرب ایدن بوتون خریستیانلر قرالترینک ، حکمدارلترینک ،
 امپراطورلترینک ، شکایتلر ، مواخذلر ، پروتستولرله مالامال تراجم
 احوالی اوقوییکیز ؛ هپسنگده یالانچی ، مفسد ، ظالم ، سوزینه
 کوه نیلمز آدملر اولدقلرینی کورور سکیز . حال بوکه تورک هیچ
 وعدینه ، سوزینه ، شرفنه مخالفت ایتشمیدر ؟ اهلا ! بوکا مقابل
 هیچ بر خریستیان دولتی ، منفعت و حرصی استلزام ایتدیکی زماندن
 باشقه هیچ بر سوزینی طوتمش ، هیچ بر تعهدینی ایفا ایله مشمیدر ؟
 خایر ! او حالده سزک کبی فاسق براداره یه ، هر فضیلتدن محروم بر حکومت
 تابع سزک کی بر ملته ناصیل اعتماد ایدلم ؟ پادشاهک سزک سرایکیزله
 بر مناسبتی یوقدر و بر مناسبت تأسیسی ایسته مه مکده در . شاید
 سز بوراده بر جاسوس کبی ، یا خود ادعا کیز وجهله بر سفیر صفتیله
 بولونمق ایسته یورسه کیز دیگر خریستیانلرله برابر اقامت ایدر ، فقط
 حسن حال ایله حرکت ایلر سکیز . فقط بز سزک بری ویا بحری
 یاردیمکیزه ، یا خود توسطکیزه طالب ده کلز . تکلیف واقعکیزدن
 دولانی سزه تشکره ، اأذن اولمادیغمی ، چونکه دیوانمزک حرکت
 واقعکیزی نالایق تلقی ایتدیکنی ، بوندن باشقه معاونت بحریه کیز
 ایچون وقوع بولان تکلیفی ده تشکرله قارشیلایمیه جغمیزی ، چونکه
 دونا ما کیمی هیچ بروقت ده کیزلریمزه قبول ایتیه حکمیزی بیان ایدرم .
 سزک روسیه ایله نه یا یا جغکیزی بیلمه یورزو بیلمک ده ایسته میورزو . روسیه

ایله ایشلر مزی مناسب بر صورتده، قوانین و سیاستمزه موافق بر شکلده
حل ایده جکیز. شاید سز، ده نیلدیکی کی دنیانک اک آچاق خریستیان
ملتی ده کلسه کز اک جرأتکار واک ساخته کار ملتی اولدیغیکز محققدور.
سز، سزک کی بر قاج خریستیان ملتله برلشدیکیزی کنیدیکیزی
امر ویرمهک صلاحیتدار ظن ایدیورسکیز. بز بونی آکلایورز.
بناء علیه سزک جرأتکار لغیکز، منفور بر دیققتاتورلک درجه سنه یو کسلور که
سزک بو حرکتکیز داخلی ایشلر کزه شایان استحقاق، خارجده کی
سوزلریکیزی هر قیمتدن، وهر هانکی بر دولت طرفندن نظر دقت
آلینمق حیثیتدن محروم ایتمکده در. نروده قالدی که باب عالی بونلره
اهمیت ویرسین. وزرای عظام سزی دیکله دجه سوزلر کزده یا فنا
بر مقصد کشف ایتشلر، یا خود اونلرک اثر جهالت اولدیغنی اکلایمشلردور.
ذات شاهانه، رعایا سنه (یعنی مستملکاتنده کی اهالی سنه) قارشی
بودرجه ظالم اولان بر دولته قارشی ایجاب ایدن تدابیری اهل ایتمز.
موثوقاً خبر آلدیغمزه کوره، سزک آرا کزده عقد ایتدیگیکز
صلحله، ارتشایه مستنددر. عثمانلی وزراسی اوروپالیلرک سوزلرینی
چوق دیکله مشلر، فقط دائماً خیانت کور مشلر، صاتیلمشلر، ویا
اغفال ایدیلمشلردور. بناء علیه روسیه ایله باب عالی آراسنده وقوع
بولاجق توسطیکزه لزوم یوقدر. سزک هدفیکز بوتون بشریتی
بر برینه دوشورمک، صوکره استفاده ایتکدر. سزک تجارتیکیزی
طلب ایتیهورز. اوکا محتاج بولونمایورز. سزک مضاعف قازانچلریکیز
بزم تاجرلریمزی اضرار ایتشدور. سزک دینکیز، پارا قازانمقدور.
معبود کز، خستدر. قبول ایتدیگیکیزی سویله دیککیز خریستیانلق،
ریاکارلغیکزک بر ماسکه سندن باشقه برشی ده کلدور. سزدن جواب
ایسته میورز. جواب ویرمه مکیزی امر ایدیورز! »

عقائد قرآنیہ نك اهل اسلام اور رندہ نہ قدر قوتلی ونہ قدر خیر کار
بر تائیر اجرا ایتدیکنی کوسترمك ایچون «بو کونکی تور کیه» عنوانیه
۱۸۵۵ ده موسیو (ا. اویسینی) طرفندن یازیلان اثر دن بعض پارچه لر
اقتباسیه بوفصله نہایت ویره جکز :

« دوزغولون و ناموسکارلوق »

« تور کیه ده کی بوتون اقوام و بوتون صنایعك مشهری اولان
بویوك چارشیلرك منظره سی، توركلرك فیز یونومیسنه بعضی خصوصیتلر
علاوه ایدیور . بوراده تورك ، ارمنی ویا روم قوموشوسنك
یاندہ اوطورور ، کلن ، کچن مشتربلره دقت ایدر ، آره صیره
«بویوروك چلی!» دیر . توركك دکانی او کنده توقف ایدرك برشیدك
فیئاتی صورارسه کز ، سزه الی ویا یوز غروش، دیر . شاید بورانك
عادانه آشنا ده کلسه کز بازارلغه باشلارسکز ، اونك سزه ویره جکی
جواب ، بازارلغی قبول ایتهمك و چپوغنی توتدیرمكه باشلامقدر .
نه قدر اصرار ایدرسه کز ایدیکز ، تورك بر پارا ایندیرمن .
خریستیانلرله یهودیلر بام باشقه در . یوز غروشدن، سکسانه، آلتشه،
قرقه ، حتی دها آشاغی اینرلر .

« بر قاعده اولارق ارمنی یه ایسته دیکی پارانك یاریسنی ، رومه
اوجده برینی ، یهودی یه درتده برینی ویریکز . فقط مسلمانله آلیش
ویریش ایتدیگز می ، ایسته دیکی فیأدن امین اولو کز و ایسته دیکی
ویریکز .

« تورك ویردیکی برسوزمه قطعياً مخالفت ایتهدیکندن باشقه برینك ده
سوزینه اینانیر . بر شیدك دوزغو اولدیغنه یمین ایدیکز . تورك
اوکا مطلقاً اینانیر . بر دفعه بر فرانسز ضابطی برقاش پارچاسی آلمق
ایچون چارشیه کیتمش ، بر کون اول بر آرقداشنك آلدیغی پارچانك

عینی باشقه بر تجاردن ایسته‌مش ، فقط او تجارده بولاماشدی .
 بر دیگری دها یوکسک بر فیأت ایسته‌مش ، نهایت ضابط
 آرقداشنک معامله ایتدیکی تاجره مراجعت ایتمش ، اوده دها یوکسک
 بر فیأت طلب ایتمشدی . نهایت ضابط آرقداشنک آلدیغی فیأتی ایلری
 سورمش ، تاجر اوکا یمین ایتمه‌سنی تکلیف ایتمش ، بوتکلیفدن حیرته
 دوشن ضابط نتیجه‌نک نه اولاجغنی آ کلامق ایچون یمین ایتمش ،
 تاجرده درحال عینی فیآتله قماش پارچه‌سنی ویرمشدی . »

موسیو (اوبوسینی) دیرکه : « اعتراف ایدرم که بر انسانک
 سوزینه کوستریلن بواعتماد، بوحیثیت آمیز معامله بنی ممنون ایتمشدر .
 بزم مملکتتمزده بایعک نیچون مشتری‌یه نظراً مادون تلقی اولوندیغنی
 بیلمه‌یورم . تورکیه‌ده بویله برفرق یوقدر . صاتیجی کندینی اوزمن .
 بوکون قومشوسی موفق اولدیسسه اوده یارین موفق اولمای امید
 ایدر . مؤذنک‌سیسی یوکسلدیمی تورک ، دکانک ایچنده نمازنی ایفالیدر ،
 یاخود مغازه‌سنی آچیق بیراقه‌رق و امنیت عمومیه‌یه کوه‌نهرک مجاور
 جامعه کیدر .

« استانبول کی معظم بر مقر حکومتده تاجرلر معین وقتلرده
 مغازه‌لرنده بولونمادقلری ، کیجه‌لین اولر اهمیتسز سورکولرله محافظه
 اولوندیغنی حالده بوتون سنه ظرفنده اوچ دوت خیرسزلغک وقوع
 بولدیغنی دویمازسکیز . حال بوکه خریستیانلرله مسکون اولان غاطه
 و بک اوغلی طرفنده هرکون متعدد سرقتلر و جنایتلر وقوع بولور . »
 عینی ناموسکارلق مملکتک هرطرفنده کورولور . برانکلیزسیاحی ،
 (دهیلی نیوز) غزته‌سنه اخیراً شو سوزلری یازمشدر :

« دون بر بولغارک آراباسنی کیرالادم . آرابایه بنمله آرقداشلر مک
 چانطالردن ، باووللاردن ، خالیلردن ، کورکلردن و شالاردن متشکل اشیامن
 یوکلنه‌جکدی . کیجه‌لین اوزرینه اوزانق ایچون بر مقدار قورو اوت آلتق

ایسته دیکمز ایچون یانمزه تربیه لی بر تورک آلمشوق . بواغار کویلیسی کیجه این آرابه سنک او کوزلرینی بویوندورقلرندن چیقارهرق آلدی . کوتوردی . و آرابه بی یاپه یالکیز بیراقدی . کندیسنه آرابا ایله برلکده بر آدامک برافیلماستی و او آدامک اشیایی محافظه ایتمهستی اخطار ایتم . تورک جواب ویره رک دیدی که « نه لزومی وار افندم . اشیاکیز بوراده هفته لرجه قالسه ، کیمسه اوکا ال سورمز . » بنده قبول ایتم . ایرتسی کون دوندیکمز زمان هرشی یرلی یرنده ایدی . دوشونیکیز ، بوتون کیجه بورادن تورک عسکرلری کچیوردی . فقط هیچ بری آرابا ال اوزاتما یی خاطرندن کچیرمه مشدر . بونی لوندره نک اک بویوک منبرندن خریستیانلره سوبله ییکیز ، سزک رؤیا کوردیک کزی ظن ایدرلر . باری بونلر اویانسه لر ... »

تورکیه ده کی حمالارک ناموسکارلغی بزمکیلرک ناموسندن بالاتردر . غلطه دن کمیلره هر درلو اشیایی کوتوره نلر بونلردر . فقط هیچ بر وقت بوراده برشی ضایع اولمایور . بوتون ملتک ضرب مثل حکمنده کی ناموسکارلغی بونی تسهیل ایتمکده در .

بر دفعه بر تجار النده بشلکلردن متشکل ایکی بیک غروشلق بر کیسه باطلامش ، ایچنده کی پارالر داغیلماشدی . بر مقداری ده ده کزه دوشمشدی . خالق در حال پارایی طویلماش ، بعضیلری ده کزه آتیلهرق اورایه دوشنلری کتیرمش ، تجارک کیسه سنه یرلشدرمشلر ، صوکره بر حمال کیسه بی صیرتلایه رق تجارک اوینه کوتورمشدی . تجار اونده پاراسنی صایدیغی زمان تاس تمام بولمشدی .

مساحه کارلر و غیر ضواهلر

بزم (غریبیلرک) اوامردینه مزه قارشى کوستردیکمز رعایتسزک ، دینمزک لازم غیر مفارقی اولان بعض ایجابات انسانیه بی اهلمز ، اک سفیل سائقلرله بونلری فدا ایدیویر مه مز ، تورکلرک نظرنده بزم دینمزک دلائل بطلاننددر . بوندن دولاییدر که تورکلر اوروپایه « دیار کفر » دیرلر ؛ بزی « ملحد » و « کافر » صفتلریله یاد ایدرلر .

فقط بو استحقار ، هیچ بر وقت اعتسافه سائق اولما مقده در .
 باشقه یرلرده بر چوق مثالرله کوستردیکم وجهله تورکلرک علیهنده ،
 هر کسه دینی تبدیل ایتدیرمک و اعتسافکارانه حرکاتده بولونمق کی
 وقوع بولان اتهامات ، یالکیز اساس اعتباریله ده کل ، دائمی معامله
 اعتباریله ده حق و حقیقته مخالفدر . ناصل دنیاده هیچ بر قوت ،
 تورکه دینی تبدیل ایتدیره مزسه تورکده هیچ بر کیمسه یه دینی
 تبدیل ایتدیره یه تشبث اتمز . تورکی ممنون ایتدیککیز زمان سزه
 بودعاده بولونور: «جناب حق عاقبتکی خیره تبدیل ایتسین !» اسلام
 علماسی «قلبلره هدایت احسان ایدن، جناب حقدیر» دیرلر. اسلام
 علماسنک کوزمل بر سوزی وارددر: «هر کسه ایلیک ایت ، جاهلرله
 جدال اتمه .» تورکیده هیچ بر وقت تصدیقات دینه وقوع بولماش،
 بالعکس تورکیه ، خریستیان تعصبنک قربانلرینه التجاکاه اولمشدر .
 تاریخه باقیکیز، ۱۵نجی عصرده اسپانیا و پورتیکیزدن قوغولان بیکلرجه
 موسوی تورکیه یه التجا اتمشدر ، اوراده و آنجق اوراده دوت عصر
 حضور وسکینت ایچنده یاشایابیللمشلردر . حال بوکه بو کوه قادار
 آینهده میلاد عیسی یورطیسنده یهودیلر سوقاقلرده کز مکه جسارت
 اتمزلر ، تورکیهده ایسه ارمنی وروملرک تجاوزلرینه معروض قالان
 یهودیلر دولت طرفندن حمایه اولونورلر .

تورکیه دولتمده بوتون اقوام و ادیانه منسوب انسانلر وارددر .
 تورکیهده جامعلر ، بلکه کلیسا و حاورالردن ده چوقدر ؛ فقط
 جامعلر ، کلیسالر و سائر معبدلره تعرض اتمزلر. ازمیرده واستانبولده
 قاتوتولیکلک پارس و لیونده کندن دها سربستدر . هیچ بر قانون
 اونلرک آیینلرینه تعرض اتمه مکدهدر . اولولر دفن اولونیورکن بر
 آلا ی راهبلر، موم طاشیان و مزامیر اوقویان پاپاسلر طرفندن تشییع
 اولونورلر . بوتون یورطیلر بوتون کلیسالر طرفندن تسعید ایدیلیر .

دیورلر که شرقك قاتولیکلرینی فرانسه ، اورتودوکسلرینی روسیه
 حمایه ایدیور . عجبا یهودیلرینی کیم حمایه ایدیور ؟ درت بش سنه
 مقدم ، رسول اسلامه تجاوز تهمتیه مظنون بر یهودی موصلک تورک
 والیسنه کتیریلش ، بوتون خلق بو حرکتدن متأثر اولمشدی . تورک
 پاشاسی مظنونک افاده سنه مطلع اولدیغی زمان شوسوزلری سویله مشدی :
 « بر آدم بو کبی تفوها تده بولوندیه در حال غضب الهی یه اوغراردی .
 یناء علیه بو آدمک بویله سوزلر سویله دیکنه اینانما یورم . اللهم
 عذابه اوغرامایان بر آدمه بن جزا ویره م ! »

مسامحه کارلغک بو نه کوزل بر مثالدر ! بوکا مقابل تورکیه ده
 « خریستیان کوپکارک » هر کون اشکنجه یه اوغرا دقلرندن ، یا خود
 هر کون قادینلرک چوواللره قونه رق قوناقلردن ده کزه آتیلدقلرینه
 اینانمایان قاج کیشی وارد ؟ ..!

تورکیه حکومتی ، آنجق آوروپالی میسونه لرلرک تورک مسامحه -
 کارلغندن استفاده ایدهرک تجاوزکار بر خط حرکت تعقیب ایتدکلرینی ،
 خلقک وجدانی مضطرب و دولتک ایشلرینی مشوش بر حاله کتیر -
 دکلرینی کوردیکی زمان وضعیتنی تعدیله لزوم کورمشدر .

تورکیه ده ایلك دفعه اولارق ۱۷۸۱ ده کورون لازاریستلر ،
 حکومت طرفندن هیچ بر مانعه یه تصادف ایتمه مشلر ، بالعکس خیرکار
 بر مقصد تعقیب ایتدکلری کورولدیکی زمان تشویق کورمشلردی .
 تورکیه حکومتک ارکانندن بری اولان حسیب افندی ۱۸۴۴ ده
 خیر پرور همشیره لرک مکتبنی زیارت ایتدکن صوکره مکتبک فقیر
 چو جوقلرینه محتشم مکافاتلر کوندرمشدی .

تورکلر نظرنده ایلك یایمق ، اک برنجی وجیهه در . تورک شاعری
 نای اوغلنه یازدیغی نصیحتنامه ده « قابوسنی فقیر و محتاجلره آجایی » توصیه

ایتمکده در . بونی یا یاق ، جامع انشا ایتمکدن ، مستمراً اوروج
طوتمکدن ، متعدد دفعه لر مکیه کیتمکدن خیرلیدر . خیرپرورلک ،
دیانتپرورلکدن آیری بر شی دکلدرد .

زکاتی ویرمهین بر آدم ، بر مسلمان اولمق حیثیتله یالکیز وظیفه سنی
ایفای اهل ایتش اولماز ، بلکه بالذات مسلمانلغی اهل ایتش اولور .
چونکه زکات ؛ نماز ، اوروج ، حج وشهادتین کبی ارکان اسلامیه دن بریدر .
دها باشقه بر یرده ده بو خیرپرورلکدن بحث ایتمشدم . خیرپرورلک
حدسز بر دین ، عقیده فرقی کوزه دیلمه دن ، شخصی خصوصت لر نظر
اعتباره آلینمادن یاپیلان بر شیدر .

موسیو (اوبسیفی) استانبولک کوپکلرندن بحث ایدیورکن
دیورکه : « اوروپالیرک متمادی آولامقده اولدقلری کوپکلر شهرک
اک اوجرا طرفلرینه التجایه مجبور اولمشلردر . شهرک بو حوالیسند
کوپکلر کندیلرینه باقاجق ، یاورولرینی اولومدن قورویاجق ، صوک
دمنده اونلره بر شی تبرع ایده جک شفیق وحمیتلی انسانلر بولویورلر .
کوپکک طوموز کبی تورکلر نظرند تمیز تلقی ایدیلمه دیکی دوغرودر .
بناء علیه کوپکلر نهولرک ایچنه آلیمازلر . فقط تورکلر کندیلرینی ،
کوپک کبی حیوانات اهلینه ک حامیلری عد ایدرلر .

« پیغمبر اسلام ، شفقتی امر ایتش ، بونک باشلیجه فضائلک بری
اولدیغنی ، بوتون حیواناته مرحمتک تشمیل اولونماسنی امر ایتمشدر . »
« الحاصل کله نک حقیقی معناسیله ، بو کونه قدر باربار معامله سی
کوستردیککیز تورکلر قدر انسانیتپرور بر ملت کورمه دم . » [۱]

[۱] بو کونکی تورکیه عنوانلی اثرنده میس (پاردو) دیورکه : « تورکلر ،
حیوانات اهلیه یه اک عظیم شفقتی کوستیریرلر . بوندن دولاییدر که سوت نه من
قوزولری کسمزلر . بر دفعه بر انکلیر سپورجیسی بر قایقلا کزیورکن
باشنده اوچان بر مارطی بی وورمش ، بر آدم اولدیرمش قدر قایقجیلر
طرفندن مؤاخذه اولونمشدی .

اویسی فسم

برهانك ردی

بهتانك ردی

حضرت محمد عالمپنده کی بهتانلر دوت اساسه ارجاع اولونابیلیر :

» ۱ — حضرت محمد کندی اثری اولان بردینی، وحی الهی ادعاسیله نشر ایتمشدر .

» ۲ — محمد دینی قلنجله نشر ایتمشدر .

» ۳ — محمد ؛ قرآنده مادی و حظوظ آور بر جنت تصویر ایتمشدر .

» ۴ — محمد تعدد زوجاته جواز ویرمشدر .

ایشته بز المزدن کلدیکی قدر بو بهتانلری رده چالیشه جعفر .

۱

مسلمانلار بر دین الهمیدر

حضرت محمدك هر درنو حرصدن آزاده اولدیغنی، حیاتنك بوتون شرائطی اثبات ایتکده در. بو حقیقت بالخاصه شونکله ثابتدر که حضرت محمد دینك کوکله شدیکنی کوردیکی ونا محدود بر قوتی حائز بولوندیغنی حالدده کندینی بویولتمك ایچون بوندن استفاده ایتهمش ، اصل ساده لکنی ذره قدر فدا ایتهمشدر . شهوات نفسانیه یی تطمین بختنه

كلنجه حضرت محمدك زماننده حدسز ، پايانسز تعدد زوجات عادتى شايعدى . بناء عليه شهوات نفسانيه نك تطينى آرزو اولونيورسه تعدد زوجات تحديد ايديلز ، بالعكس اونك حدسز لكندن استفاده اولونوردى . حضرت محمدك حياتندن بحث ايدر كن بونقطه يه دائر سويله دكلر يمزه شونى علاوه ايده لم كه پيغمبر هيچ بر وقت فوق البشر اولديغنى ادعا اتمشمس ، بالعكس « بن سرك كى بر انسانم » ديمشدر . هم پيغمبر ، هم حكمدار اولان حضرت (داود) ايسه « اللهمك الهامنه كوره توفيق حركت ايدن » و « ديان معبدينك اوزرنده كى قارلر قدر تميز » انساندى . توراتك بياننه كوره : (مصل) ك ايكنجى قيزى (ميكال) ، داوودك برنجى زوجه سیدی . داوودك دور منكو بيتى اناسنده بوزوجه كندندن آليشمشدى . بونى متعاقب حضرت داوود متعدد قادينلرله اوله نمش ، وايلاك زوجه سنى ايسته مكدده اصرار اتمشدر . فقط (ميكال) كنديسنه اعاده اولونمادن ، وارمش اولديغى ديكر بر آدمدن جبراً آليشمس ، ميكالى چوق سهون بو آدم ، بر چوجوق كى آغلایارق زوجه سنى تعقيب اتمشدى . ۱۰]

خريستيان محررلر حضرت محمد هجوم ايدیور كن صيرچه دن بر او ايچنده اوتوردقلرينى اونو تماسه لر دها اي اولمازمى ؟ حضرت محمد احراز اقتدار خصوصنده آنجق حضرت موساك خط حركتنى تعقيب اتمشدر . حضرت موسى بر رئيس ، بر رهبر ، بر شارع صفتنى حائر اولماسه بنى اسرائيلى مصر دن چيقارامازدى . بو يوزدن بر كيمسه حضرت موسايى بو خط حركتى تعقيب ايتديكندن دولاي حرص ايله اتهام اتمه يي دوشونمشمشدر . چونكه حضرت موسى اواقتداردن محروم اولسه يدى ، يهووانك كنديسنه توديع

ایتدیکی رسالتی ایفا ایده مزدی. عربستانده ده وضعیت بوکا مشاهدی. عربستان یکدیگریله محاربه ایتکده اولان مختلف قبیله لرله مسکوندی. بونلری برلشدیرمک و بر «کل» حالنه کتیرمک ایچون حضرت محمدک بونلرک ریاستنی درعهده ایتمه سی، بونلره مسلمانلنی تلقین ایتمه سی لازمدی. بو حرکت، شخصی حرص کبی برتهمتدن تمامیه آزاده در.

حضرت محمد و اونک عقائدینه مبذولاً عطف اولونان ساخته لک تهمتنه کلنجه، رسول اسلامک، حضرت عیسی کبی، «توحیدباری» عقیده سنی تعلیم ایتمه سی، بو اتهامک حقسزلغنه اک قوتلی شاهددر. مع مافیله ساخته لک، اونک نبوت ادعاسنه قارشى درمیان اولونیورسه بوکاده امکان یوقدر. بت پرستلکی احما ایده رک وحدانیت الهیه یی تعلیم ایتمک رسالت الهیه ایله یاپیله بیله جک برایش اولدینی هر کسجه مسلمدر. حضرت محمدایسه عربستانده توحیدباری عقیده سنی اوقادار صاعلام بر صورتده تأسیس ایتمش و اورادن بت پرستلکی اوقدر مؤثر برشکلده الغا ایتمشدر که بردها بت پرستلک هر هانکی شکلده اوراده ظهور ایتمه مشدر. حال بوکه اقوام خریستیانییه آراستده بت پرستلک یکیدن ظهور ایدنجه دینکرلرینه فائق اولان خریستیانلر، بتلری قبول ایتمین خریستیانلری دینسر تلقی ایده جک درجه ده ایلری کیتمشلردی. ۱۰]

حضرت محمدک تعالیمی، انسانلرک بربرینه قارشى تعقیب ایده جکلری **خط حرکتی تنظیم ایده ن وظائف اخلاقیه یی تعلیم ایدر.** قرآن کریم بو وظائفی شایان حیرت بر بلاغت و اصرار ایله اقاده ایلر. بونی اسلامیتک اک مدهش دشمنلری بیله اعتراف ایدیورلر.

۱ [بیزانس ایمپراطوریمچه سی (ایرین) اوغلی (قسطنطین) ک کوزلرینی چیقارتدقدن صوکره تخته چیقمش، ۷۸۷ده ایزنیک قونفرانسنی طوبلا تدره رق اصنام و هیاکله عبادتی احیا ایلده مشدر.

بعض خریستیان محررلرینک استهزا ایله یاد ایتدکاری بر مسئله؛
 «اسرا» حادثه سیدر . بو محررلر ابلیسک حضرت عیسانی بیابانلرده
 دولاشدیردیغنه اینانیورلرده حضرت محمدک معراجنه نیچون اینانمایورلر؟
 متی؟ انجیلنک دردنجی اصحابنده بیان اولوندیغنه کوره «ابلیس
 یسوعی آلارق چوق یوکسک برداغه چیقارمش ، جهانک بوتون
 مملکتلرینی و شرفلرینی کوسترمشدر .» اسرا حادثهک مجازی اولدیغنی
 سویلر سهک اونک غیر قابل ایضاح بر نقطه سی بولونمادیغنی آکلاشیلیر .
 مثلاً «براق» برقدن دها سریع بر صورتده حرکت ایدن «فکر» دره .
 رسول اسلام ایله حضرت جبریلک یوکسلدیکی «نور مردیوه نی» ،
 بوتون سماواتی کچهرک عرش الوهیته یوکسلن «تأمل» در . اوتوشی
 ذات کبریایی خوشنود ایدن قوشک سسی ، مؤمنلرک عبادتیدر . .
 بوتون خریستیان الیهیاتجیلری مشغول اولدقلری مسائلی حل ایچون
 مجازواستعاره یه کووه نیورکن مسلمانلری نیچون برحققدن محروم ایتک
 ایسته یورلر؟ خریستیان الیهیاتجیلری اله حقیقتی تمثیل ایدن بر پیغمبرک
 (آخاب) ی آلداتمق ایچون یالانجی برروح ایله استشاره ایتمه سی کی
 ابله فریبانه بر شیئی تأویل ایدیورلر . توراتک (ملوک اول عنوانلی
 سفرینک یکر می ایکنجی اصحابنه کوره «رب دیدی که: آخابک (راموت
 جلعاده) کیدوب اورایه آتیلماسنی کیم تأمین ایدر؟ بری شوپله ،
 دیگر ی بویله جواب ویردی . بونک اوزرینه بر روح کلدی، ربک
 اوکنده طوردی . بن اونی آلداتیرم ، دیدی . رب ، ناصل؟ دیدی .
 اوده چیقارم ، بوتون پیغمبرلرک آغزنده یالانجی برروح اولورم .
 دیدی . رب ، آلداتابیلیرسک، ومقتدر اولورسک دیدی . کیت یاپ .»
 سلیمانک بوتون ترنماتی ، حضرت عیسانک کلیساسنه اولان محبتنی
 افاده ایدن بر مجاز تلقی اولونمایورمی؟ عهد جدیدده عینی شی تطبیق

اولونیور. چونکه حضرت عیسیٰ کښندن بحث ایډیورکن، اوزوم،
یول، قاپوکلرینی قوللانیور، اتمک وشرابک کندی بدنئ وکندی قانی
اولدیغنی سویله یور. بونک مجازی بر صورتده قبول اولونماسی یوزندن
خریستیانلر آراسنده عیسانک اتمک وشرابی بدننه وقانه تحویل ایتمک
کبی بت پرستانه بر آیینک وجود بولماسنه سببیت ویرمشد. مع مافیه
مسلمانلقد بوی شیلره، برپاپاسک سویله دیکی سوزلرله شراب واکمک
قانه واته تحول ایتمه سی کبی جاهلانه، حماقتکارانه هیچ برشی یوقدر.
حضرت محمدک یکی بر دین کتیرمه دیکنی، بالعکس اللهک ابراهیم
و اسماعیل و حی ایتدیکی دینی احیایه کلدیکنی سویله دیکی حاله.
اونک یکی و مصنع بر دین تعالیم ایتدیکی سویله نیلمکده در. فقط
اکر بو دین اسکیلردن، هدف عبادت، و اوکره تدیکی وظائف
اخلاقیه ایله آریلیورسه او حاله موسانک، عیسانک و محمدک دینلری ده
یکی بر دین ده کلدی. حضرت موسانک دینی، آدم، نوح،
ابراهیم، اسحق، یعقوب و اسماعیل دینی احیا ایډیور، وحدانیت
الهییه یی تقریر ایډیور، اللهه محبت و اطاعتی توصیه ایډیور، اراده
الهییه و جمعیت بشریه نک تحمیل ایتدیکی وظائف اخلاقیه نک ایفاسنی
تعلیم ایله یوردی. حضرت عیسیٰ هر شینک فوقنده اللهی سه و مه مزی،
کندی مزی سه و دیکمز قدر قومشولرمزه محبت کوسترمه مزی اوکره.
تیوردی. بوبوتون انبیانک تبلیغ ایتدیکی احکامک عینی در. بناء علیه
عیسانک عقیده سی ده یکی برشی ده کل، حضرت موسیٰ طرفندن
تبلیغ اولونان عقیده نک عینی ایدی. شو فرق ایله بربریمزه قارش
ایفا ایده جکمز وظائف اخلاقیه اسکیسندن ده قوتلی بر صورتده
امر اولونمشدی. «کندی نه ناصل معامله اولونماسنی ایسته یورسه ک باشقه
لرینه ده او یله جه معامله ایت» قاعده الهیه سی انسانلرک الک جاهلنه قدر هر کسک

رعایت ایدہ جکی اساسات اخلاقیہ یی تلقین ایدیوردی .

حضرت عیسانک زمان ظهورندہ یهودیلرک اخلاقی مدہش برتردی یہ اوغرامشدی . خودپرستلک چوقدن بری جانیانہ برماہیت آلمشدی . صنوف روحانیہ ایلہ خلق ایچندہ شایع اولان اخلاق، خست، غصب و غارت، ظلم و تضییق ایدی . دین نامنہ منحصرأ بر طاقم مراسم و آیینلرہ رعایت، محض استقامت عد اولوندیغندن قیصہ بر زماندہ بونلر حقیقی معنارینی ضایع ایتمشدی . حضرت عیسانک رسالتی بوفناالقرک اوکنہ کچمہ یی استہداف ایدیوردی . بودہ حضرت عیسانک اساس اعتباریلہ موسویلکی احیایتمہ یی استہداف ایتدیکنی کویسترد . حضرت محمدک وظیفہ سی، یالکز عقائد اخلاقیہ یی اوکرہ تمک دہ کل، بوندن باشقہ، اللہ عبادتی تأسیس ایتمکدی . چونکہ ایچندہ ظهور ایتدیکی خلق، عقائد دینیہ ووظائف اخلاقیہ اعتباریلہ صابمشدی . بو اعتبار ایلہ حضرت محمد، حضرت ابراہیمک دینی احیا ایتمش، و دین ابراہیمی احیا ایتمہ یی استہداف ایتدیکنی سویلہ دیکی زمان آنجق حقیقی افادہ ایلہ مشدی .

مملکتندہ بویوک و دواملی تجددلر وجودہ کتیرہ رک وحدانیت الہیہ یی تأسیس، متردی وقورقونج بت پرستلکی احما؛ چوجوقلری دیری دیری کومک عادتتی افنا؛ ایچکی و قمار کبی تردی اخلاقینک منبئی اولان فناالقری منع؛ حدسز، پایانسز تعدد زوجاتی اصغری درجہ یہ تنزیل ایدن بویوک برمجددک ساخته کار وریا کار عداولونماسنہ امکان وارمیدر؛ بورسالت الہیہ نک مصنع اولدیغنه قائل اولابیلیرمی یز؛ اصلاً! حضرت محمد آنجق حقیقہ صمیمی بر شعور ایلہ بو قدر ثباتکارانہ و مقدمانہ حرکت ایدہ بیلیر و ذرہ قدر صارسیلمادن، خدیجہ یہ افشای راز ایتدیکی کوندن عایشہ نک قوللارندہ ترک حیات

ایتدیکی کونه قدر چالیشه بیلیردی .

انسانلرک وجدان و حرکاتنده بویوک برانقلاب یاپاییلن برانسان، محقق که ، خالقنه قارشى ایمان تام ایله متحسس صمیمی و صادق بر انساندر . بو انسان دوغرون دوغرویه ذات کبریآنک ید تقدیرنده اولدیغی کبی رسالت الهیه بی ده حائزدر .

حضرت محمد رسالتنه صورت قطعیده قاعدی . بو قناعت اساسسز ده کلدی . هر درلو استهزا و حقارت ایله قارشیلانان رسول اسلام، یولندن قیل قدر آیریلما دی . تهیدلر، اشکنجه لر اونی توحیدباری عقیده سنی تلقیندن ، زماننده شایع اولان اخلاقدن چوق یوکسک براخلاقی تعلیمدن آلیقویمامشدر . حضرت محمد ، سلطنت پشنده قوشمادی، ریاست روحانیه احرازینه اوغراشمادی . مسامحه ایسته دی، انسانلری اقناع ایدرک حق یولنه دعوت ایچون حریت ایسته دی . انسانلرک عدالتنه رعایت ایتمه لرینه چالیشدی ، مرحمتی سودیرمه یه اوغراشدی . حضور باریده تواضعی او کره تدی . بوتون بونلرک مؤیده سی اولارق انسانلرک حشر و نشر اولونا جغنی و روز قیامتده محاکمه اولونا جقلرینی سویله دی . محمد ، «حق کلدی، باطل زوال بولدی» آیتلرینی او قویارق کعبه نك (۳۶۰) بتنی خردوخاش ایتدی . بو وظیفه سنی اکمال ایتد کدن صو کره باشقه لری کبی (مکه) ده تختی قورمادی . بت پرستلکدن قورتاردیغی کعبه نك یاننده بر سرای انشا ایتدیرمه دی . بالعکس آبا واجدادینک شهرینی ، ملتینک مرکزینی ، دینک حرمنی ترک ایدرک محنت و مشقت زماننده کندیسنه یار اولانلرک آراسنده کی متواضع خانه سنه عودت ایتدی .

مسلمانلار قلیجه انتشار ایتمه مشر

مسلمانلار قلیجه انتشار ایتدیکی تهمتک بر درجه یه قدر دوغرو اولدیغنی فرض ایدرک بت پرستاردن بر مقدارینک وحدانیت الهیهی طانیماق اوغورنده اولدکلرینی قبول ایدلم، فقط بوکا جواباً دیرزکه جناب حق طرفندن امر اولونان بر شی، هیچ بر وقت ظلم تلقی ایدیله مز. خریستیانلر جناب حق، بت پرست کنعانلیلری، بت پرست اولدقلرندن دولایی بنی اسرائیل طرفندن احما اولونمالرینی امر ایتدیکنه، حتی (یا هووا) نک بو امری انفاذ ایتدیرمک ایچون بر معجزه ایشله دیکنه، (یوشع) ک بوتون دشمنلری افنا ایتمه سنی تأمین ایچون شمس ایله قمری یرلی یرنده دور دوردیغنه معتقددرلر. مادام که خریستیانلر بو اعتقادی پرورده ایدیورلر، محمد عینی وساطتی قوللانماسنه اعتراض ایتمه ملیدرلر. یوقسه محمد زماننده کی بت پرستلک، موسانک زماننده احما اولونان بت پرستلکدن داها فضله نزد الهیده مقبول اولدیغنی ادعا ایتک کی بر تناقضه دوشرلر.

حضرت محمد حربلره کیریشدیکی محققدر. فقط اونک حربلری موسانک حربلری کی احما حربلری ده کلدی. حضرت محمد شایان تقدیر هدفی عربستانی بر اشدیرمک، بر دولت وجوده کتیرمک، اونلره هر شیئک خالق اولان بر الله عبادت ایتیهی او کره تمکدی. حضرت محمد مسلمانلغی قبول ایدنلری عالیجنابانه بر صورتده قبول ایتمش، اونلره قوللرینی آچمش، فقط متجاوزلری تنکیل ایتدیه ده معصوم قادینلرک، قیزلرک و چوجوقلرک قانی قورومشدی.

خلاصه ، حضرت محمد ، مسلمانانغی قبول ایده نلره ادنی بر تجاوزده بولونلامسنى امر ایتش ، اونلره قاردهش معامله سنك تطبیقنى طلب ایله مشدی . موسی ایسه بالعکس ، قطعاً مرحمت کوسترمیه ركه اقوامی استیصال ایله مشدی . حضرت محمد طرفندن بویله برشی یاپیلاماش ، یالکیز خریستیانلر ، بالخاصه اسپانیوللر (پورو) ایله مکسیقالک فتحی اثناسنده بو خط حرکتی تعقیب ایتشلردی . [قرآن کریمک هیچ بریرنده ، بوتون انسانلغک قبول ایتدیکی عدالت و مرحمت مفکوره لرینه منافی برتک امر کورولمز . حال بو که بو کون آلرده کزن کتاب مقدس ده شو امر لروارد : « موسی ، دیدی ، رب امر ایدیور ، هر آدمک یانی باشنه قیلیجی قویکیز . صوکره اوتاغک ایچنه کیریگز ، چیقیگز ، هر آدمی وقرده شنی ، هر آدمی و آرقاداشنی ، هر آدمی و قومشوسنی اولدیریگز » ۲]

« یشوع اسرائیلک ربی طرفندن ویریلن امره توفیقاً بوتون مملکتی قیردی کچیردی ، بوتون حکمدارلری اولدیردی ، کریده برشی بیراقادی . هر ذی حیاتی احما ایتدی . » ۳]

« صموئیل شاوله دیدی که کیت ، عماقه یی وور ، نه لری وارسه احما ایت ، هیچ برینی قوروما ، ارکک ، قادین ، چوجوق ، امزیکلی یاورو ، اینک ، کچی ، دوه ، اشک هپسنى کس . » ۴]

« ربنک سکا میراث ویردیکی بوتون بلده لرك اهاالیسندن نفس آلان هیچ برینی قوروما ، هیتیتلری ، اموریلری ، کنعانیلری ، حویلری ، یبوسیلری ، ربنک امرینه توفیقاً احما ایت » ۵]

۲] اسپانیوللر ۱۲ میلیون هندلی یی افنا ایدیورکن حرکتلرینک کتاب مقدسک تصویبى حائز اولدیغنى ظن ایدیور ، بنی اسرائیلک کنعانه یابدقلىرنی اورنک اتخاذا ایدیورلردی . (لاس قاساس) دیورکه : « (سن دومینقو) و (ژامایقا) آدلرنده اون اوچ حوارینک شرفنه اون اوچر هندلی یی بردن اعدام ایدهن سهپالر اقامه اولوندیغنى بالذات کوردم . هدها صوکره عینی محرر دیورکه : « کوپکار طرفندن یارچالانغی اوزره دیری دیری چوجوقلرك آتیلدیغنى ده کوردم . »

۱] کتاب الخروج ۳] یشوع ۱۰ ، ۴۲ ، ۴ [صموئیل اول ۱۵ ، ۳۰
 ۵] کتات تنیه .

صوکره حضرت عیسا طرفندن جبلده ایراد اولونان ومنحصراً
 مرحمت تنفس ایدن موعظه سنک نرمسند، بالاخره اونک نامنه
 ارتکاب اولونان اعتسافاتی تأیید، یاخود اونلرک ایقاعنی ترویج ایدن برشی
 واردرد؟ بوتون بواعتسافات کیسه عطف اولونا بیلیر؟ بوسؤالک جوابی
 قولایدرد. بونلریا گلش یره بویوک عنوانی طاشیانی (قسطنطین)ه عائدرد.
 حضرت عیسانک ارتحالندن صوکره اونک عقائدی بربرینی متعاقب
 ایکی آیری شکلده تأویل اولونمش و بونلره خریستیانلق نامی ویریلشدی.
 بونلرک برنجیسی پول، حنا کبی حواریونک حائز اولدقلری صلاحیتله
 ایلری سورولمش، ایکنجیسی (قسطنطین) طرفندن وقوع بولمشدر.
 صرف سیاسی سائقلرله خریستیانلغی قبول ایدن، فقط ارتکاب
 ایتدیکی ظلملردن دولای کندیسنه بحق ایکنجی (نهرن) عنوانی ویریلن
 (قسطنطین) ۳۲۴ ده اجتماع ایدن (ایزنیق) قرنفرانسنه ریاست
 ایتمش، ایلک دفعه بو قونفرانسده عیسانک الوهیتی قبول ایدیلشدی.
 آردی آراسی کیسله یین، قانلی، فقط فائده سز مجادلات دینییه ده
 بیکلرجه خریستیانک اک مدهش اشکنجه ایله قانی دوکولمش، بربرینی
 قاردهش و دوست تلقی ایده جک انسانلرک بو حالنی کوردهن، (یوافته ر)
 بسقبوسی و آباي کلیسانک اسکیلرندن بری اولان (سن هیله ر)
 دردنجی عصر میلادیده بووضعیتی شوسوزلرله تقییح ایتمشدی :
 « بونه شایان تلطف برحال و نه تهلمکلی وضعیتدر که انسانلرک
 دوشونجه لری صایسنجه مذهبیلری، آرزولری مقدارنجه عقیده لری، خطا
 وقصورلری عددنجه ضالالتلری وار. بونک سببی بزم مذهبیلریمزی کیفی
 بر صورتده وجوده کتیرمکله کمز، وینه کیفی صورتده ایضاح ایتمکله کمزدر..
 هر سنه، خایر هر آی، یکی مذهبیلر وجوده کتیره رک کوزه کوروغمه یین
 اسراری کشفه تصدی ایدیوروز. یاپدیغمزه پشیمان اولویوروز. پشیمان

اولانلری مدافعه ایدیورز . مدافعه ایتدکلریمزی تلغین ایدیورز .
یاخود باشقه لرینک عقیده لریتی تقبیح ایتمکه کند ی عقیده لریمزی
تقبیح ایتمش اولیورز . یاخود کند ی عقیده مز ی تقبیح ایتمکه باشقالرینک
عقیده سنی چوروتیورز . بربریمزی تارمار ایتدیکمزدن بربریمزک
خرابیسنه سبب اولویورز ۱۰]

ایزنیق محنده قسطنطین ۲] پاپاسلره اک مصیبت انکیز نتیجه لری
تولید ایدن نفوذ و اقتداری بخش ایتشدی . بو حادثه نك سببیت و یردیکی
فلاکتلرک خلاصه سی بوجه آتیدر: غیرمتجاوز مسلمانلره و تورکلره
قارش ی طقوز اهل صلیب حربنک تخریبات و قتل عاملری . بویوزدن
ایکی یوز سنه ظرفنده میلیونلرجه انسان محو اولمشدی ، انا پاپیستلر
قتل عام ایدیلش ، لوتهر مذهبنک سالک لریله پاپیستلر احما اولومش ،
سکزنجی هانری ایله قیزی ماری طرفندن قتل عاملر امر ایدیلش ،
سن بارتلمی ۳] قتل عامی وقوع بولش ، برنجی فرانسیس ایله دردنجی

۱] (کیبون) ک رومانک اضمحلال و سقوطی عنوانلی اثرندن
۲] قسطنطین زوجه سنی قاینار صو ایچنده بوغمش ، کند ی اوغلی
(قریسیوس) ی اعدام ایتمش ، همشیره لری قونستانیا ایله اناسطاسیانک
قوجه لرینی اولدیرمش ، قاین پدری (ماقسیمیلیان هر قول) ی قتل ایتمش ،
همشیره سنی قونستانیانک اون ایکی یاشنده کی اوغلیله دها باشقه لرینی اولدیرمشدر .
بونلرک آراسنده سوپاتور نامنده بت پرست بر راهب واردرکه (قسطنطین) ی
قاین پدرینی اولدیرمک کنه اندن آزاد ایتهدیکی ایچون اولدیریلشدی . ایلاک
خریستیان ایمراطور بو ماهیتده بر آدامدی ! ...

۳] یالکز پارسده (۵۰۰) موقع صاحی انسان ایله (۱۰۰۰۰)
کیشی محو اولدقدن باشقه ولایتلرده ده بیکلرجه انسان اولدیریلشدی . پاپا
۱۳ نجی غریغوری ، مرتکبلری عفو ایتدکدن باشقه بو حادثه نك تسعید
اولونماسنی طلب ایتمش ، بناء علیه چوق محتشم آیینلر پاپیلشدی . کند یسنی
حضرت عیسانک خلیفه سی عد ایدن بو آدام او قدر حیاسزلق کوسترمشدرکه
بو حادثه دولایسیله بر مادالیه نك ضربنی بیله امر ایتمش ، مادالیه نك بر طرفنه
کندی صورتی ، دیگر طرفنه تخریبکار ملکک رسمی باصیلمش ، آلتنه
« هوغونولرک قتلی » کله لری حک اولونمشدی .

هانری نك دورلری آراسنده کی قرق سینه ظرفنده متعدد قتل عاملر دوام ایتمش، انکیزیسیونلرک قتل عاملری ۱] مجادلات دینه اثناسنده وقوع بولان قتالر، یکریمی سینه پاپالر پاپالرله، پستیوسلر پستیوسلرله، دو کوشمشلر؛ انسان زهرله مک، کیزلیجه آدام اولدیرمک کی جرملر شایع اولمش، هر بری نهرونلری، قالیغولالری کریده براقان اون ایکیدن فضله مدعی پاپالر هر دورلو ۲] جرمی، جنایتی، خبایتی ارتکاب ایتمشلر، یکی دنیا اهالیسندن اون ایکی میلیون انسان احایدیلمشدر!

اعتراف ایتلی یز، اون درت عصر دوام ایدن بو قدر قورقونج وفاصله سز محاربات دینه سلسله سی آنجق اقوام خریستیانیه آراسنده کورولمشدر. «بت پرست» کله سیله تحقیر اولونان ملتلردن هیچ بری برطاقم جعلیات اوغورنده بر دامله قان دوکمه مشدر.

«زوریو» دیر که حقیقتی سربسته جه سویله ملی یز. فرانسه قراللری قوفریونلرله ساقه ونلرک مملکتنده خریستیانیخی جبرایله تأسیس ایتمشلردر. شمالده عینی خط حرکت تعقیب اولونمشدر. پاپالری تقبیحه جرأت ایدن واله نسلرایله آلییجه نسلر آراسنده، ویکی دنیاده عینی شکلده حرکت اولونمشدر. بوندن ده آکلاشیلیور که حضرت محمدک دینی قوتله نشر ایتمه سنی شایان مؤاخذه کورمه مزه محل یوقدر. چونکه قوت استعمالی

۱] (لورهنت)ک حسابنه کوره ۱۴۸۱ ایله ۱۸۰۸ آراسنده انکیزیسیونلر طرفندن احراق اولونانلرک عددی (۳۴۰۲۴) ه بالغدر.

۲] ۱۶۲۷ ده پاپا (اوربان) نشر ایتدیکی بر امرنامه ایله پاپادن مساعده آلمادن ویرکی طرح ایدن امرابی، تورکلرله ویا کلیسادن آیریلنلرله معاهده عقد ایدنلری، روما محکمه سنک احکامنه اعتراض ایدنلری، کاملاً تلغین ایتشدی.

عجبا حضرت محمد، یاخود اونک دینه منسوب بر کیسه هیچ بر وقت کندیسنه بوقدر صلاحیتلر ویرمشیدر...؟

فنا برشی ایسه بزمده بوندن استفاده ایتمه مز کر کدی . حال بو که بز
 دردنجی عصر میلادیدن عصر حاضره قدر اوندن استفاده ایتدک .
 بوکا رغماً خط حرکتیزک انجق شایان تحسین اولدیغنی سویله یورز .
 مادام که بویله در . بو خط حرکتک ، بو وسائطک مشروع اولدیغنی
 اعتراف اولونمالیدر . یوقسه برنجی عصرده جنائی عد اولونان برشیئک
 دردنجی عصرده مشروع طانیماسی ، یاخود دردنجی عصرده مشروع
 اولان برشیئک برنجی عصرده مشروع کورولماسی عین حماقتدر .
 دردنجی عصرده جناب حق یکی برشریعت کوندرسهیدی بونی ادعایه
 امکان تصور اولونوردی . خریستیانلر آنجق وعظ ایله مأمور اولدقلری
 حالده ، کندی دینلرینه منسوب اولمایانلری آتش وقیلیجله احما
 ایتشارددر .»

مشهور مورخ (کیون) مسلمانلرک مسامحه کارلغیله خریستیانلرک
 تعصب و اعتسافکارلغنی شویله جه کوسترییور: «مسلمانلر طرفندن وقوع
 بولان حربلر، حضرت محمدک تصویبیله وقوع بولویوردی . مع مافیله حضرت
 محمدک خلفاسی ، اونک حیات و سیرتندن آلدقلری درسلدن ، غیر
 مؤمنلرک مقاومتنی کندیلمکندن قیره جق مسامحه کارلغنی انتخاب ایتشارددر .
 حضرت ابراهیم، حضرت موسی و حضرت عیسانک اتباعی حضرت
 محمدک دینی قبوله دعوت اولونمشلر، معتدل جزیه نیک تأدیه سنی قبول
 ایتدقلری تقدیرده کندی دینلری اوزره قالمق حریتنی احراز ایتشارددی .»
 حضرت محمدک مسامحه کارلغنی حقنده ایراد اولونان بویاناتی تأیید
 ایچون (میث) پسقپوسی طرفندن «شرق ایله سائر مملکتلرک وصفی»
 عنوانلی اثردن، رسول اسلامک سینا راهبیلرله عمومیتله خریستیانلره
 ویردیکی براتی نقل ایدیورز . مؤلفک تقوا پرورلکی ، استقامت
 ووقوفی وثیقهنک صحنه شاهددر . وثیقہ بروجه آتیدر :

حضرت محمد طرفندره بیضا راهبهریدر عموم خریستیانامره ویریلن برات :

حضرت محمد طرفندن ویریلن براتك ماده لری شونلردر :

۱ — هرکیم بو عهدنامهك احکامنه مخالفت ایدرسه عهد الهی به مخالفت ایتمش اولور ، وکیم اولورسه اولسون لعنته مستحق اولور .
 ۲ — راهب لردن هر هانکیسی سیاحت ایدهرك برداغ ، تپه ، کوی ، دکز ویا چولده ، ویا بر مناستر ، کلیسا ویا معبدده یرلشیرسه حمایه اولونا جق ، کندیسنه هر درلو تسهیلات کوستریله جك ، مالی و جانی محافظه ایدیله جکدر .

۳ — بونلردن بر کونا ویر کو ویا جزیه آلینمایا جق ، بویله برشی اعطاسنه اجبار ایدیلمیه جکلردر .

۴ — بونلرک حاکملری ، والیلری ده کیشیدیر یلمیه جك ، بو مأمورلر مأموریتلرندن عزل ایدیلمیه جکلردر .

۵ — سیاحت اشناسنده بونلر بر کونا تجاوزه اوغرامایه جقلردر .

۶ — بونلر ، کندیلرینه عائد کلیسالردن اخراج ایدیلمیه جکلردر .

۷ — بونلرک حاکملری ، والیلری ، زاهدلری ، مریدلری ،

خدمتچیلری ، هر هانکی ویر کویه تابع اولمایا جقلردر .

۸ — بو عهده تجاوز ایدنلر امر الهی به تجاوز ایتمش اولورلر .

۹ — داغ باشلرنده منزویانه بر حیات امرار ایدنلر ویرکی واعشاره

تابع ده کلدرلر .

۱۰ — محصولاتك بر کتلی زمانلرنده خلق بونلره بر حصه

ویرمه لیدرلر .

۱۱ — حرب زمانلرنده بونلر اقامتگاهلرندن اخراج ایدیلیمه جکله،
حربه اشتراکه اجبار ایدیلیمه جکله، و کندیلرندن برشی طلب
اولونمایا جقدر.

[بوماده لر راهبره متعلق هر شیئی متضمن اولدینی کبی مواد
آتیّه بوتون خریستیانلره عائد خصوصاتی ایضاح ایتمکده در.]
۱۲ — مقیم اولان خریستیانلر، تجارت و ثروت صاحبی
اولانلر ویرکی اعطا ایدرلر.

۱۳ — خریستیانلردن باشقه برشی آلیماز.

۱۴ — شاید بر خریستیان قادین بر مسلمانله ازدواج ایده جک
اولورسه زوجی اونی کلیسایه کیدوب عقیده سینه کوره ایفای عبادتدن
منع ایتیمه حکدر.

۱۵ — خریستیانلر کلیسالرینی تعمیر ایتمکدن منع اولونمایا جقدر در.
۱۶ — بو شرائطه رعایت ایتمینلر اوامر الهیهیه مخالفت ایتش
صایبلیرلر.

۱۷ — بونلرک علیمنده بر کیسه سلاح طاشیمایه جق، بالعکس
مسلمانلر اونلری مدافعه ایده جکله در.

۱۸ — مسلمانلر بو عهدنامه نك احکامنه علی الدوام رعایت
ایده جکله در.

بو عهدنامهیه اصحاب کزین شاهد اولارق امضالرینی قویمشله در.
بوتون بو ایضاحات حضرت محمد علیمنده وقوع بولان ایکنجی
اتهامکده اصل واساسدن عاری اولدینی کوسترر.

قرآنك تعریف ایتدیكى جنت

حضرت محمدك علیهنده درمیان اولونان دیگر برتہمت ده اونك
کتیردیكى شریعتہ توفیق حرکت ایدنلرہ واونك تعالیمہ کورہ یاشایانلرہ
موعود اولان جنتك حظوظات مادیہ ایله مالامال اولماسیدر. فقط بونی ده
تأمل ایتدیكمز تقدیرده خریستیانلرك ابلهفریبانه تصوراتنك ناممحل
اولدیغنی کورورز. قیامت کوننده وجودیمزك فوق التصور برشکل
اكتساب ایده جکنه، وحواسمزدن هر برینك اك بویوك اذواقی
ادراك ایده جك درجه ده خارق العاده نشاط وفعالت احراز ایله جکنه
ایناندقن صوکره بونده آکلاشیلمایاجق برشی قالماز. چونکه
بوملکاتك فعالیتنی سلب ایدر، اونلرك ایفاسیله متلذذ اولاجقلری
وظائفی ایفا ایتدیره مزسهك اونلرك عادتاً بزه بلامقصد بخش ایدیلدیکنی،
بلکه بزى متماذیا منکسر و متألم ایتك ایچون ویریلدیکنی کوسترمش اولورزه.
مادام که قیامت کوننده بزه بدنمز و حواسمزدہ اعاده اولونا جقدر،
او حالده حواسمزك اوراده ده نائل اولاجنی شیلردن متذوق اولماجغنی کیم
سویله بیلیر و بو کی اذواقدن متلذذ اولق ناصل بر کنه، بر جرم
ویا تردی تصور اولونا بیلیر؟ بالخاصه تقييح اولونان ذوق جنسی به
کلنجہ بو ذوق دنیا ده ظهور ایدن اك مکمل مخلوق اولان انسانه
جناب حق بخش ایتمه مشمیدر؟ ذات کبریا انسانلرہ حیاتك ادامه سنه
لازم اولان هر شیئی لطف ایتدیکی کبی نسل بشری بی تو الی ایتدیرمك
وظیفه سنی ده ذوق آور برحس ایله مشبوع قیلمشدر.

قرآنك مؤمنلرہ قادینلر، کوزهل باغچهلر و سائر حسی ذوقلر
بخش ایتدیکی دوغرودر. فقط سعادت اخرویہنك بوشیلرده اولدیغنی

ظن ایتک دوغرو ده کلدرد . چونکه روح بدن دها اصیل اولدیغی
ایچون بدنه اذواقی بخش اولونمش، فقط روحه ده اذواق علویه سی تأمین
ایدیلشدرد . بونک اک بویوکی رؤیه اللهدرد . بو ذوق اعلی جنتک سائر
اذواقی اونوتدیره جقدر . جنتده باغچه لر، کاشانه لر، نعمت لر، وسائر شیلرله
اکتفا ایدنلر، اهل جنتک اک پست سویه سنده درلر . اک یوکسک
مرتبه یی احراز ایدنلر هر کون رؤیه الله ایله بکام اولانلردرد . بناءً علیه
جنتک منحصرأ اذواق حسیه ایله مالا مال اولدیغی سویله مک دوغرو اولمادیغی
کبی مسلمانلرده اذواق اخرویه نک منحصرأ مادی اولمادیغنه قانعدرلر .
برچوق اسلام علماسی، مادی اذواقی تصویر ایدن کلماتک تمثیلی بر صورتده
اذواق روحانیه یی تصویر ایتدیکنی سویله یور .

مشهور (هاید) دیر که : « مسلمانلرک برچوغی جنت اذواقنک
قابل ادراک اولمق ایچون مجازی بر صورتده تصویر اولوندیغی ،
ناصل که کتاب مقدسده ده بوکا مماثل شیلر بولوندیغی سویلرلر . فاس
سفیرینه بر مکتوب یازیور کن بر باغچه نک جنت کبی اولدیغی سویله دیکم
زمان بکا ویردیکی جوابده دنیاده جنتله قابل قیاس برشی بولونمادیغی،
جنتده کوزک کورمه دیکی ، قولاغک ایشیتمه دیکی ، عقلک تصور
ایده مه دیکی شیلر بولوندیغی یازمشدی . » بوکا برده مشهور (هه ربلو) نک
(بیلوتیقا اوریه نتالیدس) ده مسلمانلرجه اک بویوک ذوقک رؤیه الله
اولدیغی بیان ایتدکن صوکره یازدیغی شوجمله لر علاوه ایده بیلیرز :
« مسلمانلرک مخالفلری طرفندن سویله نلدیکی وجهله اونلرک آخرتده
خواسی ممنون ایدن اذواقدن باشقه ذوق طانیمادقلری دوغرو دکلدرد . »
بو ایضا حاتدن ، دیانت اسلامیه نک شهوانی ماهیتنه دائر سویله نن
سوزلرک منصفانه اولمادیغی آکلاشیلیر . مجرد خریستیانی بر نقطه نظر دن
شرق ملتارینک بعض اعتیاداتی اوروپالیلرک نظرند بویوک قصور

و بويوك كناه اولارق تلى اولونيور . حال بوكه بونلر دها منصفانه
بر صورتده تدقيق اولونورسه ايش ده كيشير . هر حالده مكلفيات
اجتماعيه نك و منشأ ، اقليم ضرورتلريني نظر دقته آلمالى يز .
حضرت محمد طرفندن توصيه اولونان جنتك اونك سيجيه سنى
عكس ايتديرديكى سويله ينلر يا كيليورلر ، بلكه بك ظالمانه تجاوزاتده
بولونيورلر . چونكه حضرت محمد ، بالعكس ، فقير ، فعال ، عوام ناسك
هدف مساعى عد ايتدكلرى شيلره اهميت ويرمز برانساندى .

۴

تعدد زوجات مسئله

تعدد زوجات ، شرقده متعمم اولان بر عادتدر . حضرت
ابراهيم زماننده بيله بو عادت حكمراندى . كتاب مقدسك بر قانچك اقتباس
ايدجكمز صحيفه لرى تعدد زوجاتك اوزمانكى دهاتميز بشريت طرفندن
بر كناه تلى ايديله ديكنى كوسترييور .
تعدد زوجات اسكى يونانيليرجه مقبولدى . (پلوتارق) بونى ياد
ايدىيور . اورىپديس ايله افلاطون تعدد زوجاتى مدافعه ايتمشلردى .
اسكى روماليلر تعدد زوجاتدن استفاده ايتمديلر سده اونى منع
ايتميشلردر . (مارق آنتونى) ، ايلك دفعه ايكنى زوجه آلان
ذات اولارق تعريف اولونيور . اوندن سو كره بو عادت تئودوسيوس ،
هونوريوس ، وارقادىوسك زماننه قدر شيوع بولمش ، آرقادىوس ۳۹۳ده
اونى منع ايتمشدى . دها سو كره ايمپراطور (والهنتيهن) نشر ايتديكى
بر امرنامه ايله بوتون تبعه سنك آرزو ايتدكلرى تقديرده متعدد زوجهلر
آلايله جكلرينى اعلان ايتمشدى . اوز مانك كليسا تاريخنى تدقيق
ايتديكمز تقديرده يسقپوسلرك تعدد زوجاته قارشى براعتراض درميان
ايتدكلرينى كورمه يورز . بويوك (قسطنطين) ك اوغلى (والهنتيانوس

قونسٹانتیوس) ك متعدد زوجہ لری واردی . فرانسه قرالی (قلوتہر)ك
 واوغوللری ھەریبارتوس ایله (ھییہ ریقوس)ده تعدد زوجاتدن استفادە
 ایتیشلردی . بونلره (پہپین) ایله شارلمانی، لوتر ایله اوغلنی، (۸۸۸)ده
 آلمانیا ایمپراطوری اولان یدنجی ارنولفوس، فرەدریک بارباروسا،
 وفرانسه قرالی قیلیپ تئوداتوسی علاوہ ایدەبیلیرز . فرانق قرالارینك
 ایلککلی آراسنده (غونتران، قاریبرت، سیجبرت وچیلبریک) ك
 متعدد زوجہ لری بولوندیغنی گوروپورز . (غونتران) ك وەنیراندا،
 مہرقاترود، اوستریچلە نامندە اوچ مشروع زوجہ سی واردی .
 (قاریبرت) نامندە کی حکمدارك (مہرفیلدا، مارقونہزا، تئودوجیلدا)
 نامندە اوچ زوجہ سی بولونیوردی .

(دانیال)، فرانسز قرالارینك تعدد زوجاتدن استفادە ایتدکلیرنی
 اعتراف ایدیور، برنجی (داغوبرت)ك اوچ زوجہ سی بولوندیغنی انکار
 ایتەدکن باشقە (تئودوبرت) ك ذات الزوج بر قادین اولان
 (دەنتاری) ی، اولی اولدیغنی و (ویزیمجلد) نامندە برقاریسی بولوندیغنی
 حالده آلدیغنی تقریر ایدیور . (داغوبرت) ك بو خط حرکتله
 عمجہ سی (قلوتہر)ی تقلید ایتدیکنی، قلوتہرك اوچ زوجہ سی بولوندیغنی
 حالده (قربوذومیر)ك دول قالان زوجہ سنی آلدیغنی علاوہ ایدیور .
 تعدد زوجاتك فیسیولوژیک اسبابندن بحث ایدیورکن (مونته-
 سکیو) صیجاق مملکتلردە قادینلرک سککز، طقوز، اون یاشلرندە
 اولنك چاغنه واردقلرینی، یکرمی یاشندە عادتاً اختیارلادقلرینی، عقللرینك
 کوزەللکلیله برلکدە نشوونما بولمادیغنی، بناءً علیہ بو مملکتلردە
 تعدد زوجاتك یک طبیعی اولدیغنی بیان ایتەدەدر .

معتدل مملکتلردە، قادینلردە یوکسک بریاشدە تەکمل ایتدکلی
 و اولەندکلی ایچون زوجلریله برابر اختیارلایورلر . و اولەندکلی

زمان عقلًا و عرفانًا خایلی ایلریله مش بولونیورلر، بناءً علیه بولنرده برزوجه ایله اکتفا ایتمک قانونی تولد ایدیور . ار ککلی عقل و قوت بدنیه ایله تمیز ایدن طبیعت، اولری بو عقل و بو قوتدن باشقه برشیله تقید ایتمه مشدر . طبیعت قادینلره حسن و فسون بخش ایتمش، ار ککلی اوزرنده کی نفوذلی بو حسن و فسونک دوامیله تأمین ایدلمشدر . میجاق مملکتلرده ایسه حسن و فسون حیاتک مبادیسنده کورولور، اوندن صوکره زوال بولور .

بوندن دولاییدر که آنجق بر قادینله اولنمه یی ایجاب ایدن قانون اوروپا ایچون موافق اولدیغی حالدہ آسیاتک اقلیمنه موافق ده کلدی . وینه بوندن دولاییدر که مسلمانلق آسیاده سهولته انتشار ایتدیکی حالدہ آوروپاده مشکلاتله انتشار ایتمش، خریستیانلق ایسه آوروپاده تأسس ایتدیکی حالدہ آسیاده طوتونامامشدر . مسلمانلغ چین ده انتشار ایتدیکی حالدہ خریستیانلغ انتشار ایدمه مسنک ده سببی بودر . (سه زار) دن آ کلاشیلدیغنه کوره اجدادیمز (انکلیر) تعدد ازواجدن استفاده ایتمش، یعنی اون، اون ایکی زوج بر تک قادینله یاشامشدر . قاتولیک میسیویوه رلری بو ابتدائی انسانلرک آراسنه کادکلی زمان رهبانیتی تشویق ایتمش، بر انسانک بردول ایله اولنمه سنک تعدد زوجات اولدیغی، بونک ایسه دیناً موجب مجازات اولدیغی سویله مشر، نهایت وحدت زوجہ اساسی قبول اولونمشدی . اسکی آلمانلرک ده وحدت زوجہ اساسنه رعایتکار اولدقلی آ کلاشیلور . تعدد زوجاتک مشروعیته کلنجه کتاب مقدسک آتیده کی اسفارینه مراجعت اولوندیغی تقدیرده اونک (یاهووا) طرفندن هم تصویب، هم ده تقدیس اولوندیغی کورور :

کتاب التکوین ۳۰ نجی باب . کتاب الخروج ۲۱ نجی باب ،
کتاب تثنیه ۱۷ نجی باب ، صموئیل اول ، صموئیل ثانی ، و سائرہ
(سن قریسوستوم) ابراہیم ایلہ ہاجر دن بحث ایدر کن دیر کہ :
« بو کبی شیر منع اولونماشدی . » (سن اوغوستین) ده دیر کہ :
« بر انسانک بر زوجه دن فضله بر قادیله ازدواج ایتہسی کبی شایان
مؤاخذہ اولمایان بر عادت شایع بولونیوردی . بو عادت بر فریضہ
صفیله ایفایدیلردی . انسانک تکثیری ایچون تعدد زوجات دن استفادہ یی
منع ایدن بر قانون یوقدی ! »

۷۲۶ سنہ سنده آلمان رؤسای دینیہ سندن (بونیفاس) پاپا
(غریغوری) دن بر آدمک ایکی قادیله نه زمان ازدواج ایدیله سنہ
مساعده اولونا جغنی صورمش ، پاپا غریغوری ، عینی سنہ نک ۲۲ تشرین
تانیسنده شو جوایی ویرمشدی : « شاید بر زوجه ، وظائف زوجیه نک
ایفاسنه مانع بر خسته لغه طو تولورسه زوج دیگر بر قادیله ازدواج ایدہ بیلیر .
شو شرطله که خسته زوجه سندهده ایجاب ایدن هر معاوتی ایفا ایتہ لیدر . »
خریستیان محرر لر آراسندهده تعدد زوجاتی مدافعه ایدن لر ظهور
ایتمشدر . بر تاردو اوشینوس ، اون آلتنجی عصرک اورتالرنده محاوروی
بر اثر نشر ایدرک تعدد زوجات لهنده اولدیغنی کوسترمش ، عینی
صیرہ لرده بوموضوعه دائر دیگر بر رساله انتشار ایتمش ایسہده
محرری اولان (لیساروس) ، (توفیلوس آلوتهس) نام مستعارینی
قوللانمشدی .

(سہلدهن) ، تعدد زوجاتک یالکیز یهودیلر آراسندهده کل ،
سائر بوتون اقوامک آراسندهده مباح اولدیغنی اثبات ایتمکدهدر .
فقط تعدد زوجاتک اک ممتاز مدافعی مشهور (ژون میلتون) در .
میلتون « عقیدہ خریستیائیہ حقنده رساله » عنوانلی رساله سنده تعدد

زوجاته دائر کتاب مقدسه کی متعدد سوزلری نقل ایتد کدن صو کره دیور که: « رب »، مجازی بر مثله کندینی ایکی زوجه آلمش، (اهوله) و (اهولیته) ایله اوله نمش کو ستر مکده در. طبیعی بو عادت منفور ویا شبهه آور اولسه (یا هووا) ولو تمثیلی بر صورتده بونی موضوع بحث ایتزدی. او حالده کرک تورات، کرک انجیلده هیچ بر کیسه ایچون ممنوع اولمایان برشی، نیچون حجاب آور، یا خود ناموس شکن عد اولونیور؟! « مسئله یی باشقه بر نقطه نظر دن محاکمه ایده بیلیرز. تعدد زوجات، یانکا حدر، یا خود زنادر. حرمت ایتدیکمز بونجه انبیا متعدد زوجه لر آلمش اولد قلرندن اولره زنا اسنادینه امکان یوقدر. او حالده تعدد زوجات « نکاح » در. نکاح ایسه مشروع و شرفلیدر. بناء علیه حضرت محمد، جناب حق اسکی شریعتلرده مشروع کوردیکی برشیی آنجق تنظیم ایتشددر. اوکا تعدد زوجات دن دولایی بر کونا هجومده بولونمغه محل یوقدر.

تعدد زوجات علیهنده کی باشلیجه دلائل، اونک حیات عائله ده جنسین آراسنده کی مساواتی احما ایدن بر استبداد وجوده کتیردیکی، اونک حقیقی محبت و دوستلغی ییقدیغی، حسد و عائللی اختلافی تولید ایتدیککی در. متعدد زوجه لره صاحب اولانلرک اولرنده مستبدانه بر مطلقیتک حکمفرما اولدیغنی ظن ایدنلر، آسیا لیلرک عاداتنه آگاه اولمایانلرک جاهلانه خطاسنه صاپورلر. شرقلیلرک عاداتی تصویر ایدن، فقط شرق محررلری طرفدن یازیلان اثرلری اوقویانلر، قادینک او طرفلرده محکوم اولدیغنی ظن ایدنلر باطل بر ذهابه صاپورلر. (اتکینسون)، ایران قادینلری حقنده یازدیغنی اثرده دیور که: « انکلتره ده شرق قادینلری حقنده بیلینن یکانه شی، اونلرک جبارار ککلرینه جاریه لک ایتد کلرندن، حرملرده محبوس اولد قلرندن عبارتدر. » اتکینسون بو ذهابک باطل

اولدیغنی بیان ایدرک شرقده قادینلرک ، بالخاصه اسلام قادینلرینک حائر
اولدقلری حقوق و منافعی ایضاح ایتمکده در . حرم بر محبس ده کل ،
بر مأوی حریتدر . زوج حرمه کیردیکی زمان ، آرتیق افندی
اولدیغنی اونوتور، هر کسک نظری اولک خانمه توجه ایدر. آلتمش یتمش سنه
مقدم انکلتره بی زیارت ایدن ابو طالب خان ، انکلتره عائله حیاته
دقت ایتمش، اوکا دائر انکلیزجه یه ترجمه اولونان بر اثر قلمه آلمشدی.
مومی الیه اسلام قادینلرینک، آوروپالیلردن دها قوتلی حقوق وحریته
صاحب اولدقلرینی بیان ایتمکده، تعدد زوجاتک حیات عائله ده مطابقت
تأسیس ایتدیکنی شو ملاحظه ایله رد ایتمکده در : «بنم آکلادیغمه
کوره ایکی دیشی قاپلانله یاشامق ، ایکی قادینله یاشامقدن اهودر . «
مشهور سیاح (نایبوهر) ده عینی فکرده در . مومی الیه دیورکه :
« آوروپالیلر شرقده ازدواجک ، غربده کی ازدواجدن بام باشقه
اولدیغنی ظن ایتمکله اکتفا ایدیورلر . بن عربستانده بویله بر فرق
کورمه دم. بومملکتک قادینلری، آوروپاده کیلر کبی سربست و مسعود
کورونیور . کرچه مسلمانلر آراسنده تعدد زوجات عادتی شایع
بولونیور ، بو ایسه آوروپالی قادینلری متدهش ایدیورسه ده، عربلر
درت زوجه آلمق حقندن نادراً استفاده ایدیورلر . آنجق زنکینلر
تعدد زوجاتدن استفاده ایتمکده ، فقط بونلر عموم طرفندن خوش
کورولمه مکده درلر. عقللی آدملر، بوجوازی، موجب ممنونیت کورمه یور،
بالعکس اونک اضطراب آور اولدیغنی سویله یورلر . چونکه بر زوج
زوجهلری آراسنده مساوات و عدالت تامه دائره سنده حرکت ایتمکه
شرعاً مجبوردر ، فقط بووظیفه بی ایفا ایتک او قدر مشکدر که عربلر
اوندن نادراً استفاده ایدیورلر . «

تعددزوجاتک حقیقی محبت و مودتی احما ایتدیکنه کلنجه آوروپانک

یو کسکجه صنفلی آراسنده تعدد زوجاتدن استفاده ایتک امکانی اولسه شهه سز، اوندن استفاده ایدنلر پک محدود اولور وایکنجی ازدواجلر برنجیسندن دها آز مرغوب اولوردی . ازدواج معامله لرینک بارد مراسمی ، آیری آرابه لر ، و یو کسکجه صنفلر آراسنده معلوم اولان سائر ترتیبات ، تمیز و صاف محبتی تخریب ایده جک ماهیتنددر . غربده مودایه تابع اولان قادین ، تعدد زوجاتی مباح طانیان مملکتلردن فضاه ، آلینوب ساتیلیمقدهدر .

تعدد زوجاتک محبتی اطفا ایتدیکنه دائر درمیان اولونان فکر ، اسکی انکلترونک یکانه حریت و مسعودیت مملکتی اولدیغنه دائر ایلری سورولش متعصبانه مطالعاتدن تولد ایتکدهدر . شاید تعدد زوجات ، ده نیلدیکی قدر فنا ایسه ، دنیانک بو قدر بویوک برقسمنده شیوع بولمازدی .

در دینی قسم

قرآنك معالیندن انتخاب

معالی قرآن

زکات و صدقات ایله مکافاتى - حقیق مؤمنلرک جنتده مسعودیتى - خلقت عالم - شریکى ونظیری اولمایان ذات کبریا - بوتون مخلوقات ذات اجل واعلائی تقدیس وتنزیه ایلر - خالقک یدنجی کونده استراحت ایتدیکی بهتانى رد - عرش الہی - جناب حقک هر یرده حاضر وناظر اولدیغی - ذات کبریآنک اوغللاری یوقدر - بر ذره آغیرلغنجه خیر وبر ذره آغیرلغنجه شر - روح، کناهلرینی نه صورتله ونه کبی شرائط آاتنده طانیه جق - حیواناته قارشى شفقت - چوجق اولدیرمک - ابوینه حرمت واطاعت - الفرقان (حاشیه) - طاهر اولمایانلر قرآنه ال سوره منزلر - دوغرو اولچمک - قرآن طرف کبریادن کوندریلن بر وحى الہی در - جناب حقک حضرت محمدی صیانتى - ایچکی وقار ممنوعیتى - والدینه حرمت (حاشیه) - ایتمه قارشى بروشفقت - حقیق تقوی - نمازلر - مفتریلرک جزاسى - ارواح ناصل محافظه اولونور ، ناصل محو اولور - قادینلر .

زکات و صدقات

﴿ فاتقوا الله ما استطعتم واسمعوا واطيعوا وانفقوا خيراً لانفسكم ومن يوق شح نفسه فاولئك هم المفلحون ﴾
سورة تغابن ۱۶

« قدر تیکز یتدیکی قدر جناب حقه قارشى وظائفکزی ایفا ایدیکز . دیکله ییکز واطاعت ایدیکز . کندى نفسکزک خیر وسعادتى ایچون ماللریکزدن انفاق ایدیکز . نفسلرینک خست وامسا کندن قورتولانلر یوقى » ایشته فلاحه ایره نلر اونلر در . »

« الذين ينفقون اموالهم بالليل والنهار سراً و علانية فلهم اجرهم عند ربهم ولا خوف عليهم ولا هم يحزنون . » سورة بقره ۲۷۵
 « اونلر كه كيجه، كوندوز؛ كيزلي، آشكار ماللريني افاق ايدرلر،
 اجر ومكافاتلري نزد الهيده مهيار . اونلر ايچون هيچ بر خوف
 وكدر پوقدر . »

« ان تبدوا الصدقات فنعما هي وان تخفوها وتؤتوها الفقراء فهو خير لكم ويكفر عنكم من سيئاتكم والله بما تعملون خبير . » سورة بقره ۲۷۱
 « صدقه لريكزي آشكار ويريرسه كز بو كوزهل برشيدر . فقط
 اونلري كيزلرده فقرايه ويريرسه كز بو سزك ايچون دها خيرليدر ،
 سزك كناهلريكزي محو ايدر . جناب حق هر ياپديغكزي بيلير . »
 « ان تقرضوا الله قرضاً حسناً يضاعفه لكم ويغفر لكم . » سورة تغابن ۱۷
 ماللريكزي خلوص قابله امر اولونديغكز يولده صرف ايدرسه كز
 جناب حق بونك اجريني مضاعف ايدر وسزى مغفرتنه نائل ايلر . »

دؤمنلر

« ونزعنا ما في صدورهم بما كنتم تعملون » سورة اعراف ۴۲
 « اصحاب جنتك قلبلارندن هر درلو بغض وحسدى چيقاردق .
 اونلر ك مسكنلرينك آلتندن ايرماقلر آقار . اونلر ديرلر كه : الله
 تعالايه حمد و ثنا اولسون كه بزي بو نعمت و مقامه ايرديردي . بزه
 بو يولي كوسترمه سيدي بز كنديلكميزدن طريق حقه ايره مزدك .
 محقق ربمزله پيغمبرلري حقه كلديلردي . اصحاب جنته دنيله جك كه
 ايسته سزه عمللريكزذن دولايي ويريلن جنت بودر ! »

« و بشر الذين آمنوا وهم فيها خالدون » سورة بقره ۲۴
 « ايمان ايدوپ اعمال صالحه ايشلرينلره تبشيرايت كه اونلره ايچنده

ایر مقلر آقان جنتلر ویریله جکدر . اونلرک میوه لرندن رزقله ندیجه
بو بزم اولجه نائل اولدیغمز بهکزه یور ، دییه جکلر . چونکه اونک
مشابهنی الیه ایده جکلر دره . اونلرک طاهر زوجهلری واردر . واوراده
ابدیاً قالا جکلر در . »

صلقت

« الله الذی رفع السموات بغير عمد ترونها توقنون » سورة رعد ۲
« الله او اللهدر که کوکلری کوردیکه کزه هیئتده دیر کسز رفع ایلدی .
صوکره عرش اوزرینه طور دی . کونش وقری (مصلح عباد ایچون)
تسخیر ایلدی که بونلرک هر بری معین بر زمان کندی یولنی دور
ایدر . جناب حق هر شیئی تدبیر ایدر ، آیاتی توضیح ایلر ، تا که
هیکز اللهکزه ملاقی اولاجفکزه یقیناً امین اولاسکز . »

« وهو الذی خلق السموات والارض بالحق تعالی عما یشرکون ... » سورة نحل ۳
« او اللهدر که کوکلری ویری حق ایله یاراتدی . ذات کبریایی
هر شریکدن منز و متعالیدر . »

« الله لا اله الا هو الحی القيوم وهو العلی العظیم . » سورة بقره
« الله او اللهدر که اوندن باشقه بر اله یوقدر . باقیدر . هر آن
بوتون خلقت اوزرنده حاکم وقائمدر . نه اویوقلار ، نه اویور ،
کوکلرده و یرده نه وارسه هپسی اونکدر . کیم تصور اولونا بیلیر که
قالقسینده اذنی اولقسزین نزد الهیسنده شفاعت ایده بیلسین ؟ . .
مخلوقاتک ایشله دکلرینی ، ایشله یه جکلرینی بیلیر . مخلوقات ایشه علم
الهیسنده یالکز اونک دیله دیکسی قاوراپه بیلیر ، باشقه برشی بیله مز .
علمی بوتون کوکلری ، یری قوجاقلار و بونلرک نکه بانلغی کندیسنه

آخیر کلمز . یوکسک ، بویوک یالکیز اونک ذات کبریا سیدر . «

« سبح لله ما فی السماوات ... وهو علیم بذات الصدور » سورة حديد
 « کوکلرده ویرده نه وارسه هپسی ذات کبریای تقدیس وتزیه
 یلر . علیم وحکیم اودر . کوکلرک صاحب ومتصرفی اودر . یاشاتیر ،
 اولدیرر ، هرشی اونک دائره قدرتنده در . اول اودر ، آخر اودر ،
 ظاهر اودر ، باطن اودر ، هرشیئی بیلن اودر . کوکلری ویرلری
 آلتی کونده یاراتدقن صوکره عرش تدبیرندن هرشیئی اداره ایدن
 اودر . یره کیرن ، یردن چیقان ، کوکدن اینن و اوکا چیقان
 هر ذره بی بیلن اودر . نرده بولونورسه کیز ، اوسزکله برابردر . سما
 وارض ملکوتی اللهکدر . هپکیز اوکا دونه جکسکیز . کونی کیجه یه
 تعقیب ایتدیرن ، کیجه بی کونک پشندن کتیرن اودر . انسانک الک
 کیزلی دوشونجه لرینه آگاه اولان اودر . «

ذات الوهیت

« الحمد لله رب العالمین ... علیهم ولا الضالین آمین » سورة فاتحه

حمد او الله ایدیلیرکه رب العالمیندر ، رحمن ورحیمدر ، روز قیامتک
 صاحبیدر . (الهی !) یالکیز سکا قوللق ایدرز ، یالکیز سندن یاردم
 دیلرز . بزه دوغرو یولی ، نعمت لرینه نائل اولان ، غضبه اوغرامایان ،
 شاشیرمایانلرک یولنی کوستر . آمین .

« قل هو الله احد ، الله الصمد ، لم یلد ولم یولد ولم یکن له
 کفواً احد . » سورة اخلاص

دی که ، او الله بردر ، هرکسک پناه والتجا کاهی اولان اللهدر ،
 طوغورمادی ، طوغمادی واونک بر نظیر وشریکی اولمادی .

«تبارك الذي بيده الملك وهو على كل وهو حسيّر» سورة الملك

بوتون ملكي قبضة تصرفنده طوتان ذات كبريا منزه و متعاليدر. هر شيه قادر در. اولوی و دیر یلکی یاراتدی که هانکیکزک دهافضله حسن عمل صاحب اولدیغنی دهنه سین. عزیز و غفور اودر. اوست اوسته یدی کوك یاراتدی. اونك یاراتدیغنده هیچ بر قصور کوره مزسکز. کوزلرینی سما طرفه دوندیر. عجباً اونده ذره قدر بر نقصان کوره بیلیر میسک؟ صوکره تکرار بتکرار باقی. کوزلرک هیچ بر قصور و نقصان کور میهرک دونر.

«و عنده مفاتيح الغيب ... الا في كتاب مبين» سورة الانعام ۵۹
بوتون غیب خزینه لرینک آناختارلری اونك نزدنده در. اولری آنجا
اوبیلیر. قره ده، دکرده نه وارسه هپسی بیلیر. آغاچلردن دوشن هر
یاپراغک دوشدیکنی بیلیر. ارضک قارا کاکلرنده کی دانه لر، یاش، قورو
هرشی کتاب مپینده در.

«تسبح له السموات السبع والارض ومن فيهن وان من شيء الا يسبح بحمده ولكن لا تفقهون تسبيحهم»
سورة اسراء ۴۴

یدی کوك ویر و بوتلرک ایچنده نه وارسه هپسی ذات کبریای تسبیح
و تقدیس ایلر. بر شی یوقدرکه الهی تقدیس و تنزیه ایتمه سین. یالکز سز
اونك طرز تسبیحی ادراک ایده مزسکز.

«لله ما في السموات وما في الارض وان تبدوا ما في انفسكم او تخفوه يحاسبكم به الله»
سورة البقره

کوکلرده ویرده نه وارسه هپسی اللهکدر. ایچکرده کنی بللی ایتسه کزده
کیزلهسه کزده جناب حق سزدن اونك حسابنی صوراجقدر.

«ولا تجعلوا لله عرضة لايمانكم ان تبروا وتتقوا وتصلحوا بين الناس
والله سميع عليم»
سورة بقره ۳۳

مقصدیکز برو تقوی و اصلاح بین ایه یمینکزی مانعه یاپمایکز. جناب حق
ایشیدیر و بیلیر.

« لا يؤخذكم الله باللغو في ايمانكم ولكن يؤخذكم بما كسبت قلوبكم والله غفور حلیم . »
سورة بقره ۴۴

ذات كبریا ناحق یره وقوع بولان یمینلر كیزدن دولایی سزی مؤاخذه ایتمز . آنجق قلبكز لسانكزه مطابق اوله رق خلافه یمین ایدرسه كز سزی مؤاخذه ایدر . الله ، غفور وحلیمدر .

معاذت وسفالت

« واللیل اذا یغشی والنهار اذا تجلی ... فسنیسره للعسری » سورة لیل
عالی قارا کلغیله اورتن کیجه حقیچون ، کیجه نك قارا کلغنی برطرف ایدوب عالمه ضیا ویره ن کوندوز حقیچون ، ارکی ویشی بی یارادن حقیچون ، سزك سسی وعملكزك مختلف هدفلی وار . ایچكزده هر كسه حقنی ویره ن ، هر فناقندن صاقینان واک ای شیئی قبول وتصدیق ایدنه اك كوزهل عاقبتی قوللا . یلاشدیره جغز . فقط خست کوستره ن ، اللهدن مستغنی اولدیغنی ادعا ایدن وواک ای شیئی یالان تلقی ایدنه اك فنا عاقبتی قوللا یلاشدیره جغز !

انسانك كفرانی

« والعادیات ضیحاً ان ربهم يومئذ خیر . » سورة عادیات
کوکسلی قباره قباره قوشان ، قوشپورکن آیاقلریله طاشلردن قیویاچملر چیقاران ، صباحلین دشمنه آتیلان ، توزی طوپراغی قالدیران ، وطوپلو کتیبه لری یارارق ایچلرینه دالان غازیلر حقیچون ، انسان اللهك نعمتلیرینه کفران ایدیور ، بوکالذات کندیسیده شاهددر . انسان دنیا متاعنه حریرصدر . یامه یوری که منارلرك ایچنده کی هر شی آشکار اولور وقلبلرده کی هر شی میدانه چیقارسه نه اولور ؟ محقق الله تعالی هر شیئی بیلیر وجزاسنی ویرر .

قیامت کونی

« اذا زلزلت الارض زلزالها واخرجت ومن یعمل مثقال
ذره خیراً یره ومن یعمل مثقال ذره شرّاً یره » سورة زلزال

وقتاً که ارض دوچار اولاجنی زلزلهیه گرفتار اولور ، ایچنده کی بوتون یوکاری میدانه چیقاریر ، انسازده « نه اولیور؟ » دیر ؛ اوکون ارض دیله کلوب هر شیئی خبر ویریر ، چونکه جناب حق اوکا هرشیئی وحی ایدر . اوکون آدم اولادلری پراکنده پراکنده کلیرلر، ونه یاپدقلرینی کورورلر . کیم که ذره آغراغنججه برخیر ایشله مشدر ، اونی کوره جک ؛ کیم که ذره آغراغنججه شر ایشله مشدر ، اونی کوره جکدر .

« اذا السماء انفطرت واذاالکواکب انتثرت علمت نفس

ما قدمت و آخرت » سورة انفطار ۱ — ۵

سما تارمار اولدینی ، ییلدیزلردو کلوب داغیلدینی و دکزلر بربرینه آقوب هپسی برلشدیکی ، مزارلر آلت اوست اولوب ایچنده کنی طیشاری یه فیلاتدینی زمان هرکس اول و آخر نه یاپدینی آ کلایا جقدر .

« اذاالشمس کورت واذاالنجوم انکدرت واذاالجمال سیرت

علمت نفس ما احضرت » سورة تکویر ۱ — ۱۴

کونش طوس طوب اولوب ده ورلیدیکی ، ییلدیزلر قاراروب یاغمور کی یره دوکولدیکی ، داغلر یرلرندن سوکولوب ذره کی اوقلا ندقلری ، حیوانلر عقامته اوغرا دینی ، ده کزلر بربرینه قاریشوب قانادینی ، جانلر بدنلره قاووشدینی ، دیری دیری کوموله نلر هانکی کنه یوزندن اولدیرلر کارینی صور دقلری ، کتابک یاپراقلری آچیلدینی ، کوکلر دری کی یوزولدیکی ، جهنم قیزدیریلدینی و جنت یاقلاشدیریلدینی زمان هرکس ایشله دیکی خیر و شری آ کلایا جقدر .

قرآنه

« تبارک الذی نزل الفرقان علی عبده .. فقدره تقدیرا » سورة فرقان

متعالی ومنزه اولان ذات کبریا بوتون اقوامی انذار ایتک اوزره فرقانی [۱] قولنه کوندردی . کوکلرله یرک ملکوتی اونکدر . او هیچ بر اوغل

[۱] فرقان حق ایله باطلی بربرندن آیرداندن دیمکدر . مؤلف بوکلادن

ایدینه دی ، ملکنده شریکی اولادی . شیئی لایق وزره یارادوب مقدارینی تعیین ایتدی .

« والنجم اذا هوى .. علمه شدید القوی » سورة نجم ۵ - ۵۰

غروب ایدن بیلدیزلر حقیقون سزك آرقاداشکن ، محمد ، اصلا ضلالتیه صابادی و خطایه دوشمه دی . کندی آرزو و هوسیه بر سوز سویله مدی . اونك دین نامنه تبلیغاتی آنجق وحی الهیدر . بو وحی اوکا قوتی چوق شدتلی اولان اوکره تدی .

« أفراأتم النار التي تورون ، اتم شجرتها ام نحن المنشئون . . . »

تنزیل من رب العالمین « سورة واقعه ۷۲ - ۸۱ »

یاقدیغکنز آتشی کوریور میسکنز ؟ اونك آغاجنی سزمی وجوده کتیردیکنز ، یوقسه بزمی ؟ بز بو آتشی بر نمونه عبرت یابدق که ، هل بصیرت اونی کوروب عبرتین ، وهرکس اوندن مستفد اولسون . اویله ایسه حق جل وعلانك نام اقدسنی تسبیح و تقدیس ایله . بیلدیزلرک مواقعیله قسم ایدرم ، که بو قسم چوق بویوک بر قسمدر ، بو محقق قرآن کریعدر ، لوح محفوظده مصنون کتابدر ، اوکا آنجق طاهر اولانلر ال سوره بیلیرلر . بو کتاب ، رب العالمین اولان الله طرفندن کوندلمشدر .

طاریلر و اولچولر

« ويل للمطففين . . . يوم يقوم الناس لرب العالمين . » سورة مطففين

ویل او اکسیک اولچن ، اکسیک طارتانلره که ، انسانلردن برشی صاتین آلدیلری کندیلرینه عائد اولانی تام اولچوب ، تام چکرلر ؛ فقط انسانلره صاندیلری اکسیک اولچرلر ، اکسیک طارتارلر . بونلر بیلسمه یورلری که بویوک بر کون ایچون بعث اولونا جقلر ، و اوکون بونون انسانلر رب العالمینک حضورنده دورا جقلردر .

بحث ایدیورکی اونك قورتاریجی ، آدینلا تیحی مناسنده اولدیغنی ، یهودیلرکده تورانه فرقان نامنی ویردکارینی و بوکله یی بومعنا لرده قولاندقارینی بیان ایدیور .

« الرحمن علم القرآن ... ولا تخسروا المیزان » سورة الرحمن ۸-۱

رحمانیتله متصف اولان الله محمدہ قرآنی تعلیم ایتدی . انسانی خلق ایدوب اوکا بیانی اوکرهتدی . شمس و قمر برجلرتده و منزلارنده تقدیر اولونان حسابله جاریدر . نجم و شجر الله سجده ایدیورلر . الله تعالی سمایی یوکسلتهرك میزنی وضع ایتدی . تاکه میزان عدالتده حدی تجاوز ایتمه یه سکر . وزنی عدالتله دوس دوغرو وزن ایدیکر و انسانلرک حقندن برشی اکیلفمه ییکر .

« القارعة ما القارعة وما ادريك ما القارعة . . نارحامیه » سورة قارعة

قلبلری داغلايان کون ، نه مدھش کوندركه اونک هیبتندن قلبلری و وریلور ، اوکونک شدت واضطرابندن انسانلرچکرکه کبی بربرته قاریشوب پامال اولورلر ، داغلر آتیلیمش پاموق کبی داغیلوب اوچارلر . فقط اوکون ایشله دکاری حسانی آغیر کلنلر ، جنتده اک کوزهل حیاتی سورهرلر . حسانی خفیف و سیئاتی آغیر کلنلرک یری ، جهنمک اسفایدرکه ، اوراسنک نه اولدیغنی بیلور میسکر . اوراسی اک یاقیجی آتشدور .

حضرت محمد

« طه ! ما انزلنا عليك القرآن لتشقي الا تذكرة لمن يخشى »

لا اله الا هو له الاسماء الحسنى « سورة طه ۷-۱

یا محمد ! بز سکا قرآنی محنت و مشقته اوغراماک ایچون کوندرمه دک . اونی قلبنده خشیت ورقت اولانلره وعظ و نصیحتده بولونمق اوزره کوندردک . قرآنی ، ارضی و یوکسک سماواتی یارادان ذات کبریا کوندردی . اله رحمت ، عرش تدبیرنده قائمدر . سماوات و ارضک ایچنده ، یرک آلتنده نه وارسه هپسی اونکدر . سن سوزینی آشکار سویلر سبک سویله ، فقط جناب حق ، کیزلی سوزی ده ، ضمیردن کچه نی ده بیلر . الله ، او اللهدرکه اوندن باشقه برالاه یوقدر ، اسمای حسنی اونکدر .

« والضحي والليل اذا سجي ماودعك ربك وما قلبي ... واما بنعمة

ربك فيحدث » سورة ضحی

قوشلق حقیچون ، ظلمتی اشیای قاپلايان کیجه حقیچون ، ربک سنی اصلا ترک ایتهدی ، سندن نفرت ایتهدی . محقق بیلکه آتی ماضیدن ده ای

اولا جقدر . ربك سكا احسان ايدم جك وسنى خوشنود قيله جقدر . ربك سنى
يتم بولوب ايوا ايتمه ديمى ؟ سنى ياكاش يولده بولوب ارشاد ايتمه ديمى ؟ سنى
محتاج بولوب زنكيشد ير مه ديمى ؟ صاقين يتيمى آزارلاما ، سائلى رد ايتمه ،
ربك نعمتى اعلان ايله شكر ايت !

« اقرأ باسم ربك الذى خلق علم الانسان ما لم يعلم » سورة العلق

هر شيتى يارادان ربك نامنه اوقو . الله انسانى بر پارچه او بوشمش
قاندن ياراتدى . اوقو ، ربك ، جمله كريماتك اكرميدر كه قلمله او كرتدى ،
انسانه بيلمه ديكنى بيلديردى .

« والعصر ان الانسان لفي خسر وتواصوا بالصبر » سورة العصر

عصر حقيچون انسان (عمرينى فاني دنيا ايشلربنه حصر و صرف ايتديكى
ايچون) خسران وزيانده در . فقط ايمان ايدوب اعمال صالحه ايشله ينلر ،
بربرينه حق ، بربرينه صبرى توصيه ايدنلر مستثنادرلر .

اوامر اضروقه

« ولا تقربوا الزنا ، انه كان فاحشة ومقتاً ، وساء سبيلاً » سورة اسراء

زنايه يا قلاشمايكز ، چونكه كوتولكدر . واك فنا يولدر .

« ولا تمش في الارض مرحاً انك لن تحرق الارض ولن تبلغ الجبال

طولا » سورة اسراء

يرك اوزرنده مغرورانه آديم آتمة ، سن نه ير يوزيني دهله بيلير ، نه ده
داغلرله بوى اولچه بيليرسك .

« واصبر نفسك مع الذين يدعون ربهم بالغدوة والغشى ... و كان

امرهم فرطاً » سورة كهف — ۲۷

صباح آقشام اللهمك رضا سنى طلب ايله ربلرينه طاعت اوزره بولونان
ودعا ايدنلرله صبر ايت . بونلردن نظرينى چه ويروب حيات دنيا زينتنه مائل
اغنيا واشراف مجلسنه ملازمت ايتمه ، قلبى بزم ذكر يمزدن غافل ، هوا سنه

رام و بوتون ایسته دیکی هدر اولان کیمسه لره اطاعت ایته .

« قل تعالوا اتل ما حرم ربکم لعلکم تعقلون » سورة انعام ۱۴۹

دی که کلیمیز ، اللهک سزه حرام قیلدینی شیلری بیان ایدیم : اللهه هیچ بر شریک قوشماییمیز ، ابوینکزه ایملک ایدیگز ، ضرورت قورقوسیه چوجوقلریگز اولدیرمه ییمیز ، الله اولنرکده ، سزکده رزقکیزی ویریر . کیزی ، آشکار فناقلره یا قلاشماییمیز ، اللهک قتلنی تحریم ایتدیکی نفسی اولدیر . مه ییمیز . مکرکه حق ایله اوله .

« یا ایها الذین آمنوا انما الخمر والمیسر والانصاب والازلام ... فهل

انتم منتهون » سورة مائده ۹۰

ای مؤمنلر ، ایچکی ، قار ، بتلر و بتلر نامنه آتیلان اوقلر شیطان ایشی بر کوتولکدر . بونلردن اجتناب ایدیگزکه فلاح بولاسکیز . شیطان ایچکی وقارله سزک آرا کزده فتنه و فساد ، عداوت و منافرت وجوده کتیره رک سزی اللهی یاد ایتمکدن ، دعا و عبادتدن منع ایتک ایستر . اوحالده بونلردن وازچمه کز ایجاب ایتیزی ؟

شهادت

« یا ایها الذین آمنوا کونوا قوامین بالقسط ... » سورة نساء ۱۳۵

ای مؤمنلر ! حضور الهیده ایفای شهادت ایدیورکن عدالت اوزره ثابت قدم اولیگز . ایفا ایدم جککیز شهادت کندی علیه کزده ، یا خود ابوینکیز ، یا خود اقربا و تعلقاتکیز علیه کزده اولسه و بونلر زنکین و یا فقرا اولسه لرده اولهجه حرکت ایدیگز .

یتیملر

« ویسألونک عن الیتامی قل اصلاح لهم خیر » سورة بقره

یا محمد ، سکا یتیملره دائرده سؤال صوراجقلردر . دی که اونلره حسن معامله و اونلری اصلاح ایتک خیردر . فقط شاید اونلره عاٹد ایشلری ادارهیه کیریشه جک اولورسه کز ، اونلره قارشی بر خطا ایشله مه ییمیز . اونلر سزک قارداشکزدردلر . جناب حق ، اگری کیدنلری ده ، دوغرو یورویه نلری ده بیلیر .

ابوبه

« وقضى ربك ألا تعبدوا الا اياه .. كاربياى صغيرا » سورة اسراء
 كندیسندن باشقه سینه عبادت ایتمه مکزى و بابالریکزه ایملک ایتمه کزى
 ربك سکا صورت قطعیه ده احرا ایدیور . شاید ابویندن یالکز برینه ،
 پاخود ایکیسنه بردن سنك الله باقدقلى زمان اختیارلق چو کرسه صاقین
 اوصانوب کندیلرینه الا الله دیه ، یوزلرینه باغیرما ، یوموشاق سوزلرسویله .
 سوکره اونلره شفقتندن قنادلریکی یرلره ایندیرده قارشیلرنده اوپله طور .
 و « یارب بنی کوچك یاشمده ایکن ناصل صرحتله بویوتدیلسه سن ده شیمدی
 اونلره رحیم اول « دییه دعا ایت .

تقوى

« ليس البر ان تولوا وجوهكم ... واولئك هم المتقون » سورة بقره
 یوزلریکزی مشرقه ، پاخود مغربه دونمه کز طاعت ده کلدر . طاعت
 آنجق او کیسه لرك ایشله دیکیدرکه الله ، آخرت کوننه ، ماکاره ، کتابه ،
 پیغمبرلره اینانیر ، سودیکی مالنی خیصیملرینه ، یتیملره ، بیچاره لره ، بولده
 قالمشلره ، ایسته ینلره ، برده اسیرلره ویریر ، نمازی قیلار ، زکاتی ادا ایدر ،
 سوکره معاهده عقد ایتدکاری زمان عهدینی یرینه کتیره نلر ، هله صیقینتی
 وخسته لق صیره لرنده و حرب زماننده ثبات و متانت کوستره نلر یوقی اشته
 اللهدن قورقانلر بونلردر .

نماز

« اتل ما اوحى اليك من الكتاب ولد كرا لله اكبر »

سورة عنكبوت

سکا کتابدن وحی اولونانی تلاوت ایت و نمازه مداومت ایت . محقق نماز
 انسانی فحشادن (عقلاً و شرعاً مذموم اولان هر شیدن) و منکرلردن نهی
 و منع ایدر . شبهه سز ذکرا لله اك بویوك واك مقدس وظیفه در .

غمازلر و مفتربیلر

ویل لککل همزة لمزة : هرکسه دیل اوزاتان ، افترا ایدنلره ویل !

روح

« قد افلح من زکاکها وقد خاب من دساها » سورة شمس
نفسنی تزکیه ایدن فلاح بولور ، اونی کیرله تن خسرا نه دوچار اولور .

قادینلر

« وقل للمؤمنات یغضضن من ابصارهن ولا یبدین زینتهن »
مؤمنه قادینلره دی که فبالغه کوزلرینی دیکمه سینلر ، عفتلرینی محافظه
ایتسینلر ، زینتلرینی میدانه چیقارمه سینلر .


فتام

DATE DUE

To renew
call 292-3900

[illegible]

LIBRARY
OHIO STATE UNIVERSITY



stx

BP75.27

D383

1928